

UTL AT DOWNSVIEW



D RANGE BAY SHLF POS ITEM C  
39 15 18 03 14 004 1

CT  
1473  
B83

Bursali, Mehmed Tahir  
Aydin vilayetine mensub

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

4038

No ⑩ of Bibliographies

4/10







آیدین ولایتنه منسوب مشایخ، علما، شعرا،

مورخین، واطبانک تراجم احوالی

محرری :

بروسه لی محمد طاهر به رفعت

معارف نظارت جلیله سنک فی ۱۴ حز یران سنه ۱۳۲۴  
تاریخی و  $\frac{۷۰}{۳۱۸۸}$  نومرولی رخصتیه طبع اولمشدر .

کتابخانه

[کتابخانه] مطبعه سی — بشماجلیلر باشی جوارده

امام سوقاغنده نومرد ۸۷

۱۳۲۴



# فهرست

اسامی

صحیفه نومیروسی

شیخ احمد افندی ( مرکز زاده )	۵
شیخ ابن عیسی صاروخانی	۶
» احمد رومی	۸
أر اوغلی نوری افندی	۹
شیخ اسماعیل آیدی ، ناغب مصطفی دوده	۱۰
حمزه بابا	۱۱
دوده عمر روشنی	۱۲
سلامی مصطفی افندی	۱۴
شیخ صلاح الدین - یواسی	۱۶
شاهدی ابراهیم دوده	۱۸
قدوسی عبدالرحمن انذری ، قوش اطالی	۲۲
شیخ ابراهیم افندی	
کال خلوتی	۲۴
کال امی	۲۵
کنزی حسن افندی ، مرکز انندی	۲۶
مئی جان افندی ، محمد حق افندی ،	۲۸
شیخ نزولی مصطفی افندی	۲۹
عاشق یونس - یونس امره	۳۰
یکیت باشی احمد شمس الدین مرمره وی	۳۴



## علما فصلی

ابن ملک	۳۶
ابن ملک زاده محمد افندی	۳۸
اسحق خواجه سی احمد افندی	۳۹
ازمیری	۴۲
» سلیمان افندی	۴۳
» مصطفی » ، ابراهیم برغمه وی	۴۴
ابن اطه وی مصطفی بن ابراهیم ، احمد سعید افندی	۴۵
ابراهیم افندی ، ادرنه مفتیسی محمد فوزی افندی	۴۶
بدرالدین محمود آیدینی	۴۷
بر کوی محمد افندی	۴۸
بوستان مصطفی افندی	۵۳
بوستان زاده محمد افندی	۵۴
» » یحیی »	۵۵
چیوی زاده محی الدین افندی	۵۶
» حاجی سلیمان	۵۷
حاجی اولیا زاده حاجی علی رضا افندی	۵۸
حسین بن محمد مندالیاتی ، حضر شاه بن عبداللطیف	۵۹
منتشاوی	
داود قارصی	۶۰

- |  |    |
|--|----|
| رسول بن صالح آیدینی ، رجب افندی                                | ۶۱ |
| رادوسی زاده محمد افندی   | ۶۲ |
| زینی زاده حسین افندی ، سنان افندی                              | ۶۳ |
| سکونی محمد افندی ، شمس الدین آیدینی                            | ۶۴ |
| صوبیجہلی محمد افندی ، صاری ابراہیم افندی ،<br>طواسی علی افندی  | ۶۵ |
| طاٹ زاده حسین افندی ، عبدہ بن یوسف<br>بن محمد بن یحییٰ الکستلی | ۶۷ |
| عیشی محمد افندی  | ۶۸ |
| عبدالکریم اقحزاری  | ۷۱ |
| عالم محمد بن حمزہ حاجی امیر زاده                               | ۷۴ |
| عطاءہ محمد افندی ( شیخ الاسلام )                               | ۷۳ |
| عبدہ تیروی   | ۷۴ |
| عبدالرحیم افندی ( خواجہ )                                      | ۷۵ |
| علی حجابی افندی ( یورغانچی زاده )                              | ۷۶ |
| عثمان عبدالمنان افندی  | ۷۷ |
| غواص افندی ، قرہبالی   | ۷۸ |
| قوش آطہلی شیخ مصطفیٰ بن حمزہ ، قوش اٹہلی<br>شیخ احمد افندی     | ۷۹ |
| قرتہلی ، قیرلی حسن زاده حاجی مصطفیٰ حمدی افندی                 | ۸۰ |
| محمد محی الدین کافیہ جی  | ۸۲ |

صحیفه نومروسی	اسامی
۸۶	کستلی مصلح الدین
۸۷	کاتبوی اسماعیل افندی
۹۹	کوردوسلی حاجی خلیل افندی
۱۰۱	محمد محی الدین وفائی
۱۰۲	محمد بن قاضی آیاتوغ
۱۰۳	مذنی محمد بن بدرالدین اقحصراری
۱۰۵	مصنفک بکر بن احمد افندی
۱۰۶	مصطفی افندی ، محمود بن حافظ حسن مغنیساری
۱۰۷	مرعشی محمد افندی
۱۰۸	محمد عصام الدین افندی
۱۰۹	محمد منیب افندی ( خواجه )
۱۱۱	مصطفی بن محمد کوزلحصاری
۱۱۲	محمد افندی ( حاجی حمزه زاده )
۱۱۳	موسه جهلی زاده محمد سعید افندی
۱۱۶	نور الدین حمزه آیدینی ( کوچک نور الدین )
۱۱۷	نصوح نوالی آقحصراری ، نعیمی خلیل افندی
۱۱۸	ولی الدین افندی
۱۱۹	وهبی افندی ، لالی احمد افندی
۱۲۰	یایا کوالی حاجی احمد رشید افندی
۱۲۱	یکن عثمان افندی ، یوزغادی چوقه دار زاده
	حاجی مصطفی کشفی افندی



## شعرا فصلی

احمد اسعد افندی	۱۲۴
ارزنجان حاجی اسماعیل کمال افندی (هدهد زاده)	۱۲۶
بری افندی	۱۲۷
بحری افندی، بنلرلی زاده حافظ احمد طاعت افندی	۱۲۸
نابت مصطفی افندی	۱۳۵
ثنائی افندی	۱۳۶
ثروت افندی	۱۳۷
حسینی »	۱۳۸
حاتی »	۱۳۹
حلوی عبده افندی، حمدی افندی	۱۴۰
خدایی صالح دوده	۱۴۱
حاجی حافظ خلیل دوده	۱۴۲
سالم افندی، شهودی دوده	۱۴۳
شرافی محمد افندی	۱۴۴
صاری کمال، عرشی دوده	۱۴۵
عالی فندی	۱۴۶
فرخی افندی	۱۴۷
فردی عبده افندی	۱۴۸
کامل مولوی	۱۴۹

اسامی	صحیفہ نومروسی
کسکین افندی	۱۵۰
مقالی مصطفیٰ بک	۱۵۲
محمد لطفی دہدہ	۱۵۳
مہری افندی ، مصطفیٰ عزیز افندی	۱۵۴
محرم بابا	۱۵۶
مصطفیٰ فارغ افندی	۱۵۸
محمد نجیب افندی ، ویسی افندی	۱۵۹
وصاف عبدہ افندی	۱۶۳
وصفی علی غالب افندی	۱۶۶
وہبی شیخ محمد افندی ، ہاتف محمد افندی	۱۶۸

### مورخین فصلی


بکلی زادہ محمود افندی	۱۶۹
سپاہی زادہ محمد بن علی افندی	۱۷۰
فوزی محمد مظهر افندی ، قرہ باش زادہ احمد	۱۷۲
بن محمد افندی	
مصطفیٰ نوری پاشا	۱۷۳

### اطبا فصلی

آیدینلی حاجی پاشا	۱۷۴
شانی زادہ محمد عطاءہ افندی	۱۷۷







CT  
1473  
B83

## ✦ افادہ مخصوصہ ✦

آناطولی ولایات شاہانہ سنک الہمہ لرندن بری اولان  
 ( آیدین ) ولایتی قدیم ایونیا، اٹولیا، قاریا، ایزیا، لیدیا،  
 فریکیا، میزیا کی حکومت قدیمہ وصغیرہ اراضی سی حاوی  
 بولونمق دولایسیلہ تاریخ قدیم وعلم آثار عتیقہ نقطہ لرندن  
 بالوجوہ جالب اہمیت اولدینی کی باشایجہ بویوک و کوچوک  
 مندرسلہ، کدیز و باقر چایلری مثلو نہرلر ایلہ اروا واسقا  
 ایدیلن اراضی سنک همان ہر درنو حبوبات ومحصولاتک کمالیلہ  
 نشوونما سنہ قابلیت فوق العادہ سی جہتیلہ دہ علم زراعت وفلاحت  
 نقطہ سندن وموضع جغرافیسی اعتباریلہ سایہ شاہانہ دہ کوندن  
 کونہ تزايد وترقی ایتہ کدہ بولونان ہر درلو اخراجات وادخلاتیلہ دہ  
 علم اقتصاد وتجارت نقطہ نظرندن حائر اہمیت اولدینی ازادہ  
 قید وایضاحدر۔ ایستہ اسباب معروضہ دولایسیلہ من کل الوجوہ  
 اہمیتی اشکار اولان ولایت مذکورہ قیمت ارضیہ وفیوضات  
 مادہ سیلہ برابر از ہر جہت فیوضات مغزیہ دہ حصہ دار اولدینی  
 جہتیلہ عامہ علم ومعارفہ وجودلریلہ افتخار اولونان عرفا،  
 فضلا، شعرا دن برچو غنہ مہد ظہور اولدینی کی برطائفہ دہ  
 لحد حضور اومشدر۔ عبد عاجز اسملری بورسالہ دہ مذکور  
 اولان ذواتدن قسم اعظمک مدقلمرینی زیارتہ موفق اولمغلہ برابر

یادکار علم و عرفانلرینک ده قسم اعظمی مطالعه ایله قریرالین  
 مباحات اولدیغ جهته محضا فضائل و کالاتلرینک دالالی اولق  
 اوزره مولد ، تاریخ وفات ، ومدفنلریله اثرلرینک اسملرینی  
 درج ونقل ایتمکی کندمجه وجیهدن عدایلویب دور و دراز  
 تدقیقات اجرا ایدمک بورسالیه میسدانه کتیردم . کرجه  
 تدقیقات مذکورده موشکافانه دینه جک درجهده ایفایدیلدیهده  
 بحسب البشریه خطاسز ، نقصانسز یازیلدیغنه قائل دکلم ؛ شاید  
 یازیلان اسامی وموادده خطا ونقصان کوریلجک اولورایسه  
 رساله نک طبعه نایه نه علاوه قیامتق وبوجهتله اثرک تکماتنه  
 بادی اولق اوزره فقط نقلیات ضعیفه ایرادندن صرف نظر  
 وثائق ودلائل لازمه سی ایراد ایدیلک شرطیله عید عاجزه  
 اشعار بیورملرینی بالجمله اصحاب معلوماتدن وبتخصیص بوولایت  
 ارباب معارفندن عثمانیه نامنه رجا ایدم .

همان جناب حق ، خلیفه قدس واعظم وشهریار ارحم واکرم  
 سلطاننا الغازی ( عبدالحمید خان ثانی ) افندیمن حضر تلمرینی  
 مادام الملوان اریکه پیرای شوکت و شان بیورسون آمین .  
 فی ۵ آغستوس سنه ۱۳۲۳

آلاشهر

بروسه لی محمد طاهر بن رفعت



آیدین ولایتته منسوب مشایخ، علما، شعرا، مورخین  
واطباءنک تراجم احوالی

مشایخ فصلی

شیخ احمد افندی (مرکز زاده)

ترجمه حال عالیعلری آتیده مذکور (مرکز افندی)  
حضرتلرینک مخدوم فضائل موسومیدر. اثر پدره تبعاً مادی  
ومعنوی اکتساب فیض وعلوم ایلهدی امهات کتب لغویة  
عربیة: زن اولان مشهور (قاموس) ی مترجم عاصم افندی  
اوچ عصر اول (بابوس) اسمیله ترجمه ایلدیکی (کشف الظنون) ده  
مذکوردرکه فضلنک من کل الوجوه شاهد و برهانیدر. بو  
ترجمه نک برنسخه سی (ادرنه) ده جنت مکان سلطان (سایم نانی)  
کتبخانه سنده موجوددر. بواثر جسیمندن باشقه (عصمة الانبیا  
وتحفة الاصفا) اسمنده غیرمطبوع برتألیف لطیف لریده وارددر.  
درسعادت و بلاد ثلثة جوامع، مساجد و تکایاسنک تاریخ بنالریله  
جوارلرنده مدفونین اولان ذواتک تراجم احوالی مبین اولان  
(جدیقة الجوامع) نامنده کی اثر مطبوع ده (عشاق) ده ارتحال

ایلدکلی محمدر ایسه ده تتبع و تحری عجزانه مده بویوله  
بر معلوماته دسترس اولنه مامشدر. ( علاولی اثمار التواریخ ) ده  
( ۹۶۳ ) ناریخنده ارتحال ایتدکلی محمدر .

### شیخ ابن عیسی صاروفانی

طریقت علیّه ( بایرامیه ) مشایخ عارفیندن واقف علوم  
متوعه بر ذات عرفان سمات اولوب اسمی ( الیاس ) مولدی  
( آقحصار ) در. علوم رسمیه نی تحصیلدن سوکره مشایخ کامایندن  
پدرلری ( محمدالدین عیسی ) دن اخذ طریقه نائل اجازت  
اولدی . جنتمکان سلطان سلیم خان ثانی نامه تألیف ایتدیکی  
( نوریه ) اسمنده کی اثرلری آنارینک بیوکلرندندر . بوندن  
باشقا ( رموز الکنوز ) ( رموز دلکشا ) ( طبعیت نامه )  
( فرحنامه ) ( قیافت نامه ) ( فصول سبعه ) ( فصول عشره )  
( منظوم شرح اسماء حسنی ) ( قواعد التسخیر ) ( ابواب سه )  
( گنزالاسرار ) اسملرنده غیر مطبوع اثرلریده واردرکه  
قسم اعظمی علوم غریبه یه متعلقدر . بونلردن باشقه پدر  
عایلرینک مناقبی مبین ( ۱۵۳ ) منقبه نی جاری ( مناقب شیخ  
محمدالدین عیسی ) اسمنده بر اثری ده واردرکه بر نسخه سی  
( آقحصار ) ده مطالعه گذار عاجزی اولدی . علوم غریبه نک  
تخصیص جفر ، خواص ، وفق ، نجوم شعبه لرنده مسلک مخصوص  
صاحبیدر . ( ۹۶۷ ) ناریخنده مملکتنده ارتحال ایدرک پدرلری  
باننه دفن ایدیلدی .

شرح اسماء حسنی منظومه شدن :

زهی قادر که آوردی کانه چون نون

فلاحت دره بیضا من النون

بویعنی ظاهر اولدی روح اعظم

زهی روح کیم قودن اولدی اکرم

بوظلک ظایدر ارواح واجساد

چو سایه سایه سیدر ام و اولاد

او شمسک ذره سیدر عرش و افلاک

او بحرک قطره سیدر فرش و ملاک

سلسله طریقتلری ، پیر طریقت ( حاجی بایرام ولی )

حضر تلمیینه بوجهله پیوسته در :

شیخ الیاس ابن عیسی صاروخانی

» مجدالدین عیسی صاروخانی

» تنوری زاده سید قاسم قیصری

» تنوری ابراهیم سیواسی ثم القیصری

» آق شمس الدین محمد بن حمزه شامی ثم الرومی

» حاجی بایرام ولی آنقره وی

صاحب ترجمه ( ابن عیسا ) دن مستخلف اولوب ( فصول

عشره ) نك برنجی فصلانده اسملری مذکور اولان ذوات :

شیخ مصالح الدین کرمیانی

» بابا احمد کرمیانی

» نوری روشنی

شیخ قاسم ملاطی  
» عمر منتشاوی

» محمد رومی

» دوده حسنی بایندری

» عبدی تیرهوی

### شیخ احمد رومی

فضلاء مشایخ خلوتیه دن مجاهد ، متقی برزت اولوب  
( آقحصار ) ایدر . ( ۱۰۴۱ ) تار یخنده عازم دار بقا اولدی .  
( اوزون طاش ) نامیله بنام قبرستانده ودیعه خاک فنا قیلمدی .  
آثارینک جمله سی غیر مطبوع اولوب اک مشهوری امهات کتب  
احادیثدن معدود اولان ( مصابیح ) شریفدن یوز حدیث  
شریفک شرحی مبین بولونان عربی العبارة ( بحال السالابرار  
ومسالک الاخیار ) اولوب دیگرلری ده بروجیه آتیدر :

حاشیه علی تفسیر ابوالسعود من سورة روم الی سورة دخان  
برنسخه سی در - معادته راغب پاشا کتبخانه سنده موجوددر .  
( دقایق الحقایق — منظوم و منشور )

( رساله التقایر )

( رساله دخانیه )

( رساله ربائییه )

( رساله ربائییه )

( شرح درالایتم من التجوید للبرکوی )



رسانندك قسم اعظمی حاوی اولان بر مجموعہ سی ( از میر ) ده  
 ( مفتی جامعی ) کتب خانہ سندہ منظور عاجزی اولدی .  
 علم اصول فقہدن مشہور ( مرآة ) ہ بر حاشیہ سیلہ علم صرفدن  
 مشہور ( بنا ) یدہ بر شرحی اولدینی ( قرہ باش زادۂ از میری ) نک  
 اثرندہ محرر در .

### ار اوغلی نوری افندی

مشایخ خلوتیہ دن عاشق و مجاہد بر ذات اولوب پیران  
 طریقت خلوتیہ دن ( مغنیا ) ده دفین حید مغفرت ( یکیت  
 باشی احمد شمس الدین مرمرہ وی ) خلفا - ندن ( المالی ) لی  
 شیخ ( عبید لوہاب ) افندی دین مستخلفدر . مزار مبارکی  
 ( قولہ ) ایلہ ( أشمہ ) قضا لری آرہ سندہ نام عالیترینہ منسوب  
 ( ار اوغلی ) قریہ سیدر . احوال سلو کہ متعلق اولوب بر  
 نسخہ سی ( مغنیا ) ده ( مرادیہ ) کتب خانہ سندہ موجود  
 اولان ( مرآة العاشقین ) اسمندہ منشور ترکجہ بر اثریلہ  
 دیوان آلہیات ) ی وارد در . ( قولہ ) ده منظوم اولان  
 دیوان مذکور در :

ندا ایتدم کلسون عاشق اولانلر  
 حقہ کیدنلرک یولودر توحید

عشق درسن بوندن آلدی آلانلر  
 علم لدن دیلیدر توحید

کر کدر بویولده بر کامل اوسته

کفیل اولدی بزه وصات دوسته

بایشه لم قدرت الیدر توحید

### شیخ اسماعیل آبرینی

علماء مشایخ خلوتیه دن بر ذات اولوب آیدین حوالیسند  
( شیخ اسماعیل رومی ) شهرتیه بامدر . علم حدیث فروعاندن  
( اسامی روات ) اسمند بر اثری وارد . ( ۱۰۵۷ ) تاریخنده  
( آیدین ) ده ارتحال ایلدی . وقتیه اداره سنی تأمین ایدن  
برقادیندن ناشی ( هندیه ) اسمیه بنام اولان درگاهده مدفوندر .  
طریقت قادریه دن شعبه صاحب اولوب ( ۱۰۴۱ ) تاریخنده  
ارتحال ایدرک در سعادته طو پخانه جوارنده دفن اولونان  
طوسیه لی ( شیخ اسماعیل رومی ) دیگر بر ذات عالیدر .

### نائب مصطفی ده ده

عرفا و شعرای مولویه دن فیض یاب اسرار مشوی بر ذات  
اولوب ( از میر ) ایدر . ( سجل عثمانی ) ده ( بروسه ) لی  
کوستریلی از ده ولدر . اکمال تحصیل و تکمیل چله دن صکره  
( کوتاهیه ) مولو پخانه سی مشیخته تعین اوله رق طالبین حقیقه  
تلقین اسرار مشوی ایله اوقاتک کنار اولدیلر . رجال مولویه نیک  
تراجم احوالی مبین مفصل و مطبوع ( سفینه مولویه اسمند  
اثر قیمتدار یله میان مولویانده بقای نام ایله دی .  
فضلا و شعرای عصر دن ( علی انور ) افدینک تحریرینه

همت بیوردقلری ( سماعخانه ادب ) اساساً بواثردن ملتقط  
و منتخبدر . بوندن باشقه برده مرتب دیوان عارفه لری وارددر .  
( ۱۱۴۸ ) تاریخنده ارتحال دار جنابان ایایوب سجاده نشینی  
بولندیغی درکاهده ودیعه رحمت رحمان ایدیلدی . ( خدمت )

ردیفلی مطول برقصیده لرندن :

کلز کشینک رتبه نه شمه نقصان

مالاً بدناً ایتمه ده احبابنه خدمت

( فطین ) تذکره سنده کیده ریر ردیفنده عارفانه برغزللری

مندرجدر .

ترجمه حال عالیلری جانشینلری اولان مخدوملری طرفندن

مفصلاً تحریر ایدلمشدر .

### عمره بابا

مشایخ واصلیندن مستجاب الدعوة برذات عالی اولوب جتتمکان

سلطان مراد خان ثانی حضر تلمرینک ( مغیسا ) ده افات

بیوردقلری زمانلرده دفعاتله مظهر احترام شهر یار یلری اولمشدر .

ارتحانده اختیار اقامت ایتدیکی ( قصبه — طورغودلو ) نک بر

ساعت مسافه سنده نامه مذوب قریه ده سلطان مشارایه طرفندن

کارگیر مکمل برتر به انشا اولنه رق مناسب وقفیه لر احسان

بیوردیغی کی مؤخرأ مخدوم عالیلری جتتمکان فاتح سلطان

محمد خان طرفندن ده اثر پدیده تبعاً وقفیه سی تزید بیوز یلمشدر .

اخیراً زیارت ایتدیکم تر به لرنده آچیق ترکیه برافاده ایله محور



اون سکز باب اوزره مرتب منشور ( مقامات اولیا ) اسمنده  
تصوفه متعلق برائز عارفانه لریله ( کتاب الاصول ) نامنده دیگر  
برائز تصوفیلری مطالعه کذار عاجزی اولدی . اشبو آثارک  
مطالعه سنئن کندیلرینک ( بروسه ) یه سکز ساعت مسافده  
کائن ( اینه کول ) قضای جوارنده نام عالیلرینه منسوب  
قریهده مدفون مظہ کرامدن ( بابا سلطان ) دن مستخاف  
اولدقلری مستبان اولمقده در .

### دوره عمر روشنی

اکابر مشایخ خلوتیه صاحب مقامات برذات قدسی صفات  
اولوب ( آیدین ) لیدر . ( بروسه ) ده علوم رسمیه تحصیلی  
اواننده برآراق بعض هوا پیشه لر ایله همبزم اوله رق تابع هوا  
وهوس اولمقله برابر برده علاقه صوریه بایه سنه کرفتار اولمش  
ایسه ده مایه اصلیه سنک نزاهت و طهارتی سائقه سیله بوکی اذواق  
عادیه و موقته دن روکردان اولوب ( قره مان ) ده ارشاد عبادایله  
مشغول اولان بیوک برادری ( شیخ علاء الدین خلوتی ) نزدینه  
عزیمت و مرشد مشارالیه ک همت و دلالتیله کرفتاری بولندیغی  
عوالم سفلیه یه بالکیه اظهار ندامت ایلیوب تصفیة باطن ایلمک  
اوزره ( با کو ) ده سجاده نشین فیض و ارشاد اولان سر خاقه  
خلوتیان صاحب وردستار ( سید یحیی شروانی ) حضرت تلرینک  
مجلس فیض انیسلرینه دخالت و اصول خلوتیان دائره سنده کمال  
خلوت و استکمال اطواردن صکره مأموراً بالارشاد تبریز ،

کنجه، بردعه، قره آغاج، ده اجرای سیاحتله نشر انوار طریقت  
ایلدی . ( ۸۹۲ ) نارینخده ( تبریز ) ده دار آخرته رحلت  
ایتدی . بلده مذکوردهده ( ساجوق خاتون ) طرفدن کندیلر یحون  
بنا اولونان درگاهده دفین خاک عطرنا کدر . مولداً ( آیدین ) لی  
اولدقلرندن اشعار عارفانه لرنده ( روشنی ) تخاص بیوررلردی  
خلفا-سنگ ارشد واکبری شعبات طریقت خلوتیه دن ( کلشنی )  
شعبه سنگ مؤسس اولان وظهوری اوچیوز سنه اقدم طرف  
عالی حضرت مولانادن رمزاً اخبار بیوریلان ناظم ( کتاب  
معنوی ) مصرده مدفون ( پیر ابراهیم کلشنی ) در . دیوان  
الهیاتنک برنسخه سی ( مغله ) کتبخانه سنده موجوددر . اخلاقی  
وتصوفی منظومه لرندن بر قسمی حاوی اولان ( آنا ر عشق )  
اسمنده کی اثر عالیلرینک اخیراً طبعنه همت ایدیلدی . نعت  
عارفانه لرندن بوجه آتی نعت شریفلری برچوق شعرا طرفندن  
تنظیر و تخمیس ایدیلشدر .

چون دوغوب طوتدی جهان یوزینی حسنک کونشی  
کیم اوله سومه یه بووجه له سن ماهوشی  
ترک و کرد و عجم و هند بیلور بونی که سن

هاشمی سن عریسن مدینسن قرشی  
سنسین اول پشت و پناه ملک و انس و پری  
انیانک کوزلی سوکیلیمی خوب و خوشی

پارمغندن آقیدوب آب روان بخش روان  
 بجه یوز بیک کشیدن رفع ایدیم سن عطشی  
 سن امیره قول اولان هر نه قدر مدبر ایسه  
 بندء مقبل اولور مثل بلال حبشی  
 دیک حکمتده بشوردی چو سنی سوکیلی حق  
 جبرئیل اولسه ثوله مطبخک حمیه کشی  
 اوزیلور عرقی ابوجهل کی ابر اولور  
 سن ابوالقاسم ایله هر کیم ایدرسه کورشی  
 والضی وردک والدیل او قورم سنبدکی  
 روشنی وردی بودر کل غداة وعشی

### سلامی مصطفی افندی

متأخرین شعرای عثمانیه دن وعاشقین مشایخ نقشبندیه دن  
 برذات اولوب (ازمیر) ایدر . (۱۲۲۸) تار یخندن در سعادته  
 جوار حضرت خالد (رضه) ده (بابا حیدر) محله سنده سجاده  
 نشین بولندینی در کاهده ارتحال ایلدی . پدر لری شیخ اسماعیل  
 شرحی افندی طرفدن (۱۲۰۰) تار یخنده ازمیرده برتکیه بنا  
 اولدینی صاحب ترجمه ک دیواننده مصر حدر دیوانی مطبوع  
 اولوب برده (مولد) منظومه سی واردر . (ک) حرفی غزلارندن  
 نظم آتیبی مشهوردر .

ادنی قولى یم فخر رسول الثقلینک  
 اول نور احمد احمد جد الحسنینک

نوش ایلرایسم شاه حسن عشقنه زهری  
 چکمم الیمی یولنه باش کیتسه حسینک  
 ( شوق طرب ) مقامندن بسته انن نعت نبویسی ده مشهور در که  
 بوجه آتیدر :

بر معظم پادشه سن که قوالکدر جمله شاه  
 قرب او اودناده وضع اولدی سنکچون تختگاه  
 نه فلک هفت زمین آنجق سکا بر بارگاه  
 امریکه محکومدر عالم هر سوزک وحی اله  
 الصلاة والسلام ای هادی راه خدا  
 کنت عاصی یا شفیع المذنبین اشفع لنا  
 اولالی رخسوده پای، یا ککه عرش برین  
 عشقک ایله دمبدم جولان ایدر ای شاه دین  
 روضهک ایچون چاغریشوب دیر هر ملک یا مؤمنین  
 هذه جنات عدن فادخلوها خالدین

ایضاً

خاک روضه کدن کونش نور ایلر ایکن اکتساب  
 کرد پایک کحل چشم جان ایدر کن ماهتاب  
 یاعجبی عرشه فخر ایلر سه روضه کده تراب  
 جاننه منت ایدی نعلینک اولسه آفتاب

ایضاً



کیم که نور مهر ذنک مظهر آکاهیدر  
 اختر اسلام ایچنده اوج دینک ماهیدر  
 کیم غلام اولدی در کده کائناتک شاهیدر  
 مورک اولق استانکده سلیمان جاهیدر  
 ایضاً

هانکی خا که باصسه پای دوتک اول طور اولور  
 جانب حقدن تجلیات ایله پر نور اولور  
 هر نظرده عنیکه وجه خدا منظور اولور  
 بوسلامی خدمت نعتک ایله مغفور اولور  
 ایضاً

### شبح شهاب الدین سیواسی

زمره مفسریندن و طریقت (زینیه) اعظم مشایخندن  
 بر ذات عرفان صفات اولوب (سیواس) لیدر . علوم آیه  
 و عالییه بی بلده سی علما-ندن تحصیلدن صوکره مؤسس طریقت  
 (زینیه) (زین الدین خانی) حضرت تلیزینک اکابر خلفا-سندن  
 (محمد) افندی نامنده بر شیخ عرفان مابه انساب ایدرک  
 آب (زالل معارفله سیراب اولدی . بر مدت صوکره مرشدیله  
 برابر اوتار یخده معمور اولان (آیائلوغ) بلده - سنه هجرت  
 و ملکی (آیدین) اوغلی (محمد) بکدن کوردکلری احترام

اوزرینه اختیار اقامت ایدہ رک الی آخر العمر تدریس وارشاد  
ایله مشغول اولدیلر . ایشته بووجه له کذارندہ اوقات ایکن  
مرشدلرینک ارتحان دن برقاج سنہ صوکرہ یعنی (۸۶۰) تاریخندہ  
کندیلر یدہ عزم کلشنسرای بقا بیوردیلر ( آیائلوغ ) استاسیونندن  
قضا مرکزی اولان ( قوش آطہ سی ) نہ کیدن شوسہ نک  
صول جہتندہ کی تارلالر ایچندہ مشہود اولان برکنبد خرابہ سی  
اوکنده مدفون اولدقلمری زیارت ایتدیکم کتابہ سنک منارلرندن  
مستبان اولمقدہ در . بین العلماء والعرفاء ( تفسیر شیخ ) شہرتیلہ ده  
بنام اولان ( عیون التفسیر ) اسمندہ ایکی جلد تفسیر شر یفلر یله  
( رسالۃ النجات من شر الصفات ) نامندہ برائر تصوفلری ده  
واردر . صاحب شقایق نعمانیہ علم تصوفدن برائری دہا  
اولدیغنی مشہوداتنه عطفاً روایت ایلور . اوتاریخلر دہ مالک  
عثمانیہ ده منتشر اولوب الیوم بوحوالیدہ رجالی منقرض اولان  
( طریقت زینیہ ) صاحب ترجمہ ( شیخ شہاب الدین )  
افندی ایله بیر طریقت ( زین الدین خانی ) اعظم خافاسندن  
بروسہ ده ( زینلر ) ده مدفون ( عبد اللطیف مقدسی ) و بوداتک  
اخص خافاسندن درس عادتده نام عالیلرینہ منسوب محلہ ده  
مدفون ( شیخ وفاء قونوی ) و ساطتلی یله نشر اولمش  
ایدی .

باش اوجونده کی طاشده :

إلیه الاحد فی یوم الثانی من شهر ربیع الاول سنه ستین وثمانمائه  
بدنیا دل نبندد هر که مر داست که دنیایی کجاندوه و درد است  
بکو رستان نظر کن تابایی که این دنیا حریفش چند برده است

باش طرفک آرقه می

نه چنان رفته ام که باز آیم .

آیاق طرفی طاشی

تزلنا ههنا ثم ارتحلنا وما احد علی الدنیا ببق  
کذا الدنیا نزول وارتحال وما بق علی الانسان حال

### شاهدی ابراهیم دوده

افخم رجال مولویه دن برزت عرفانهات اولوب ( موغله -  
مغله ) لیدر علوم آلیه و عالییه بعد التحصیل ( قره حصار صاحب ) ده  
سجاده نشین ارشاد اولان ( سلطان دیوانی ) حضر تلیزینک  
آستانه فیض آشیانه لرینه رومال اوله رق مظهر فیض جلیل  
مولانا اولدی . ( شاعدی ) اسمیله بنام لغات فارسیه منظومه لر  
مشهور و متداول اولدینی کبی ترکی و فارسی دواوین عارفانه لر  
مثنوی طرزنده ( کلشن اسرار ) ( کلشن توحید ) ( کلشن  
وحدت ) اسملرنده کی منظومه لر ده نزد ارباب عرفانده مقبول  
و متعارفدر ( کلستان ) ده بر شرحی وارددر ( ۹۵۷ ) تاریخنده  
( موغله ) ده عازم دارجنان اوله رق سجاده نشینی بولندینی

درگاهه دفن ایدیلدی . ( سماع-انه ادب ) قولنجه مرشد  
عالمیرینی زیارت ایچون ( قره حصار ) ه عزیمت لرنده قره حصارده  
ارتحال ایتشد . ( خ-دایی ) مخلصلی پدر عالمیرینی تلمیحاً  
انشاد بیوردقلری منظومه لرندن :

شاهدی مولوی یم عارفم کلسون بری  
ایسته ین سر خدایی من خدایی زاده یم  
برنسیخه سی ( مغله ) کتبخانه سنده منظورم اولان ( کلشن  
وحدت ) ک نهایت لرنده کی ( معرفت ) فصلندن :  
کورونن اشیای ظاهر سر بسر  
مظهر دیدار حقدر ای بسر

جمله حیوان و نبات وهم جماد  
عارفه مرأة حقدر یا عباد  
بوفقا صورتده حقدر کورونن  
هم منزه در فتادن ذوالمنن

جمله عالم بردن اولمشدر عیان  
غیری یوقدر ینه اول بردرهمان  
مومی کورکیم نخل ایدوبدر نخل بتد  
قیلدی مومی نیجه رنگ و شکل چند

قیلدی استاد آنده ظاهر چوق صور  
تا تمناشاید هر اهل نظر  
( شاهدی ) منظومه سی برچوق ارباب معارف طرف لرندن



شرح و تنظیر ایدیلدیک کی (علامه خفاجی) تلامی-ذندن  
 (عبدالقادر بغدادی) ایله (۱۱۲۶) ده (شام) ده ارتحال ایدن  
 (آغریبوز) لی (احمد سلامی) طرفدن ده لسان عربی یه  
 نقل اولمشدر. حضرت (شاهدی) نك آنارندن یالکزلغت  
 منظومه سیله (کلشن توحید) مطبوعدر. (۱۲۹۸) تاریخنده  
 طبع اولونان (کلشن توحید) کندیلری طرفندن (بلبللی کو  
 کلشن توحید جو) مصراع تاریخنسك کوس-تردیکی (۹۳۷)  
 نارینخده (مثنوی شریف) لك التي جلدینك بهرندن یوزر بیت  
 آلنه رق تخمیس ایدیلک صورتیه میدانه کیشدرکی برپارچه سی  
 بوجه آتی نقل ایدیلدی :

مثنوی :

آتش است این بانك نای و نیست باد

هر که این آتش ندارد نیست باد

کلشن توحید :

ازدم نای چو هو رفت اندرو

آتشی پیدا شد از انوار هو

پردۀ عشاق زین آتش بسوخت

از شعاعش شمع دلهاشان فروخت

کر توخواهی روشنی شمع دل

شو برون از ظلمت این آب و گل

باش خالی از تشاویش جهان

تاترا انوار هو کردد عیان

روز حب سیم وزر دلرا بشو

تادلت روشن شود زانوار هو

تحفه شاهی ده بحث اولونان تحفه حسامی مؤلفی حسام الدین

افندی نک مغله نواحی سندن (اوله) ناحیه سی مرکزنده مدفون

اولدینی مرویدر . یازمه بر نسخه سی مغله کتبخانه سنده منظوم

اولان (تحفه حسامی) مطلعین :

ابتدا افتتاح فاتحت آغاز کار

استمالت دل خوشی دادن موافق سازکار

(مغله) مولویخانه سنده زیارت اولونان تربده موجود

ایکی صندوقه دزبری (خدایی) دیگری (شاهی) اولمق اوزره

متواتردر . حتی (شاهی) نک صندوقه سی یاننده کی سنک

مزارده منظومه آتیه محکوم کدر :

کدایم شاهی مولوی یم

دیار منشاده مغله وی یم

محمداه که مرد مغله وی یم

که غواص بحار مشنوی یم

شاهی یه هر یکم ایدرسه دعا

ایده محشرده شفاعت مصطفی

### قدوسی عبدالرحمن افندی

علمای مشایخ خلوتیه دن بر ذات اولوب مغنیسایدر علوم عربیه بی مملکتیله درسعادتده تحصیل واکال ایلدکن صوکره درسعادتده (ایوب نشانجی) سننده دفین خاک اولان (شیخ عبدالاحد انوری) حضرت تلیینه انتساب ایدرک فیوض طریقتدن مستفیض اولدی. بعدد مملکتته عودتله تدریس وارشاد ایلد امرار اوقات ایلوب (۱۰۸۰) تاریخننده ارتحال ایلدی. (تفسیر بیضاوی) نك اکثر نقاطه دائر تعاقباتی ایلد (شرح منظومه شاهدی) اثارینك باشلیجایدر بونلردن باشقه بعض رسائیله وارد. (۱۲۶۵) ده وفات ایدرک (نیکده) نك (بور) ناحیه سنه دفن ایدیلن مطبوع دیوان صاحبی (قدوسی احمد) افندی طریقت قادریه رجالنددر.

### فوسل اطهلی شیخ ابراهیم افندی

طریقت علیه خلوتیه نك (شعبانیه) شعبه سی کبار مشایخنندن علم و عرفانی کشف و کراماتیه معروف بر ذات اولوب (قوش اطه) سنك (چینار) قریه سننددر. بدایت علوم می مسقط رأسیله (آیدین) ده نهایتی ده (درسعادت) ده بعدالا کمال سنك قویم تصوفه انتساب ایایوب بهره یاب فیض محمدی اولدیلر بر اراق (مصر) و (شام) ده اقامتدن صوکره درسعادتده عودتله نشر طریقت بیوردیلر. دفعه ثانیه اوله رزق جانب حجازه عزیمتلی تاریخی اولان (۱۲۶۲) سنه سننده (رابغ) ده ارتحال دار جنان ایلدیلر.

منتسبلرندن بعض ذواته مرسول مکاتیب عارفانه لری طریقت  
مذکوره رجالی نزدنده محفوظ اولدینی کبی بروجہ آتی غزل  
عارفانه لری ده اکثر تکایاده قرائت اولمقده در :

وجه یاره دوش اولان عالمده سیران ایسته من

جانی جانانه تسلیم ایله یین جان ایسته من

بومسافر خانه نک فانیلدکن فهم ایله یین

خانه قلبنده حقدن غیری مهمان ایسته من

کرچه ظاهر علمنک نفی ده واردر طالبه

لیک اسرارہ ایرنلر صورتی عرفان ایسته من

(ارجی) آوازی ایردی مرغ جانم سمعنه

بی قرار اولدی انکی چون وردخندان ایسته من

ماسوی اللهدن مجرد اولدی (ابراہیم) بوکون

وارینی دلداره ویردی وصل و هجران ایسته من

(قسطمونی) ده دفین خاک پیر طریقت (شیخ شعبان ولی)

حضر تلوینہ بووجهله منتهی در :

قوش اطہلی ابراہیم افندی فوت ۱۲۶۳

بکپازارلی علی افندی فوت ۱۲۳۴

چرکشلی مصطفی افندی ۱۲۲۹

ظورہلی محمد افندی

رشدی عبدہ افندی ۱۱۴۱

اسکدارلی نصوحی محمد افندی ۱۱۳۰

عربکیرلی قرہباش ولی ۱۰۹۷



قسطمونیلی مصاح الدین مصطفی جلی ۱۰۷۲

چورو ملی اسماعیل افندی ۱۰۵۷

قسطمونیلی عمر فوادی افندی ۱۰۴۶

قسطمونیلی محی الدین افندی ۱۰۱۳

پیر طریقت شعبان ولی ۹۷۶

کندیلرندن استخلاف ایلهین خلفادن باشلیجه لری :

کچه جی علی افندی فوت ۱۲۷۴

حامجی محمد افندی فوت ۱۲۸۳

علی فتیحی افندی فوت ۱۸۷۴

عزت افندی فوت ۱۲۹۲

### کمال خلوتی

قدمای مشایخ خلوتیه دن بر ذات اولوب تذاکر شعرادن (لطیفی)  
تذکره سنده محرر اولدیغی اوزره جتسمکان خدایوندکار غازی  
دورنده (قوله) ده بنا اولنان زاویه ده ارشاد عاشقین ایله  
مشغول اولدی . (قوله ده) (عشاق) محله سنده دفین خاک  
عطر ناک در . (یونس امره) طورنده معنیدار ابیات متصوفانه سی  
وارد .

آب حیات ایچمکه شایسته نهم کرک

هم اول شربا به ظرف اوله حق جام جم کرک

## کمال امی

آتی الترجه مشهور ( یونس امره ) نشووه سنده بر ذات  
 اولوب قره مانلیدر . افاحم رجال خلوتیه دن ( جمال خلوتینک )  
 پیرداشلرندن و ( محمد بهاء الدین ارزنجانی ) مستخلفلرندندر .  
 ( ۸۸۰ ) نار یخنده ( قره مان ) ده ارتحال ایتدیکی تراجم احوال  
 کتابلرنده . مندرج سه ده ( مغنیه ) ده دخی بو ذات نامه بر قبر  
 زیارت اولونمقده در .

برخی الهیات عارفانه سی واردر که بریسی بوجه آتی  
 نقل ایدلی :

الهی درد مندم چاره سندن  
 کیرو مرهم سن اور چون یاره سندن

بودر دردم که بی دردم الهی  
 کیرو درد ایسترم بر یاره سندن

حکیم بی زوال سین سن الهی  
 ایرر تیمار هر بیچاره سندن

الهی فضل واحسان اطف و درمان  
 بو کون بودرد و آه زاره سندن

آغاردی کوزلم حسرت یاشندن  
 بودر قور قوم که یوزم قاره سندن

اگر چه سن بکا بندن یاقین سک  
 ولی بن اولمشم آواره سندن

بکا سن و یرسی بندن بی آل  
 چون ایرمک دیلرم سن یاره سندن

(کمال امی) یه کوستر دوغرو یولی  
که سندن برله سا که وارده سندن

### کمری من افندی

عرفای مشایخ سنبلیه دن برذات اولوب (آیاش) لیدر .  
مملکتیله درسعادته تحصیاتی بعدالاکمال استانه سنبلی مشایخ کرامندن  
(سیدعلاء الدین) افندی یه انتساب وعلی الاصول تکمیل  
سلوک واطوار ایله فیوض طریقتدن بهره یاب اوله رق مأموراً  
للارشاد (مغنیسیاه) عزیمت ایلدی .

برقاج سندر نشر طریقت ایله یوب (۱۱۲۲) نارینخنده  
(مغنیسیا) ده ارتحال ایلدی . الهیات عاشقانه سنی جامع  
دیوانچه سی واردر . الهیاتندن :

آلدکی صفا ایله مصفا خبرین سن  
اول نورخدا وجه مجلا خبرین سن

هرمدعی یه صورمه که عشقدن خبری یوق  
واقعه سوال ایله اوعذرا خبرین سن

### مرکز افندی

شعبات طریقت خلوتیه دن [ سنبلیه ] شعبه سنک مؤسسی  
اولان ودرسعادته [ قوجه مصطفی پاشا ] ده دفین خاک  
عطرناک بولونان [ سنبلسنان ] حضر تلرینک اخص خلفاسندن  
عارف اسرار الهی برذات کرامتسمات اولوب [ دکزلی ] فراسندن

[ چاقاق ] قریه سندنذر . اسم عالیلری [ مصاحح الدین ] اولمق  
 اوزره معروف ایسه ده بعض آئارده [ موسی بن مصاحح الدین  
 بن قیایج ] اولمق اوزره مقیددر . علوم رسمیه یی مولانا  
 خیالی نك استاد عالی نهادی قصیده نونیه صاحبی خضر بکک  
 مخدوم فضائل مندی احمد پاشا دن تعلم ایلد کدن صکره سابق الترجه  
 [ سنبل ] افندی حضر تلی رینه انتساب ایدرک فیوضات محمدیه دن  
 بهره یاب اولدیلر . مرشد عالی همترلر نك ارتحال لرندن صوکره  
 بر مدت [ قوجه مصطفی پاشا ] درگاه فیض اکتناهنده جانشینلری  
 اوله رق [ مرکزك دائره سن نورایده اه ] مصرعـه نك دلالتی  
 بولونان [ ۹۵۹ ] تاریخنده عازم سمت بقا اولوب سور خارجنده  
 بنا کرده لری اولان درگاه عالیده ودیعۀ رحمت رحمان قیاندیلر  
 مواظبتك اکثرنده تفسیر [ قاضی بیضاوی ] بی التزام ایدرک  
 کشف معضلات وحل مشکلات ایلر ایدی . بر آرائق [ مغنيسا ] ده  
 سلطان جامع شریفی مشیخته ده بولندقلرندن قرق بر درلو  
 مهارتدن عبارت اولمق اوزره هر سنه [ نوروز سلطانی ] ده  
 بیکلرجه خاقه توزیع اولتمقده و [ مسیر ] نامیله یاد ایدیلکده  
 بولونان [ معجون ] لده مرتبی اولدقلری مغنيساده متواتر در .  
 الهیات عارفانه لرندن :

ایا عالم لرك شاهي تجلی قیل تسلی قیل  
 جگر دن ایلرم فریاد بو بئلك دعوی سندن داد

کوکالمر بر جنك ماهی تجلی قیل تسلی قیل  
 ایگیلکدن قیلوب آزاد تجلی قیل تسلی قیل



### محمی جان افندی

شعبات طریقت خلوتیه دن [ عشاقیه ] شعبه سنک مؤسی  
اولان و در سعادتده [ قاسم پاشا ] ده غنوده خاک غمران بولونان  
[ پیر حسان الدین عشاقی ] حضرتلر ینک اخص خلفا سندن عالم  
وعارف بر ذات اولوب [ صارو جان - مغنیا ] لیدر. تحصیل  
صوری و سلوک معنوی سی اتمالدن صوکره درس عادتده نشر  
انوار طریقت ایلدی. [ ایلیموب روحی روان و یردی جان  
عزیز ] مصراعنک دلالتی اولان [ ۱۰۰۸ ] نارنجنده ارتحال  
ایلیموب [ فاتح ] ج. وارنده [ امیر احمد بخاری ] قبر بنه دفن  
ایدیلدی. [ لب الاصول فی معرفة طریقه الاصول ] و [ مطالب  
السلوک ] اسملرنده کی اثرلرینی جتتمکان سلطان مراد خان ثالثه  
تقدیم ایدرک مظهر احترام شهر یاری اولمشدی. سلطان  
مشار الیهک مدایحه دائر حکم آیز بر قصیده سی واردرکه  
خلفا سندن [ محمد قاضی چورومی ] طرفندن [ اقنوم الحکم  
فی معرفة سر القدم ] اسمیه ادیبانه بر عباره ایله شرح ایدیلشدر.  
[ ممی ] نک [ محمد ] مرخمی اولدینی [ خط و خطاطان ] نام  
اثرده مندر جدر.

### محمد صفی افندی

طریق نقشبندی علماء مشایخندن زاهد و متقی بر ذات  
اولوب [ نازلی ] دندر سادات نقشبندیه دن [ عبده دهلوی ]

حضرتلرینک اخص خلفاسندن اولوب [۱۲۶۷] ده مکّه مکر مه ده  
ارتحال دار نعیم ایلین هندی [محمدجان] افندی مستخلفلرندن  
[۱۲۸۵] نارینخلرنده مملکتی اولان [اوده میش] ده وفات  
ایدن مظهر دن [حاجی خلیل حلمی] افندی مستخلفدر .  
[۱۲۱۵] نارینخلرنده [مکّه مکر مه] ده رحمت یزدانه مقارن  
اولدی . [ خزینة الاسرار و جملة الاذکار ] اسمنده عربی العبارة  
مطبوع براری واردر . بواثرک نهایته مطبعه جی خطاطی اوله رق  
[ شیخ الاکبر محی الدین عربی ] حضرتلرینک [ رساله الانوار ]  
اسمنده کی اثرلرینه مشارالیهک اوق آثار جلیله لرندن اولان  
[ تذبیرات آلهیه ] سی اسمی ویریلهرک علاوه ایدیلشدر .  
[ نصره الجنود عمدة الشهود ] [ مفرع الخلائق ] [ سنوحات  
مکیه ] [ طب القرآن حب الرحمن ] [ تفهیم الاخوان فی تجوید  
القرآن ] [ احکام المذاهب فی اطوار المذیج والشوارب ]  
اسملرنده کی عربی العبارة آباری ده بریده اوله رق مطبوعدر .

### شیخ زولی مصطفی افندی

عاشقین مشایخ حلوتیه دن بر ذات اولوب [ دکزلی — لاذقیه ]  
دندر . علوم رسمیه یی مملکتی علما سندن تحصیلدن صوکره  
[ قوله ] ده مأمور بالارشاد اولان شیخ [ عباده ] افندی یه  
انتساب ایدهرک استعداد خدا دادینه انضمام ایدن کثرت مجاهداتی  
ثمراتیه فیوضات طریقتدن بهر میاب اوله رق مرشد عالی قدرینه  
خلف اولدی مرتب دیوان الهاتی [ ۱۱۱۹ ] نارینخلده اتمام

ایتدکاری [ قوله ] ده . طالعہ کذارم اولان نسیخہ سی نہایتندہ کی  
منظوم تاریخی نندن ا کلاشیہ مقدمہ در . [ ۱۱۵۸ ] سنہ - مندہ ارتحال  
دارنیم ایدہ رک مدخل شہر دہ دفین خاک فنا قیامندی . مزار  
شریف لری زیارتکاه انامدر ساسلہ طریق قتلری طریقت خلوتیہ  
رجالی میانندہ [ اورتا قول ] تعبیر اولونان و نام عالیترینہ نسبتہ  
[ احمدیہ ] اسمیلہ دہ بنام اولان [ یکیت باشی احمد افندی ]  
حضر تلری شعبہ سنہ بووجہلہ پیوستہ در :

شیخ مصطفی تزولی [ قوله دہ مدفون ]

» عبداہ قوله وی »

» موسای لاذقیہ وی [ دکزلی دہ مدفون ]

» اسدہ ولی الحمیدی الشہیر بارسلان افندی [ دکزلیدہ مدفون ]

» محمد الحمید الشہیر بمحی الدین سیاهی »

» محمد لاذقیہ وی الشہیر بظہوری »

» عبد الحمید الشہیر بمظہری »

» عبد الوہاب المالی [ المالی دہ مدفون ]

### عاشق بونس - بونس امرہ

زمرہ اہل طرق میانندہ عشقیہ ، اخلاصیہ ، عرفانیہ ،  
مجاہدہ سیلہ مشہر بردات کرامتسمات اولوب ترجمہ شقایق نقلنہ  
کورہ [ بولو ] سنجاغدن [ سقاریہ ] نہری سہ واخلندندر .  
اوحوالیدہ سجادہ نشین ارشاد - علی روایۃ اعمی [ طابقد امرہ ]  
نامندہ طریقت [ قادریہ ] رجالتدن برداتہ انتساب ایدہ رک

واصل مراتب عاليه اولدی . تواتر آ نقل اولنديغنه كوره اتناى  
سیر سلوك و مجاهده سنده منسوب اولديغى درگاهه صيرتيله كيتيرديكى  
اودونلر ايچنده - بودرگاهه اكر يلك كيرمز ديهرك - اكرى  
براودون بولنما مشدر كه مادی دخى صدق و اخلاصك كچالنه  
دالدر . مطبوع ديوان الهياتى ، الهيات عارفانه لر ينك كافه سنى  
حاوى دكلدر . مع هذا طبعنه همت اولونان بونسخه تعلق كليسى  
دولاييسيله علم تصوف نقطه سندن بالوجوه حائز اهميت اولديغى كى اشعار  
عثمانيه نك تاريخ ادوارى نقطه سندن دخى قيمتداردر . بعض  
تراجم احوال كتابلر يمزده تاريخ وفاتلرى (كلشن توحيد)  
تركينك دلاىلى اولان (۸۴۳) اولمق اوزره مقيد ايسه ده  
ديواننده كى :

تاريخ دخى يدى يوز يدى ايدى

يونس جاني بويولده قودى ايدى

يئنه نظراً (۸۴۳) دن اقدام اولمى لازم كليور الهيات  
عارفانه لرى ساده و اميانه اولمقله برابر غوامض علم تصوف جهتيله  
يك چوق مضامين دقيقه ينى جامع اولديغى كنديسندن صوكره كلن  
بالجمله عرفا و كلمينك تسليم كرده سيدر :  
برالهي سندن :

نظر ايله ايترى ، بازار ايله كوتورى

ياراديلانى خوش كور ، ياراداندن اوتورى

ديكر : عارف اكا ديرلر كه كان اولا

معرفت علانده عمان اولا



دیگر :

عشقك الدی بنی بندن ، مولام سنی ایسترم سنی

بن یانارم دونی کونی ، » » » »

عاشقلمه وصلت کرک ، زاهدلمه جنت کرک

مجنونلمه لایلا کرک ، » » » »

جنت جنت دیدکلری ، برقاج اوله برقاج حوری

ایسته یه نه ویر آنلری ، » » » »

دیگر : ات ایله دری یه بوروندیم ، یونس دیه کوروندیم

بعض مشاهیرک مدافنی حقنده اولدینی کی بوذاتلرک نقلیات مدفعلری

حقنده دخی بر برینه بکزمه مز برطاقم نقلیات وارددرکه مذکوره دن

بعضیلری بوجه آتی درج ایدیلدی . بروسه لی [ لامعی چلبی ]

نک مطبوع [ نفحات الانس ] ترجمه سنده [ پورصوق ] صوینک

[ سقاریه ] نهرینه قارشیدینی محله اولیق اوزره مذکور

وصاحب ترجمه نک معمای متصوفانه قیلندن اولان مشهور

[ چققدم اریک دالنه آنده یدم اوزومی ، بوستان ایسی

قاقویوب دیر نه یرسک قوزومی ] بیتله مصدر اولان منظومه سنک

( شیخ نیازی مصری ) طرفندن اولوبان شرح مطبوعه

بروسه لی شیخ اسماعیل حق نک یازدینی حاشیه غیر مطبوعه ده :

امرہ ظاهر بودر ترکی ده القاب مدحدندر اترک

اراسنده ( آتابک ) ورومیان میاننده ( لالا ) وامثالی کی

( شیخ یونس امرہ ) اناتولیده اسپارطه جوارنده ( کچی بورلو )

نام قصبه قبر بنده اولان غدیر عظیمک جانب شرقیسنده اولان  
 پشت طرفنده برقریده نشوونما بولوب مزاری دخی اول  
 قریه ده در . عباره سیله محرر در بروسه ده چلبی سلطان محمد ایله  
 امیر سلطان اراسنده کی شبلی محله سنده کی طریقت سعیدیه دن  
 ( عبدالرزاق ) در کاهنده هرا یکیسی نامه بر مزار موجود اولدیغی  
 کبی ( ارضروم ) . بر ساعت مسافه ده ( طوزجی ) قریه سنده ده  
 كذلك هرا یکیسی نامه بر قبر زیارت اولنمقده در . بونلردن  
 بشقه ( صاروخان ) سنجاغنک قوله وصالی قضالری اره سنده  
 ( امره ) نامنده کی یتیم خانلی برقریده اخیراً زیارت ایندیکم  
 کارگیر برتر به ده ( طایبق امره ) نک اولاد واحفادیله تر به  
 دروننده ( عاشق یونس ) ک تر به قیوسنک اشیک اوکنده مدفون  
 اولدقلری منظور عاجزی اولدی . مزار طاشلرینک هیچ برنده  
 یازی یوقدر . یالکیز ( عاشق یونس ) ک سنک مزارنده اوافق  
 بر بالطه رسمی محکوکدر ( امره ) کله سی حقننده کی افاداتدن  
 شیخ اسماعیل حقنک عباره سی بوجه بالا ذکر ایدیلدی .  
 ( مرأة الکائنات ) اسمنده کی مطبوع تاریخده دخی ( ترکجه ده  
 بیوک برادره امره دیرلر ) عباره سی مندر جدر . بعضیلرینک  
 قوانه کوره ( امره ) مخفی در . ( طایبق ) کله سی ده ( ارضروم )  
 وحوالیسنده الفله یعنی طایداق صورتنده دوز و عارضه سز

مقامنده مستعملدر. ط-ا پداق یول یعنی دوز و عارضه سز یول  
 دیمکدر که بومعنایه کوره (طابق امره) یه پاکئی وجدانگرنندن  
 ناشی تاقیب اولنمق لازم کلیور. فقط طابق یعنی عبادت ایتک  
 مصدرندن طابق یعنی عابد معناسنه حمل ایدیلک دها مناسب  
 کیمیدر که (امره) قریه سنده کی بایدیغ تحقیقات ده بونی  
 مؤیدر.

### بکیت باشی احمد شمس الدین مرمره وی

شعبات طریقت خلوتیه میاننده (اور تاقول) و نام عالیترینه  
 نسبة (احمدیه) نامیلده بنام اولان شعبه نك مؤسسی بولونان  
 عارف باه و مرشد حقایق اکاه اولوب (صاروخان) سنجانی  
 ملحقانندن (آقحصار) قضا سنه مربوط (کول مرمره سی)  
 ویا (مرمره جک) و ساده جه (مرمره) اسمیلده مسمی  
 (ناحیه) دندر. علوم رسمیه بی تحصیلدن صوکره (عشاق) ده  
 (قباقلی) قریه سنده مدفون کبار مشایخ خلوتیه دن (علاء الدین  
 عشاقی) حضرتلرینه انتساب ثمراتیله فیوض محمدیه دن بهره یاب  
 اوله رق مأموراً بلارشاد (مغنيسا) یه عزیمت ایتدیله  
 اوتارینجه درس عادت مشایخی اراسنده احوال طریقتیه دائر

تكون ایدن بر مسئله نك حل وحسمه مأمور اولدقلرندن مشهود  
اولان كالات معنویله رینه بناءً اولجه تلقیب اولندقلری ( یكیت  
باشی ) لقبی تأید ایلدی . بعده ( مغنيسا ) یه عودتله كالاول  
ارشاد طالبین وتسلیك سالکین ایلله مشغول اولوب ( ۹۱۰ )  
تار یخنده عازم خلدبرین اولدیلر . نام عالی رینه منسوب درگاه  
فیض اکتاهنده دفین خاک پاکدر . طریقت خلوتیه شعبه لرندن  
( سنایی ) ( مصریه ) ( رمضانیه ) ( جراحیه ) شعبه لری  
کندی لرندن صوکره شعبه ایشدر . احوال طریقت و سنوکه حقیقته  
دائر تورکجه منشور ( رساله التوحید ) ( روضة الواصلین ) ( مقدمة  
الصالحه ) ( كشف الاسرار ) ( اعمال الطالبین ) ( منظومه  
جامع الاسرار ) ( بحرین العشق ) ( احوال الابرار والمقربین )  
اسم لرنده غیر مطبوع آثار متصوفانه لری میان اهل طریقتده  
حرز جان ایدیلیمکده در .

( جامع الاسرار ) مطلعندن :

ابتدا قیلدق کتابه فضل بسم اه ایلله  
ذکر اولونسون هم دخی توحید ذات اه ایلله





## علماء فصلی

### ابن ملك

اسم عالیلری (عزالدین عبداللطیف) اولوب تیره لیدر .  
 افاحم علماء عثمانیه دن مدقق برفاضل محققدر . ( آیدین اوغلو  
 محمد بك ) طرفدن ( تیره ) ده بنما اولونان مدرسه ده نشر  
 علوم و کمال بیوردیلر . مدرسه مذکورده زیارتیه مشرف  
 اولدیغ سنک مزار مبارک لرنده عربی العبارة ( ۷۹۷ ) تاریخ  
 محکوم کدر . درس عادتده ( آقسرائی ) جـ وارنده ( صوفیلر )  
 محله سنده نام عالیلرینه منسوب بر مقام واردر . مسلك قویم  
 تصوفده سالك ایدیلر آثار فاضلانلری بروجه آتیدر :

( ۱ ) ( شرح مشارق شریف ) : متن اثر ( ۶۵۰ ) تاریخنده  
 وفات ایدن ( امام رضی الدین حسن بن محمد الصاغانی ) نك علم  
 حدیثدن اثر مشهوری اولوب اسمی ( مشارق الانوار النبویه  
 من صحاح الاخبار المصطفویة ) درکه برچوق فضـلا طرفلرندن  
 شرح اولنمش ایسه ده بین العلماء مشهور و متداول اولان صاحب  
 ترجمه ابن ملك مرحومك کیدر . بوشرحـك اسمی ( مبارق  
 الازهار فی شرح مشارق الانوار ) در .

( ۲ ) ( شرح منار الانوار : متن اثر ( ۷۱۰ ) تاریخنده وفات  
 ایدن ( حافظ الدین نسفی ) لقییلله مشهور ( امام ابی البرکات

عبداه بن احمد ( ك اصول فقهدن اثر مشهوری در كه بواثرده  
برچوق علما طرفلرندن شرح وتحشیه ایدیلشدر .

(۳) ( شرح مجمع البحرین ) : متن اثر ( ۶۹۴ ) تاریخنده  
وفات ایدن ( ابن ساعاتی ) شهرتیه بنام ( مظفرالدین احمد بن  
علی البغدادی ) نك فروع حنفی یه دائراولان تألیف مشهور یدر  
بواثرده برچوق افاضل طرفلرندن شرح وتحشیه ایدیلشدر .

(۴) ( شرح وقایة ) : متن اثر علامه ( محمود بن  
صدر الشریعة ) نك اولوب اسمی ( وقایة الروایة فی مسائل الهدایة )  
در كه بواثرده برچوق اكابر علما طرفلرندن شرح وتحشیه  
ایدیلشدر . صاحب ترجمه ( ابن ملك ) مرحوم بوشرحی  
مخادیم علیه لرندن ( جعفر ) افندی نامنده کی مخدومه ( وقایة ) ی  
او قوتدینی زمان تألیف ایلش ایسه ده خسته لك دولایسیه امام  
تبسیضه موفق اوله میوب دیگر مخدومی ( محمد افندی ) طرفندن  
تبسیض ایدلشدر . كذا ( فی كشف الظنون ) و ( شقایق نعمانیه ) .  
(۵) ( شرح تحفة الملوك ) : متن كتاب ( ابی بكر رازی ) نك

فروع حنفیه یه دائر تألیف ایتدیگی اثر مشهور یدر . بوده بعض  
علما طرفندن شرح اولنمشدر . كذا ( فی كشف الظنون ) .

(۶) ( كتاب من التصوف ) : اسم اثر ( شقایق ) ده مندرج  
دكلدر .

(۷) ( شرح مقدمة الفقهية ) : متن اثر فقیه مشهور ( ابی  
اللیث سمرقندی ) نك اولوب برچوق فقها طرفندن شرح  
وتحشیه ایدیلشدر .

(۸) (منظوم لغت قانون الهی) : الفاظ قرآن کریمه دائر  
بر لغتچه اولوب (ابن فرشته) نامیه بنام برادری (عبدالمجید)  
کده بووایدیه بواسطه منشور بر لغتی واردر .

### ابن ملک زاده محمد افندی

فاضل ابن فاضل بر ذات اولوب پدر جنت مقری یاننده  
مدفوندر سنک مزارنده تاریخ یوقدر آثاری بروجه زیردر :  
(۱) (محر الحکم) علم اخلاق و محاضراتدن باحث اوچ باب  
ویوز فصل اوزره مرتب ترکی عبارتیه بر جلد کبیر اولوب جستمکان  
سلطان مراد ثانی نامه تقدیمه ایدیلدیکی سلانیکده مطالعه گذارم  
اولان یازمه بر نسخه سنک مقدمه سنده مذکوردر .

(۲) (ذخر العابدین) اخلاق و مواعظدن باحث عربی  
العباریه براندر بر اثرده نصایح وادیسنده (۶۰۰) ابیات عربیه  
ایراد ایدیلدیکی (ترجمه شقایق) ده مندر جدر .

(۳) (فضائل رجب، شعبان، رمضان) : شهر ثلاثه نك  
فضائله دائر عربی عبارتیه بر اثر مفیددر .

(۴) (شرح وقایه) پدر لرینک شرحندن باشقه بر شرح  
اولدینی (ترجمه شقایق) ده مصر حدر . صاحب ترجمه (محمد)  
افندینک مخدومی اولوب (حنید ابن ملک) شهرتیه بنام اولان  
(عبدالرحمن) افندینک ده (روضة المتقین) (شرح مصابیح)  
اسمیرنده آثار فاضلانلری واردر .

## اسحق خواجه سی احمد افندی

علمای اعلام و ادبای بنامدن بر ذات معارف سمات اولوب (آیدین) نواچیسندن (صویحه) لیدر. بدایت تحصیاتی مملکت تنده بعدالاکمال سیاحت و (شروان) ده مشاهیر فضالان (خواجه نعمه‌آه) ک درس فضائنتارینه مداومتله اخذ اجازت ایلوب (بروسه) یه رحلت ایلدی بوراده کجلیق مظهر احترام اوله رق بعض مدارسده تدریسه ابتدارایتدی بوارالق (بروسه) اغنیای قدر شناساندن (اسحق افندی) نامنده برذاتک مخدومنی ده تعلیم و تربیه یه باشلادی که مدت مدیده بوذاتله همبزم اولدینی ایچ-ون بعدما بین الاهالی (اسحق خواجه سی) شهرتیه اشتهاره باشلادی . بوائلالرده (بروسه) ده ارشاد سالکین ایله مشغول اولان پیران طریقت خلوتیه دن شیخ (نیازی مصری) حضرتلریته اقتساب ایدهرک تصفیة باطن ایلشدی . ایشته بووجهله اوقاتکذا رایکن (ایلدی احمد افندی روضه عدنی مقام) و (ایله مدرسه جنّت علیاده مقام) مصر اعلا رینک دلالتی اولان (۱۱۲۰) ناریخنده عازم دارالقرار اولوب (دوه جیلر مزارانی) دنیلان مقابر مؤمنین ده تاریخ (روضه الابرار) وسائرہ صاحبی شیخ الاسلام (قره چلبی زاده عبدالعزیز) افندی یاننده ودیعه خاگ فنا قلندی اشعارنده (احمدی) تخلص ایدردی آنار فاضلانله لری بوجه آتیدر :

(۱) (ترجمه مقدمة الادب) : (علامه زحشری) نک



لغات عربیه نك قواعد و فوائدی مبین اولان اثر مشهوریدر كه  
 (باب اول) اسما (باب ثانى) افعال (باب ثالث) حروف  
 (باب رابع) تصرف اسما (باب خامس) تصرف افعالدن باحث  
 اولمق شرطيله بش باب اوزره مرتبدر . علما و مشایخ عثمانیه دن  
 (مستقیم زاده سلیمان سعدالدین) افندی طرفندن ده ترجمه  
 ایدیلشدر . صاحب ترجمه احمد افندینك ترجمه سی اخیراً مطبعه  
 عامروده طبع ایدیلدی . مترجمك خط دستيله محرر نسخه سنك  
 درسعادته (ایاصوفیه) جوارنده (یره باتان) محله سننده كى  
 (اسعد افندی) كتبخانه سننده اولدیغی مرویدر قواعد و ادبیاتله  
 متوغل ذواته جداً موجب استفاده آناردندر .

(۲) (منظومه عقائد) : امالی و نونیه قصیده لری طرزنده  
 بر منظومه در .

(۳) (وحدتنامه عالم انکیز) : قسم اعظمی ترکی اصغری  
 فارسی اولمق اوزره (۲۹۱۸) بیقی حاوی مشوی طرزنده بر  
 منظومه در كه اخیراً درسعادته طبع ایدیلشدر .

(۴) (صندوقه المعارف) : علم محضر اتدن قیمتدار بر اثر در .

(۵) (اقوم الوسائل فی ترجمه شمائل) : اصل اثر (۲۷۹)

تاریخننده وفات ایدن کبارائمه حدیثدن (امام محمد ترمذی) نك  
 اولوب برچوق علما طرفلرندن شرح و تحشیه ایدیلشدر .

(۶) (حاشیه متن طوابع الانوار فی الکلام) آتی الترجه

آیدینلی حاجی پاشانك ترجمه حالنده متن اثره دائر ایضاحات  
 لازمه یازیلشدر .



(۷) (رساله ارتفاع) و مقنطرات تحتہ سی و سائرہ

کبی ارتفاع التلرینک تعریفات و اصول استعمالندن باحث اولوب  
اسحق افندی نامنه مؤلف اولدینی ایچون اسمی اسحاقیدر .

(۸) (حدیث اربعین) : قرق حدیث شریفک ترجمه لرینی

حاویدر .

(۹) (منشآت) : بالمناصبه یازدینی مکاتیب ادیبانه نی جامعدر .

(۱۰) (تعلیقات شفاء شریف) : علامه قاضی عیاض

سبتی نک شفاء شریفه یازدینی تعلیقہ نی محتویدر .

(۱۱) (حاشیه میرابوالفتح) : علم اداب مناظره دندر .

(۱۲) (تعلیقات انوار التنزیل) : تفسیر قاضی بیضاوی نک

بعض نقاطنه یازدقلمری تعلیقہ لری مبین در .

(۱۳) (تعلیقات تہذیب المنطق) : علامه تقی‌الزانی نک تہذیب

المنطق دیباجه سنده جلال دوانی و سائر فصوحات بیاناتک تحقیق

و خلاصه لرینی مشتملدر .

(۱۴) (ظل تجدد جهات)

(۱۵) (دائرة هندسیه شرحی)

اشعار فارسیه ده کی مخلص (خواجہ) عثمانیه ده کی (احمدی) در .

دوران سرشک الی بزمه شراب ایدر

سیح بلاده باغری می خونین کباب ایدر

معمار کم اساس سپهره بودر روشی

معمور ایدنجه بردنی بیک دل خراب ایدر



## ازمیری [ ۱۵ ]

بین العلماء (مرأة محشیسی) شهرتیه بنام بر فاضل فقیه  
اولوب اسم عالیری (محمد بن ولی) در . مولداً (قیرشهر)  
لیدر . (ازمیر) ده اختیار اقامتله نشر علم و فضیلت ایتدیلر  
بر زمان مفتی لك و طیفه سنی ده ایفا ایتدکلی [ ۱۱۶۰ ] تاریخنده  
ارتحال ایدرهك (ایکی چشمهك) جاده سنده کی (اولومزارلق) ده  
ودیعۀ خاك غفران قلندیلر آثار فاضلانلری بروجه آتیدر :  
( قره باشی زاده احمد ازمیری ) نك اثرندن مندر جدر .  
( ۱ ) ( حاشیه علی المرأة لمولانا خسرو ) مطبوع  
و مشهور در .

( ۲ ) ( شرح ملتقی ) : اسمی ( کمال الدرایة فی جمیع الروایة )  
اولوب ایکی جلد کیردن عبارت اولان بر طاقی (ازمیر) ده  
حصار جامعی کتبخانه سنده منظور عاجزی اولدی .  
( ۳ ) ( حاشیه علی حاشیه شرح المختصر الحاجی ) :

[ ۱۵ ] ( آق حصار ) کتبخانه سنده منظورم اولان ( فتح المولی  
لشرح حزب المرضى ) ایله ( فتح القوی لحزب النووی ) مؤلفنك امضاسی  
( احمد بن عمر الداعی فی الازمیر ) اولان ذاتله بر نسخه سی ازمیرده  
مطالعه کذارم اولان ( حزب الثقلین فی التوسل بالقمرین ) ك مؤلفی  
( حسن بن ابراهیم کومولجنه وی ثم الازمیری ) نكده ازمیرده منسوب  
اولدقلری مستبان اولیور ایسه ده تاریخ وفات ومدفنینه دائر ازمیرجه  
باییلان تحقیقاتدن بر نتیجه استحصال ایدیلهمدی .

بو اثر لرینی ( مرأة ) حاشیه لرینک باش طرفلرنده ذکر  
ایدیورلر .

( ۴ ) ( جلیل القدر شرح حزب النصر ) ازمیرده منظور  
عاجزی اولان بو اثر عالیلی غیر مطبوع اولوب ترجمه سی ده  
واردر .

( ۵ ) ( حاشیه علی الاشبهاء والنظائر ) غیر مطبوعه در .  
بر نسخه سی ردوس کتبخانه سنده واردر .

( ۶ ) ( حاشیه علی شرح عقائد ) غیر مطبوعه در .

( ۷ ) ( شرح دلائل الخیرات ) غیر مطبوعه در .

( ۸ ) ( زبدۀ علم کلام ) : بر نسخه سی ( اق حصار )  
کتبخانه سنده منظوم اولدی .

( ۹ ) ( حاشیه علی شرح لب من النحو ) بو اثرک

موجودیتی ( قره باشی زاده احمد ازمیری ) نلک اتونده محرر در .

### از میری سلیمان افندی

زمره مؤلفیندن وعلم فقه متحصصلرندن بر ذات اولوب  
( ازمیر ) لیدر . ( ۱۱۰۲ ) نارینخنده ارتحال ایده رک کمر  
قبرستانه دفن ایدلدی . علم اصول فقهین مشهور ( میزان ) ه  
حاشیه طرزنده تعلیقاتی اولدینی ( کشف الظنون ) ده محرر در .  
اثر سائر سنه دسترس اولونه مادی .

### از میری مصطفیٰ

علم قرائت قرآنده بهرہ کامل اصحابندن فاضل بر ذات اولوب  
(از میر) لیدر. محضا علم قرآنده تکمل ایتک اوزره (مصره)  
کیدرک اختیار اقامت ایلشدی. (۱۱۱۵) تاریخنده اوراده  
ارتحال ایتدی. علم قرائته دائر [عمدة العرفان فی وجوه القرآن]  
[بدایع البرهان فی علم القرآن] [تغریب حصول مقاصد] وسائر  
کبی اناری بین القرا مشهور و متداولدر.

### ابراهیم بر غمہ وی

شعبات طریقت خلوتیه دن (سنبلیه) شعبه سنک مؤسسی  
(سنبل سنان) حضر تلیرنک خلفاسندن بر ذاتک مخدومی اولوب  
(بر غمہ) لیدر. اکال تحصیلدن صکره دور مداری ایلوب  
نهایت سنان پاشا دارالحدیثه مدرس تعیین اولندی. اون سنه  
بو خدمت تدریسی ایفا ایدرک (۱۰۱۴) تاریخنده ارتحال  
ایتدی. تفسیر، حدیث کلام علملرنده اختصاصی وار ایدی.  
علم کلامدن (انظم الفرائد فی سلك مجمع العقائد) اسمنده کی  
اثرینه مؤخرأ برده شرح یازدی علم تفسیره متعلق رسائل ايله  
کتب مدونهیه دائر تعلیقاتی ده واردر. (۱۰۰۰) تاریخی  
رجالندن وفضلاء شعرائ قضاتدن (قصیده منفرجه) شارحی  
(عبده) و (سیف الموحدين) مؤلفی (شمس الدین) افندیلرده  
بر غمہ دن یتیشن ارباب معارفندرلر.

### ابن اظهوی مصطفی بن ابراهیم

فضلا دن بر ذات اولوب قوش (اطهلی) در اون کسور  
رساله سنی حاوی آیدینده کوردیکم خط دستیه محرر مجموعه سنده  
مندرج رسانندن بعضیلری شونلردر :

(ملاقات الارواح) (مناسک حج) (رساله فی الطهاره)  
(رساله فی الصلاة) (رساله فی العبر) در (۱۱۴۶) تاریخنده  
«آیدین» ده توطن ایدرک نشر و تألیف ایله اشتغال ایتدیکنی  
یازییه ور. (زینی زاده) جوارنده مدفون اولدینی مرویدر.  
(ابن اظهوی) تخلصنک سببی اکلاشیله مادی.

### احمد سعید افندی

فضلا دن بر ذات اولوب (ازمیر) لیدر. اكمال تحصیلدن  
صکره مملکتی مقتیدکنه تعیین اولونه رق ایفای وظائف شرعیه  
ایله دی. سنک مزارنده محرر اولان :

فوتنه وفق مثلث ایله قوندی، تاریخ  
حیف دفن اولدی اوسرمایه کنج فتوی

بیتمک ناطق اولدینی (۱۲۲۰) تاریخنده ارتحال ایدرک نمازگاهده  
بو یوک مزارلقده دفن ایدلدی. باشلیجه آناری غیر مطبوع دردر  
حاشیه سیدر.



### ابراهیم افندی

فضلادن حسن تقریره مالک بر ذات اولوب (صاروخان) سنجاغك (اشمه) قضاسی قراشدن (اینه‌ی) قریه‌سندندر. تخصیانی (قرق اغاج) و (صومه) ده بعدالاکمال بروسه‌یه عزیمتله نشر علمه ابتدار ایله یوب بر قاج دفعه اعطای اجازه‌یه موفق اولدی. علوم عربیه‌نك اکثر شعباتنده و تخصیص تفسیر و اصول فقه علملرنده معلومات واسعة احصا بندن ایدی. و اواخر عمرینه دوغرو (بروسه) مقتیلکنه تعیین اولنمشدی. بروسه‌جه (عشاقی ابراهیم افندی) نامیله بنامدر. (۱۳۰۹) ده بروسه‌ده ارتحال ایلدی. فضائل شیخ‌الاکبره دائر (المسك‌الازفی فی شبرئۃ شیخ‌الاکبر) اسمنده غیر مطبوع بیوجاء اثری رازدر. تقریرات علمیه‌سنگ اکثر نقاطی تلامیزی طرفندن ضبط اولونمشدر.

### ادرنه مقبسی محمد فوزی افندی

طلاقت لسانیه‌لریله معروف فاضل، ادیب بر ذات اولوب (طواس) قضاسنگ مرکزی اولان (یارانکومه) قصبه‌سندندر. تحصیلنك بدایتی (خادمی) مرحومك حفیدی (سعید) نهایتی (مغنیسالی حاجی اولیا زاده علی) افندیلدندر. مدت مدیده (ادرنه) مقتیلکنده بواندقلری ایچون بو نامله مشتهر اولدیله

وظائف نیابتلهده ایچجه سیاحت ایتدیلر اواخر عمر لرینه دوغری  
قاضی عسکرلک رتبه عامیه سنه نائل اولمشلردی . ( ۱۲۱۸ )  
تاریخنده دوسعادتده ارتحال ایدرهک ( فاتح ) جامعشـیرینی  
خطیره سنه دفن ایدلدیلر . طبیعت شعریه لریده واردر . آثار  
علمیه لرینک قسم اعظمی رسائل طرزنده اولق اوزه آلتمشـی  
متجاوز اولوب باشلیجه لری بروجـه آتیدر :

( جلال ) شرحی ( جمال ) قصیده برئه شرحی [ فتح -  
الورده ] اظهار شرحی [ مفتاح الحرام ] فزاری شرحی [ فتح الفناء ]  
[ مغنی الطلاب ] شرحی [ سیف الغلاب ] کلستان و بهارستان  
طرزنده [ ملسـتان ] ایله [ انس الانتظام ] [ کنز الفرائد ]  
[ التوسلات الغوثیه فی نعوت النبویه ] [ تمسک الازیال فی سادات  
الرجال ] و سائرهدر .

### ❧ برالدبهر محمود آبردی ❧

علماء عاملیندن برذات ممدوح الصفات اولوب [ آیدین ] لیدر .  
مترجم شقایق نقلنه کوره [ از میر ] نواحیسننددر . وزرای  
عثمانیه دن متوفی محمد پاشادن تدریسی بالخاصه تفسیر و حدیث  
تدریسنه مشروطاً دوسعادتده بنا ایلدیکی مدرسه یه مدرس تعیین  
اولنه رق الی اخر العمر شرائط مذکوره دائره سننده ایفای  
وظائف ایلوب [ ۹۵۰ ] تاریخنده ارتحال ایتدی . آثارندن  
غیر مطبوع بر تفسیری واردر .

## برکوی محمد افندی

[ ۹۲۶ ] ناریخنده [ بالیکس-سر ] ده مهـ آرای وجود  
 اولمشدر . مدرس علی افندی نامنده بر فاضل اولان پدرندن  
 مقدمات علومى تحصیل ایله سرمایۀ ابتدائىنى ایجه ایلریتدکدن  
 صوکره فطرتنده کی حب علم سائقه سیله درس عاده عزیمت ایتمش  
 وفضلاى عصر دن اخى زاده محمد افدینک دائرۀ درس وخدمته  
 ملازمته باشلامشدر . صوکره افاضلن عبدالرحمن افندى یه  
 انتساب و اختصاص پیدا ایدرک بعض مدارس علمیه ده  
 بولندیریشلوردی . بر آراق مشارالیه عبدالرحمن افدینک دلالته  
 ادرنده قسام عسکرى اولمشدى . مرویدرکه بعدالغراغ محصل  
 قسمندن آلدینی پاره لری اصحابنه رد واعاده ایچون شهر مذکوره  
 کیتمش و اخذ ایتمش اولدینی مبلغی دفتر موجنبجه صاحب لرینه  
 اعاده ایتمشدر . خواجه حضرت پادشاهی عطاءاه افندی ایله  
 آره لرنده مناسبت وصمیمیت حاصل اولغله خواجه مشارالیه  
 آیدین ولایتک اوده مش قضا سـنه ملحق [ برکی ] ناحیه سنه  
 بیوک بر مدرسه تأسیس و وظیفۀ تدریسی صاحب ترجمه نک  
 عهدۀ ایاق و فضیلتنه تفویض ایشدر . ذکر اولنان مدرسه ده  
 نشر علوم ایله اشتغال ایدرک ملازمین علمیه یی و شهرت فضلته  
 مجلوب اولوب اطرافدن کلن طلبه یی تدقیقاتیله مستفید ایتمشدر .  
 اواخر عمرینه یاقین درس عاده کلوب ، وزیر اعظم محمد یاشا ایله

ملاقات ایدره ك تحشیة امور عباد حقنده بعض مسرودات  
 عالمانده بولمشد. تلاوت قرآن و سائر مقابله اجرت  
 تحریر شهر ، فقیه مشهور شیخ الاسلام ابوالسعود افندی ایله  
 مشاهیر قضاتدن بلال زاده طرفلرندن تصحیح اولمشد.  
 طریقت علیه بیرامیه مشایخ عظامندن عبدالرحمن قره مانییه  
 انتساب ایش ایسه ده علوم شرعیه ده قابلیت واستعدادی ده  
 زیاده اولوب معنویاتده کی نشو و سنه غالب بولندیغنی کورن مرشد  
 مشارالیه محمد افدینک کافی السابق نشر علوم عالییه و شرعیه ایله  
 اشتغال و بویولده احراز اجر و اکتساب فیض و کمال ایتسانی  
 تنبیه و تنسیب ایلشد.

طقوز یوز سکسان بر جمادی الاولیسنده اللی بش یاشنده اولدیغنی  
 حالده [ برکی ] ده مطعوناً دیار آخرته منتقل و رحمت واسعة  
 خدایه واصل اولمشد. [ رحمه الله ]

### ( ۱ ) طریقت محمدیه [ ۱ ]

[ ۱ ] علماء عثمانیه دن ؛ ابو سعید خادمی ، رجب افندی ، اقشهرلی  
 خواجه زاده عبدالنصیر افندی ، چتالجه لی حسین افندی ، صاقولی احمد  
 کشنی افندی ، قیصرلی محمد زهدی افندی ، کسروی محمد افندی  
 طرفلرندن شرح ، طریقتچی امین افندی ، محمد عصمتی افندی ، بابا  
 طغنی ابراهیم افندی ، محمد افندی بن احمد طرفلرندن ترجمه و تیره وی  
 محمد عیشی طرفندن ذخی اختصار ایدلشد.

- (۲) تفسیر سورۂ بقره  
 (۳) روضات الجنان [۲]  
 (۴) رساله فی بیان رسوم المصاحف العثمانيه  
 (۵) شرح حديث اربعين [۳]  
 (۶) جلاء القلوب [۴]  
 (۷) معدل الصلوة  
 (۸) الايقاظ النائمین  
 « ۹ » متن و شرح من الفرائض  
 « ۱۰ » شرح المقصود المسمى با معان الانظار  
 « ۱۱ » انقا ذالها لکین  
 « ۱۲ » « عوامل » [۵]

[۲] فضلاى عصر دن محمود اسعد افندى طرفندن ترجمه اولمشدر.  
 [۳] سکنزنجى حديثدن اشاغيسى (۱۱۷۴) ده مکة مکرمه  
 قاضيلغنده وفات ايدن مؤلفين عثمانیه دن محمد اکرمانى طرفندن اکمال  
 ايدلشدرد.

[۴] اسحق بن حسن توقادى و محمد امين ادرنهوى طرفلرندن شرح  
 اولمشدر.

[۵] علمای عثمانیه دن عوامل شارحلى :

(۱) (۱۲۰۷) ده وفات ايدن ابوبکر بن يعقوب کموشخانهوى

(۲) (۱۲۴۴) » » مصطفى منطقي فيلورينهوى

(۳) (۱۲۳۰) » » خليل نعيمى مغنيساوى

(۴) ( ) » » احمد قوش آطهوى

(۵) ( ) » » شيخ مصطفى بن ابراهيم افندى



« ۱۳ » احوال اطفال المسلمین

« ۱۴ » ذخیر المتأهلین

« ۱۵ » اظهار [۴]

« ۱۶ » علم حال - وصیتنامه [۶]

« ۱۷ » نور الاحیاء

« ۱۸ » الدر الیتیم فی علم التجوید [۷]

[۴] علمای عثمانیه دن اظهاری شرح ایدنلر :

(۱) (کشف الاسرار) اسمیله صاحب اترك تلازمیذن اولامشلی

مصلح الدین افندی

(۲) (نتایج الافکار) اسمیله (۱۰۸۵) ده وفات ایدن قوش اطللی

مصطفی افندی بن حمزه

(۳) (فتح الاسرار) اسمیله (۱۱۴۱) ده وفات ایدن صوبیجه لی

محمد افندی

(۴) ۱۲۵۲ ده وفات ایدن عبداہ ایوبی

(۵) ۱۲۰۶ ده » » رئیس الکتاب سلیمان فیضی افندی

(۶) ۱۲۰۹ ده » » بروسه لی قصاب زاده ابراهیم افندی

(۷) رفع الاستار اسمیله عثمان بازارلی نیازی شیخ اسماعیل افندی

(۸) مفتاح المرام اسمیله ۱۳۱۸ ده وفات ایدن ادرنه مفتیسی

محمد فوزی افندی

(۹) حل اسرار الاخبار علی اعراب اظهار الاسرار اسمیله ده زینی

زاده حسین بن احمد افندی طرفندن ده اعرابی توضیح ایدلمشدر.

[۶] قاضی زاده ایله نیازی افندی طرفلندن شرح اولتمشدر.

(۷) ۱۲۴۳ ده وفات ایدن ادرنه لی اسکیحی زاده علی افندی

طرفندن ترجمه و شرح اولتمشدر.

«۱۹» حاشیه هدایه

«۲۰» امتحان الازکیاء شرح اللب من النحو [۸]

«۲۱» کفایة المبتدی فی الصرف [۹]

«۲۲» رساله فی اصول الحدیث [۱۰]

«۲۳» تعلیقات علی صدر الشریعه

«۲۴» امالی طرزنده فنون عالمیه دن باحث رساله

«۲۵» سیف صارم

«۲۶» رساله من الاداب

«۲۷» امثله فضلیه : مخدوملری فضل اه افندی نامنه تألیف

وترتیب ایتدکاری علم صرفندن امثله عربیه اولوب مؤخرأ  
برده شرح یازمشلردر.

(۸) اطهلی طرفندن تحشیه ایدلشدرد.

(۹) فضلائی عصرندن ارمناکلی سلیمان سری افندی طرفندن شرح

اولنشدرد.

(۱۰) (۱۱۵۱) تاریخنده داوود قارصی طرفندن شرح اولندیفی

کبی مدینه منوره ده عمودیه مدرسه سی مدرسه سی ایکن (۱۲۹۲) تاریخنده  
وفات ایدن یوسف خرپوطی طرفندن ده مفصل بر صورتده شرح  
ایدلشدرد.

## نوسانه مصطفی افندی

احاطه علمیه وجودت قریحه ایله معروف برذات فضائلهاد  
اولوب (تیره) لیدر. مبادی علومى مسقط رأسی علماسندن  
بعد التحصیل دارالعلم والعرفان اولان درسعادتہ عزیمتله برمدت  
چیوی زاده، معلول امیر، عرب زاده عبدالباقی و سائرہ کی  
فضلائک درس لرندہ بولندقدن صوکر ا علامه روم ابن کمال  
مرحومک درسنه مداومتله بین الاقران متمیز برحالدہ اخذاجازتہ  
موفق اولدی بوموفقیتنی متعاقب بروسه ده ملایکان مدرسه سی  
مدرسلیکنه تعیین اولندی سوده براز صوکر ا مسلک قضایه سالک  
اوله رق نازلی، بلاط نیابت لرندہ بولندی. بوارالق تفسیر  
بیضاوینک سورہ انعام قسمنه یازدیغی تعلیقات، مولانا ابوالسعود  
ایله چیوی زاده طرفلرندن مظہر تقدیر اوله رق جتیمکان  
سلطان سلیمان قانونی حضور هایونلرندہ کی حسن شہادت لرینه  
مکافاة مملکتتده کی (ملا عرب) مدرسه سی مدرسلیکنه تعیین  
بیورلدی. بعده بروسه، ادرنه، درسعادت قاضیلک لرله بکام  
اوله رق قاضی عسکرلک رتبہ جلیلہ نه مظهر اولوب (۹۷۷) ده  
عزم داربقا ایلدی. نمازی فاتح جامع شریفنده ابوالسعود افندی  
طرفدن ادا ایدیلہ رک ادرنه قبوسی خارجنده امیر بخاری دامادی  
(محمود چلبی) زاویہ سی قربنده دفن ایلدی. انار علمیه لر  
بروجه آتیدر :


- (١) تفسیر بیضاوینک سورة انعامه تعلیقات مدققانه .
- (٢) فقه‌دن صدر الشریعه‌نک عبادات قسمنه حاشیه طویلہ
- (٣) مبحث جزء لای تجزی به دائر رساله
- (٤) مسئله قضا و قدره دائر رساله .
- (٥) کیمیای عتیقه دائر « نجات الاحیاب و تحفه ذوی الباب » اسمندہ بر اثر .

### بوستانه زاده محمد افندی

سابق الترجه بوستان افدینک مخدوم فضیلت‌مندی اولوب ۲ پدربله معاصری اولان افاضل‌دن علی‌الاصول تحصیلنی اکمال ایدرک طشره مدرسلکی و نیابتیلہ بر خیلی سیاحتدن صوکره دوسعاده ورود ایلوب قاضی عسکرلک و متعاقباً مسند جلیل مشیختله بکام بیورلدی . بش سنه یه قریب بو مسند جلیلده ایفای وظائف شرعیه یه موفق اوله رق [ ۱۰۰۶ ] تاریخده ارتحال ایلدی . [ شهزاده ] جامعشریفی خطیره‌سندہ مدفوندر . مرحوم مشارالیه علوم عربیه و شرعیه‌ده صاحب ید طولاً اولغله برابر السنه ثلاثه‌ده انشاد نظم و نثره مقتدر برادیب متبحر ایدی . سلطان سلیمان قانونی‌یه سویلدیکی مرثیه عربیه‌سنگ بر قسمی [ شقایق نعمانیه ] ذیلی [ حدایق الحقایق ] ده مندر جدر .

حجة الاسلام امام غزالی‌نک مشهور آفاق اولان والسنه

غریبه دن بیله بر قاجنه ترجمه ایدیلن [احیاء العلوم] فی ترجمه  
و علم فقهدن بین العلمی متداول اولان [ملتی] یی شرح  
ایلشدرکه ایکسی ده غیر مطبوعدر.




### بوستانه زاده محبی افندی

ذکری سبق ایدن محمد افندینک مخدوم فضائل موسومیدر .  
اکمال تحصیلدن صوکرده دور مناصب علمیه ایدرهک [استانبول]  
قاضیسی اولمشدی . [۱۰۴۹] تارینخنده ارتحال ایلوب پدری یاننه  
دفن ایدلدی . علم اخلاقدن جتتمکان سلطان احمد خان اول نامنه  
یکرمی باب اوزره مرتب ترکی العبارة [مرأة الاخلاق] نامنده  
بر کتابیله معجزات نبویه دن یوز معجزه یی مین [کل صدبرک]  
اسمنده ترکیه منشور بر اثر قیمتمداری وارددر .

بو اثرک خاتمه سی قطعه آتیه ایله ختام بولمشدر .

یحیی بیلیرم کاریمی بن جمله خطادر  
هر کیم که ستر ایله به احسان خدادر

ای ناظم آثارم اولان واقف اسرار  
ایته نظری عیبمه بی عیب خدادر





## چوی زاده محی الدین افندی

مسند مشیختی احراز ایدن علمادن اولوب (منتشا) ده  
مدرسیندن (چوی افندی) لقبیه ملقب بر مدرسك مخدومیدر.  
برای تحصیل استانبوله کله رك تاج زاده سعدی، فساری زاده  
محی الدین، وقره بالی افندیلر کبی مشاهیردن استفاده ایله دی .  
بعدا لکال ادرنه ، بروسه ، چورلو ، مدارس مدرسلکنده  
(۹۳۴) ده مصر قاضیلکنده ایفای خدمت ایتدی . (۹۴۵) ده  
مسند فتوا ایله بکام اولدی . اوچ سنه دو قوز آی مرورنده  
تقاعد ایدیلرک اختیار انزوا قیلندی . علوم شرعیه ده صاحب  
وقوف ایدی . (الایثار فی شرح المختار) و (حسن القاری  
فی التجوید) اسمارنده علم فقه و تجوید دأثر اثرلری واردر .  
طائفة متصوفیه اولان محبتسزلیکنی [ شقایق ] نقل ایدیور .  
۹۵۴ تاریخنده ارتحال ایدرک جوار حضرت خالد [ رضه ]  
دفن ایدلدی .

دامادی [ فتاوی حامدیه ] مؤلفی قونیلی [ حامد ] افندی  
ایله مخدومی [ محمد ] افندیلرده نائل منصب فتوا اولمشدر .





## جامی اوبازده حاجی علی رضا افندی

افضل علمادن بر ذات اولوب « ۱۲۱۵ » ده مغنیساده  
 دنیایه کلمشدر . مقدمات علمی حجازده ارتحال ایدن پدری  
 حاجی اولیا زاده حاجی ابراهیم افندی تحصیل علوم آلیه  
 وعالیه بی ده در سعادت علماسندن [یحیی] افندی کمال ایده رک  
 [مغنیساده] تدریس و افتا ایله مشغول اولدی . پک چوق دفعه لر  
 اعطای اجازه یه موفق اولان علمادندر . خلقه تدریسنده پک  
 چوق علما وفضلا یتشمشدر . مشهور قبریسلی خواجه افندی  
 مجازلرینک متمیزلرندندر . [۱۳۰۱] نارینخنده مغنیساده ارتحال  
 ایده رک [نشانجی پاشا] جامی خطیره سنده و عااله سنه مخصوص  
 قبرستانه دفن ایدلدی . زماننده مغنیسا شهری دارالفیض  
 و المعارف اولمشیدی . طالبین علم و عرفان اولانلر برای تحصیل  
 شهر مذکور شتابان اولورلر ایدی . [ملجأ المفتین] اسمنده کی  
 درت جلد کبیر فتواسنک بر طاقی « مغنیسا » فتواخانه سنده  
 منظور عاجزی اولدی . فنون عدیده دن باحث امتحان رساله سیله  
 [مرأت] ه تعلیماتی ده واردر . برده فرائضدن بر اثرلری  
 اولدینی مرویدر . طریقت حلوتیه دن مستخلف ایدیلر . حسن  
 خطه ده مالک اولوب خط دستلریله محرر متون عربیه مجموعه لری  
 واردر .

## عبدالمطلب بن محمد منداالی

عصر اخیر علما-زندان بردات اولوب (منتشا) سنجایی  
داخلنده میلاس قضائی نواحی-سندن (مندالیات) ناحیه-سنگ  
(درینجه) قریه-سندندر. تحصیاتی در-سعادتده ا کمال ایدرک  
بایزید جامع شریفنده نشر علوم واعطای اجازهیه موفق اولدی  
بعده حضور همایون مخاطبلی ومؤخرآ مقررالکنه نائل اوله رق  
[۱۳۰۵] تار یخنده صله طریقله مسقط رأسنه کلدیکنده ارتحال  
ایتدی. علوم عربیه-نک اکثر شعباننده و تخصیص صرف  
ونحوده اختصاص تامه مالک ایدی. [شرح تعلیم الاوزان]  
[رساله فی تعلیم العلم وموضوعه وغایته] [رساله فی کلمه الشهادة]  
[رساله فی حق ابن] اسمارنده رسائی [۱۲۸۶] تار یخنده طبع  
اولثان مجموعه-سنده موجوددر. [میزان الصرف] [شرح دیباجه]  
مغنی الطلاب [فوائد امثله] [شروط الصلوات] [تعلیقات  
علی المغنی الطلاب] کبی آثار مطبوعه سی و [فوائد لامیه شرحی]  
[محتی مغنی الطلاب] وسائر کبی آثار غیر مطبوعه سی ده  
وارد.

## مهرشاه بن عبداللطیف منشاوی

مؤلفین کرامدن بردات فضائلهاد اولوب «منتشا» لیدر.  
مقدمات علمی مملکتنده تحصیلدن صوکر استیکمال فیض

علوم سائقه سیله اون بش سنه قدر خطه مصریه ده اقامت ایلدی.  
 (علامه طوسی) که ممالک عثمانیه کلدیکی استماع ایتدیکندن کلوب  
 کرار آ علامه مشارالیه ایله مصاحبه و مباحثه ایتدی. اوقاتی مجرد  
 تحصیل و تکمله صرف ایدن فضلادندر. « ۸۵۳ » تاریخنده  
 مملکتهنده وفات ایلدی. [ شرح تجوید ] [ تعلیقات علی المواقف ]  
 [ تعلیقات علی التلویح ] [ حاشیه علی ملا زاده کبی آثار علمیه سی  
 واردر. « بروسه » ده [ زینی لر ] ده مدفون ، مخدومی درویش  
 محمد افندی ده فضلادندر.

### داود فارسی

متأخرین علمای عثمانیه دن زهدی غالب بر ذات اولوب  
 [ قارص ] لیدر. تحصیاتی در سعادت و مصیرده اکمال ایلدی.  
 بین العلما متداول اولان آنارینک مشهوری [ ۱۱۵۱ ] تاریخنده  
 [ مصر ] ده تألیف ایتدیکی [ شرح علی اصوالحدیث للبرکوی ] در  
 [ رساله من التفسیر ] [ شرح قصیده نونیه من العقائد ] [ شرح  
 مختصر التهذیب المسمى بتکملة من المنطق والاداب ] [ شرح ایسا-  
 غوجی من المنطق ] [ رساله فی بیان قضاء قدر من الکلام ]  
 [ شرح امثله من الصرف ] کبی آثار سائره سیده واردر.  
 اشبو آناردن اصول حدیث ایله نونیه و امثله شرحلری  
 مطبوعدر. [ ۱۱۶۰ ] کسور تاریخنده [ برکی ] ده احوال ایدرک



علماء مشهوره عثمانیه دن [ برکوی محمد افندی ] مرحومک  
 یاننه دفن ایدلدی . مخدومی عمر افدینکده برابرده مدفون  
 اولدینی سنک مزارندن آکلاشلمقده در .

### ❦ رسول بن صالح آبربی ❦

علم فقهده صاحب اختصاص علمادن بر ذات اولوب آیدینلدر .  
 [ فتاوی عدلیه ] نامیله تألیفکرده سی اولان عربی عبارده بر  
 جلددن عبارت فتاواسی « ۹۶۶ » تاریخده الیوم اقصاره  
 تابع بر ناحیه اولان « مرمره » قاضیسی ایکن جتیمکان - لمطان  
 سلیمان قانونی نک امر و اشارتیه تألیف و ترتیب ایلدیکی  
 « کشف الظنون » ده محرردر . فتاواسی سالنیکده منظور  
 عاجزی اولمشدر . تاریخ وفاتی « ۹۷۸ » ده قبری ازمیرده  
 سید مکرم الدین درکاهنده در .

### ❦ رجب افندی ❦

مشاهیر علمادن بر ذات اولوب منظور عاجزی اولان بر  
 اجازه نامه ده « دیار بکر » لی « آمدی » اولمق اوزره محرردر .  
 مواعظ و اخلاقه متعلق « ۹۷ » باب اوزره مرتب عربی عبارده  
 [ جامع الازهار و لطائف الاخبار ] اسمنده کی اثرینی « ۱۰۶۰ »  
 سنه سنده « تیره » ده جامع عتیق و جدید واعظی ایکن تألیف

ایتدیکنی خاتمه کتابده ذکر ایدیور. « وسیله الاحمدیه والذریعه  
السرمدیه » اسمنده کی ۱۰۸۷ تاریخنده اکیال ایلدیکنی طریقت  
محمدیه شرحی میان علماده متداولدر.

تیره ده بین الخواص دارالحديث جامعی نامیله بنام اولوب  
یکیکجه کوی محله سی جوارنده کائن مسجدک پیشگاه جنوبیسنده کی  
واسع قبرستانده مدفوندر. سنک مزارنده یازی یوقدر.

### ➤ رادوسی زاده محمد افندی ➤

فضلائی ارباب قلمدن برذات اولوب آیائلوغ لیدر. تحصیل  
وتفیضی درس عادتده در. « ۱۱۱۳ » تاریخنده ارتحال ایدرک  
مهماندار جناب پیغمبری حضرت « خالد بن زید الانصاری »  
جوارنده صاحب تاریخ هشت بهشت مولانا ادریس بتلیس نک  
بنا ایتدیردیک ادریس کوشکی دینان محله دفن ایدلدی.  
آثارینک مشهوری ابن خلکان شهرتیه له معروف « ۶۸۱ »  
تاریخنده وفات ایدن قاضی « شمس الدین ابی العباس احمد » ک  
« وفیات الاعیان فی انباء ابناء الزمان » اسمنده کی تراجم احوال  
کتابنک ترجمه سیدر. بوندن بشقه « خمسہ نظامی » بی « خراج  
ابی یوسف » ی « عجائب المخلوقات » ی « دیوان عرفی » دن درت  
قصیده نی ده ترجمه ایلدیکنی کبی کتب متداوله نک بعضیلرینده ده  
حواشی وتعلیقاتی واردر. آثارندن یالکز ابن خلکان ترجمه سی  
مطبوعدر.

## زبی زاده حسین افندی

علوم آلیه عربیه نك ا كثرنده و بتخصیص علم نخوده صاحب  
اختصاص تام بر ذات اولوب بروسه لیدر . [ ۱۱۶۷ ] تاریخنده  
[ آیدین ] ده ارتحال ایلدی . [ صوبجه قپوسی ] اسمنده کی  
قبرستانده مدفوندر . طلبه علومك تسهیل تحصیلرینی موجب  
اولان مطبوع عوامل ، اظهار کافیه معر بلری انارینك  
مشهور لریدر . زیارت ایتدیکم سنك مزارنده یازی یوقدر باش  
طرفنده کی طاشك باشنده خلقهوی بردلیك واردر .

## سنانه افندی

علماء اعلامدن بر ذات اولوب [ مغله ] قراسندن [ لینه ]  
قریه سندندر . علم حدیثدن مشهور مصابیح شریفی ترجمه  
ایله مشدرکه بر نسخہ سی [ مغله ] کتبخانه سنده مطالعه گذارم  
اولدی . بو ترجمه نك [ ۱۰۳۰ ] تاریخنده ختام بولدیغی و مترجمك  
« ۳۰ » سنه کلیولی جـوارنده کی [ بولایر ] ده اقامت ایله دیکی  
ترجمه مذکورده مصر حدر . ترجمه نك نهایتنده کی منظومه  
ابیاتندن بیت آتی درج ایدلدی :

دیار منتشادن درکه لینه خاکیدر خا کم  
حسام الدین فقیه اوغلو سنان آدم ابوالقصیر

## سکونی محمد افندی

فضلاء مشایخند بر ذات اولوب سابق الترجه « شیخ نزولی »  
 افندیکنک مخدوم فضائوسومیدر . مواظظه متعلق اولوب بین العلماء  
 « مجالس » تعبیر اولبان اثرلر وادیسند و فقط محققانه و موشکافانه  
 بر طرزده « بضاعة الواعظین » اسمنده عربی العبارة مفصل  
 و مکمل بر اثریله زمانه قدر موجود اولان « ایساغوجی »  
 شرح لرینک همان کافه سنک محتویاتی جامع اولمغله برابر علاوات  
 و مباحث لازمه ده درج ایدنک شرطیله « جامع الشروح » نامنده  
 عربی العبارة برده « ایساغوجی » شرحی وارد که غیر مطبوع  
 اولان هرابکی اثری ده علوم عالیّه و آلیه ده کی اختصاصه دلیل  
 کافیدر . پدرلرینک ارتحالندن اول طریق حجه وفات ایلدی .

## شمس الدین آبریمی

فضلائی شعرا دن ذوقنون بر ذات اولوب آیدینی در .  
 تحصیلنک بدایتی مملکتنده نهایتی ایرانده در . عودتسنده  
 فاتح سلطان محمد خان حضرتلرینک مظهر تقدیر و انفاتلری  
 اولدی . سلطان مشارالیهک آرزولریله کبار علماء ایراندن  
 عبدالقادر عجمی ایله مباحثانده بولونه رق اثبات فضیلت ایلدی .  
 السنه ثلثه ده انشاد شعره قادر بر شاعر مقتدر ایلدی . مخلصی

نجفی در ۹۰۰، تاریخی حدود دهنده برو سده ارتحال آیتدی .  
علم ادواره داتر تألیف قیمتداری اولدینی ترجمه شقایقده  
مندرجدر .

### صوبجه لی محمد افندی

زمره مؤلفیندن بر ذات اولوب آیدین نواحی سندن  
صوبجه لیدر . ناحیه مذکورده قراسندن «دهده» قریه سنده  
مدفوندر «شرح اظهار المسمى بفتح الاسرار» «شرح مقصود»  
«شرح کفایة المبتدی» کبی آناری اولدینی قره باش زاده از میرینک  
اثرنده محرردر .

سنگ مزارنده محرر عبارده بروجه آتیدر:  
زیارتدن مراد اولان دعا در  
بوکون بکا ایشه یارین سکادر  
مرحوم و مغفور شیخ محمد افندی روحنه فاتحه

سنة ۱۱۶۱

### صاری ابراهیم افندی

اتی الترجه (چاقر احمد زاده) مرحومک الک بنام مجازلرندن  
اولوب (آیدین یکی بازار) ننددر. (اوده مش) ده اکال تحصیلدن  
سکره (آیدین) ده نشر و افتا ایله امرار حیات جاودانی ایلدی .



(۱۳۱۲) تاریخ‌نخده ایفای حج شریفدن صوکر (مدنیة منوره‌یه) برقوناق مسافده واقع (بئر الماشی) نام محله رحمت رحمانه مقارن اولدی. دو قوز دفعه اعطای اجازه‌یه موفق اولان افاضلندرد. (جلال و امکان کذبویلرینه) عقائد (عصامنه) تعلیقاتیه تورکجه (استعاره) رساله‌سی واردر که جمله‌سی غیر مطبوعدر.

### طواسی علی افندی

علوم عربیه‌نک باخصوص فقه شعبه‌سنده صاحب اختصاص بر ذات اولوب «طواس» قضاسنک مرکزی اولان «یاران کومه» قصبه‌سده بر ساعت مسافده واقع «اوزون بونار» قریه‌سندرد. (مجمع النقول عن علماء الفحول) اسمنده بر جلد کبیر اوزره مرتب علی العبارة منقولاتی محرر تورکجه فتاواسنک بر نسخه‌لری طواس مقیتسی افندی ایله «قلعه طواس» منظورم اولدی. «اوزون بونار» ده زیارت ایتدیکم سنک مزارنده یازی یوقدر. انجق فتاواسنک «۱۱۶۱» تاریخ‌نخده یازلدیغنه کوره او تاریخ رجالدن اولدیغی اکلاشیلور.

## طاط زاده حسین افندی

علماء اعلامدن بر ذات اولوب قره عثمان زاده لر طرفدن «تیره» دن « مغنيسا » یه جلب ایدلمشدر . الی آخر العمر مغنيساده نشر علمله مشغول اولدی . « ۱۲۱۴ » تاریخنده ارتحال ایدرهك (پاشا مزارانی) دینلن قبرستانه دفن اولندی . (جلال حاشیه سی) (قاضی اوزرینه عم حاشیه سی) ( مختصر منتهی حاشیه سی ) ( قاضه میر حاشیه سی ) و سائره کی آثار علمیه سی واردر . حواش مذکورہ « مغنيسا » ده ( مسلم جامعی ) مدرسه سی کتبخانه سنده منظور عاجزی اولدی .

## عبدالله بن يوسف بن محمد بن بحشی الکنتلی

علوم عربیه نك تخصیص علم لغت شعبه سنده صاحب احاطه بر ذات اولوب « آیدین » سنجائی ملحقانیدن « نازللی » قضاسی قراسندن ( کستل ) قریه سندندر . یازمه برنسیخه سی سلانیکده ساعتلی جامع شریف کتبخانه سنده منظورم اولان ( مرقات ) اسمنده تورکجه بر جلد کبیر اثر لغوی سنده کی لغاتدن ۱۴ بیکنی صحاح جوهریدن ۱۶ بیکنی قاموسدن آلدیغنی مقدمه ده ذکر ایله یور . آثار مهمه لغویه مزدن اولان بو اثرک اهمیت مستغنی تعریف و ایضاحدر .

## عبدی محمد افندی

بر محزن گزین علوم اولان بو ذات عالی ( تیره ) ده زیور  
بخش مهد وجود اولمشدر . مملکتی علماسندن مبادی فنونی  
تحصیل ، اصول و فروع معلومه یی تکمیل ایتدیکدن صوکر  
معلم عطاء اه افندیدن ملازمتله توفیر نصیبه فضیلت ایدرک بایندرده  
حاجی سنان مدرسه سینه یکر می بش اچیه ایله مدرس تعیین  
قلنمشیدی . بوائنده شهرت علمیه می کیتدکجه انتشار ایدیور .  
مراتب صوری ده دخی ترقی ایلوردی . طقوز یوز طقسان  
سینه سنده قرق اچیه معاشلی برمدسه یه طالب اوله رق صدر اناطولی  
زکریا افندی حضـورنده ادهم زاده شیخی ، قرمانی زاده  
محمد افندی لرله امتحان اولمشدر ، جمله سی ده اثبات لیاقت واقتمدار  
ایتمشوردی . فقط صاحب ترجمه برمدت صوکر بومسلکدن  
فراع واختیار عز لته تعلیم علوم و تالیف آثاره سلوک ایلش  
ایسه ده تالیفات فاضلانیه سیله کوسـتردیکی علوم معلومات واحاطه  
ونشر علوم خصوصنده ابراز ایلدیکی خدمت مبروره سی من  
کل الوجوه مکافاتنی ایجاب ایتدیرمکه تیره ده کی ابن ملک مدرسه سی  
بروجه تقاعد کندی لرینه توجیه ایدلدی . ایشته بوججه له  
تدریس ایله اشتغال وافاضه آب زلال فضل و کمال ایله احیای

ایام و لیلاید رکن بیک اون التی تاریخنده عالم ابدی یه ارتحال  
ایتمشلدرد . باشلیجه اثار فاضلانهلری بروجه آتیدر :

(۱) نصف قرآنه قدر تفسیر شریف

(۲) شرح کلستان

(۳) شرح وردستار

(۴) علم معانیدن منقحات مشروحه

(۵) اصول فقهیدن بر متن متین

(۶) مختار صحاح طرزنده بر لغت

(۷) تلخیص طریقت محمدیه

(۸) تلخیص روضه العلماء

(۹) شرح ملتقی

(۱۰) نتایج الاذهان من الکلام بر نسخه سی (قصبه) کتبخانه سنده

منظورم اولدی .

(۱۱) حقایق الاصول بر نسخه سی ( آق حصار ) کتبخانه سنده

منظورم اولدی .

بونلردن بشقه رسائل متنوعه سی و اثار طبیعت شعریه سی

واردرد . مخدومی ( نوشی احمد ) افندی ده فضـلادن بر ذات

اولوب قصیده طنطرانیه یه نظیره سی واردرد بو ذات عالیدن بشقه

علماء عثمانیه ایچنده کی ملتقی شارحلرندن بعضیلری :

(۱) (۹۶۴) ده وفات ایدن سلیمان بن علی القرمانی

(۲) (۱۰۳۴) ده وفات ایدن شیخ خلیل رسولالاسینولی الاچمه چایی

(۳) (۱۰۳۴) ده وفات ایدن بوستان زاده محمد افندی

(۴) (۱۰۴۸) ده وفات ایدن اسماعیل بن سنان سیواسی (درد  
جلد در)

(۵) (۱۰۵۲) ده محمد بن احمد ابی السعود الصدیق المناستری  
اسمی (منه‌ی الانهر) در .

(۶) (۱۰۵۵) ده وفات (حلیج البحار) مؤلفی قصاب زاده  
محمد المنیفی

(۷) (۱۰۶۸) ده وفات ایدن (عیدالرحیم مرعشی)

(۸) (۱۰۸۷) ده وفات ایدن عبدالرحمن خضالی

(۹) (۱۱۳۵) ده وفات ایدن شیخ (اسماعیل حق)

خلفاسندن شیخ وحدتی عثمان افندی

(۱۰) (۱۱۶۵) ده وفات ایدن محمدالازمیری

(۱۱) (۱۱۷۰) ده وفات ایدن محمد بن یوسف

(۱۲) (۱۱۰۰) ده وفات ایدن داماد عبدالرحمن بن شیخ محمد

(۱۳) (۱۱۰۱) ده وفات ایدن شیخ نیازی مصری

خلفاسندن مصطفای عشاقی

(۱۴) (۱۱۸۰) ده وفات ایدن سید حسن بن علی القیصری

(۱۵) (۱۱۱۵) ده وفات ایدن عبدالنافع قریمی

(۱۶) (۱۰۶۵) ده وفات ایدن موقوفاتی محمد افندی

(۱۷) (۱۱۷۰) ده وفات ایدن یایا باشی امامی محمد افندی

(۱۸) (۱۱۰۵) ده وفات ایدن ادرنه‌لی مرتضی افندی



- (۱۹) (۱۱۲۷) ده وفات ایدن دیور یکلّی عبدالرحمن پاشا  
 (۲۰) (۱۰۹۳) ده وفات ایدن مصطفی بن عمر اسکداری  
 (۲۱) (۱۲۲۷) ده وفات ایدن فیض‌اه بن ولی‌الدین الطرسوسی  
 ثم‌الدبره‌وی  
 (۲۲) قوشاقچی زاده [ (۱۱۵۲) ده وفات ایدن بروسه‌لی  
 قوشاقچی زاده محمد ده‌ده‌نک اوغلیذر . ]  
 (۲۳) (۱۰۱۴) ده وفات ایدن علی بن شرف‌الدین الشهیر بظریفی  
 (۲۴) (۱۱۲۰) ده وفات ایدن اعرج زاده احمد افندی  
 (۲۵) (۱۱۴۰) ابوبکر بن احمد از میدی  
 (۲۶) (۱۰۶۸) حافظ مصطفی افندی بن محمد

❦ عبدالکرم آق‌مصارى ❦

کبار علماء و مشاهیر منشیانندن بر ذات اولوب علماء  
 مشهوره‌دن « آق حصارى سنان » افندینک فرزند ارجمندیدر.  
 تحصیلى استانبول علماسیندن بعدالاکمال « مصره » عزیمت‌له  
 متخصصین علم قرائتدن ( شیخ علی مقدسى ) دن علم قرائت  
 و مفسر و محدث مشهور ( بدرالدین قرافى ) دن علم حدیث  
 و تفسیر اجازه‌لرینه موفق اوله‌رق عودتنده نشر و تدریسه  
 باشلادی . بعده « حاب ، مصر ، غلطه » مولویتلرنده ایضای  
 وظائف شرعیه ایلدی . « ۱۰۳۸ » تاریخنده در سعادته ارتحال

ايدرك « ادرنه قیوسی » خارجنده پدری یانسه دفن ایدلدی .  
 ( شقایق نعمانیه ) ذیلی مقامنده اولمق اوزره تألیفه خامه ران  
 فضیلت اولدیغی عربی العبارة ( و فیاتی ) اخیراً ترجمه  
 ایشلشدی . برده یازدیغی مختلف المآل مکاتیبندن مرکب دکرلی  
 بر ( منشا آتی ) واردر .

### عالم محمد بن حمزه صاحب امر زاده

علوم عالیّه عربیه نك اكثر نده بالخاصه فن جلیل ( فقه ) ده  
 صاحب ید طولی بر ذات اولوب ( آیدین ) لیدر . مدت مدیده آیدین  
 مفتیلکنده ایفای وظائف شرعیه ایلدی . تاریخ ارتحالی  
 سنك مزارنده « ۱۲۰۴ » اولمق اوزره منقوشدر . ( زین زاده )  
 مرحوم قارشیسنده یول کنارنده مدفوندر . قربنده « آیدین »  
 علماء بنامندن « ۱۲۵۳ » تاریخنده وفات ایدن ( سجودی  
 ابراهیم ) افدینك قبری مشهوددر . اناری رسائل  
 طرزنده اولوب قسم اعظمی فقهه عاندر . بعضلرینك اسملری  
 بوجه آتیدر : ( رساله فی بیان احکام جمعه ) ( طلاق ثلاث )  
 ( مصرف الزکات ) ( المسح علی الحفین ) ( احکام الشهید )  
 ( الدود فی الطعام هل يأكل ) ( القدر المسنون فی اللحية )  
 ( احادیث موضوعه ) ( تعریف الطلاق ) ( رساله الجمع ) ( فی مسألة  
 الفیل ) در . « ۴۸ » رساله یی حاوی بر مجموعہ سی ده « مغنیسا » ده

(حاجی حسین اغا) کتبخانه‌سنده منظور عاجزی اولدی. آتی  
الترجمه خواجه عبدالرحیم افندینک بیوک برادرلری (پالایق)  
مرحومک استاد اکر میدر.

## عطاءاه محمد افندی (شیخ الاسلام)

مشایخ اسلامیه‌نک تراجم احوالی مبین اولان «دوچه  
المشایخ» ایله متأخرین شعرای عثمانیه‌نک تراجم احوالی معین  
اولان «تذکره فطین» ده محرر اولدینی اوزره صاحب ترجمه  
محمد عطاءاه افندی شیخ الاسلام اسبق اسعد افندی زاده محمد  
شریف افندی مرحومک صلبیدن (۱۱۷۳) تاریخنده کهواره  
زیب وجود اولوب (۱۱۸۵) سنه‌سنده طریق فیض رفیق تدریسه  
داخل و (۱۱۹۷) ده غلطه مولویته نائل اولدقدن صکره  
(۱۲۰۴) ده ادرنه مولویته پایه‌سنی احراز و (۱۲۰۶) ده مکه  
مکرمه مولویته مظهریتله عزم جانب حجاز ایلوب بعدالعوده  
(۱۲۰۸) ده قضای دار خلافة العلیة علاوه‌سیله خدمت مستوجب  
المفیخرت قضایه مأمور و (۱۲۱۳) ده آناتولی (۱۹) ده روم  
ایلی قاضی عسکرلکی پایه معتبره لرینه نائلیتله وایه دار شادی  
و حبور بیوریلوب (۲۱) ده لابس لباس فتوی و (۲۲) ده  
مفارقت و ایرتسی کونی ثانیاً جای والای مذکوره مقارنتله  
کامران بیورلمش (۲۳) ده معزولاً «بیک» ده‌کی ساحل‌خانه‌سنده

عبادت رب قدیر ایلہ مشغول ایکن آرپالنی اولان « آیدین  
 کوزلحصاری » کندیسنه جای و ماوی قیلنوب (۱۲۳۶) ده عازم  
 دار ماوی اوله رق اسکی یکی جامع شریف خضیره سنده استادی  
 آتی الترجه « خواجه منیب » افندی یاننده ودیعه خاک فنا  
 قیلندی . مشارالیه السنه ثلاثه ده انشاد نثر و نظمہ مقتدر بر ذات  
 معارفسمات اولوب تفسیر بیضاوی یه ناتمام ترکی عبارتہ حاشیہ سی،  
 برهان قاضی کاتبانہ تقریضی، عقائد و هابیه نک رد و ابطالنه دائر  
 قاضی عسکر علی زاده افندینک رساله سنہ شرحی ، منشآتیلہ  
 مرتب دیوانی اولدینی کبی فتاوی معرفت و دن « بهیجہ » و « نتیجہ »  
 ایلہ « فیضیه » نک الفاظ و عباراتی تلخیص و تنقیح و « مـلا  
 علی القاری » نک « مناسک حنفی » اختصار ایلشدر .

### عبدالله تبرہوی

علوم عربیہ ده اکتساب رسوخ ایلہین علمدان اولوب  
 « تبرہ » لیدر . فرائضدن (سراجیہ) یه ( فوائدسراجیہ ) نامیلہ  
 مکمل بر شرحی (و عملوا الصالحات ) آیت کریمہ سنده کی صالحات  
 کلمہ سنک مفعول مطلق اولدیغنه قائل اوله رق صرف ، نحو، وضع  
 کلام ، حکمہ ، الہی ، معانی ، اصول علملرینہ تطبیقاً شرحہ  
 دائر رسالہ سیلہ ( رسالہ فی کرامۃ بنی آدم ) ( رسالہ فی قوله تعالی

المال والبنون زينة الحياة الدنيا ) ( رساله في الاختلافات في العقل ) ( رساله في كلمة دون ) ( رساله في حديث احب الكلام الى ام سبحان او الحمداه ) ( رساله في لا اله الا الله ) ( رساله في حديث اخر ما يخرج من قلوب الصديقين حب الجاه ) ( رساله في الحضر والالياس ) ( رساله في العلم ) ( رساله في قوله تعالى انا نزلنا اسمعزنده رساله لري واردر . لسان تصوفهده واقف اولدقلى اثرلرندن استدلال اولتمقدهده . بو ولايت مشاهير علماسندن اوده مشلى ( چاقر احمد زاده ) بداية صاحب ترجمه دن تعلم ايشدر . ۱۲۴۹ تاريخنده « تيره » ده ارتحال ايله دى . استاسيوندن حكومته كلن يول اوزرنده كى اوافق قبرستانده مدفوندر . سنك مزارنده عبارء آتیه محكوكدر : « مصنفندن تيره وى السيدى عبده زهدى روح شريفلىرینه فاتحه اهدا اولنه سنه ۱۲۴۹ » .

« ۱۲۵۵ » ده وفات ایدن مخدومى احمد افندي دى ده ياننده مدفوندر .

### عبدالرحيم افندى « فواجمه »

پای تخت خلافت اسلامیه مشاهیر علماسندن « پالا بيق » شهرتيله بنام « مغله » نواحيسندن اوله لى محمد افندى مرحومك برادر فضيلتمنديدر . اكال تحصيل واعطای اجازيه موفقيتندن صوكره بر مدت سراى هايون معلملكنده بولندى . بعده



«فاتح» مدارسندہ عز لنکزین اولہرق تالیف و عبادتہ امرار  
 حیات ایلدی . (۱۲۵۲) تاریخندہ ارتحال ایدرہک ادرنہ قیوسی  
 خارچندہ فقہادن «ابراہیم حلبی» مرحومک یانہ دفن ایلدی .  
 علامہ «علی قوشچی» نک علوم عربیہ نک ہان ہر شعبہ سندن  
 باحث اولان «عقودالزواہر» ینہ مکمل و مطبوع بر شرحیلہ  
 بعض کتب متداولہ یہ تعلیقاتی واردر . مخدوم فضائل موسوی  
 اسبق منجم باشی «عثمان صائب» افندی دہ ارباب معارفدن بر  
 ذاندہر . (۱۲۵۲) تاریخندہ باصلمش «احکام الامراض» اسمندہ  
 ترجمہ بر اثر طینی واردر .

### علی مجاہدی «بورغانچی زادہ»

علماء مشہورہدن بر ذات الوب «دکزیلی» دندر (شرح  
 عروض اندلسی) ایلہ (شرح شاہدی) کبی آثاری اولدینی  
 دکزیلی دہ تحقیق ایلدی .

بیک ایکویوز الی اوچدہ رحلتی  
 وفاتی سنک مزارندہ محرر شو: فاتحہ ہم سورہ اخلاص بخوان  
 تاریخندہدر . آتی الترجہ یایا کوبلی حاجی احمد افندی باشلیجہ  
 مجازلرندندر .

(دکزیلی) نک براسمی دہ (لاذقیہ) اولدینی سیاح مشہور  
 (ابن بطوطہ) نک (تحفہ النظر فی غرائب الامصار و عجائب

الانظار) اسمندہ کی سیاحتنامہ سنک برنجی جلدینک ایکوز  
اون یدنجی صحیفہ سندہ و ترجمہ شقایق دہ مرکز افندی بخشدہ  
مصر حدر اساساً لاذقیہ نک اسمی دہ دکزلی یہ بر ساعت مسافہ دہ  
الیوم خرابہ جسیمہ سی مشہود اولان قدیم (لاؤدیقا)  
شہرندن آئندہ در .

### عثمانہ عبدالمطامہ افندی

علما و مشایخ نقشبندیہ دن بر ذات اولوب (صندوقلی)  
قضاسنک (شیخلو - چیوریل) ناحیہ سندندر . علوم رسمیه یی  
پدرندن تحصیل ایدرک درس عادتہ عزمتلہ سیوری حصار یی  
عثمان افندی دن انابت واخذ اجازتہ موفق اولدی . بو آراق  
«دکزلی» یہ عودتلہ مقدمات «دکزلی» دہ اختیار اقامت  
و (۱۲۷۲) تاریخندہ دارعقبایہ رحلت ایدہرک (درہ تکیہ)  
نام محلہ دفن ایدیلن خلفای نقشبندیہ دن (شیروانی حاجی احمد)  
مرحومک کریمہ سنی تزوجلہ مقامنہ قائم اولہرق تدریس و ارشادہ  
باشلادی .

۱۳۰۱ تاریخندہ ارتحال ایدہرک قائن پدری یاننہ دفن  
ایدلدی . (شرح علی قصیدۃ المعشرات للشیخ الاکبر) المسمی  
(بماوی الرغائب فی مجد النصائح) (ترجمہ مفتاح المعیة فی طریقة  
النقشبندیہ) (خلاصۃ المنطق فی شرح تہذیب المنطق) اسملرندہ کی

مطبوع و (ایها الاخوان) (مجلس عیدین) (رساله نطقیه)  
اسم‌ننده غیرمطبوع آثاری واردر.

### غواص افندی

علوم عربیه ده اکتساب رسوخ ایلین فضلادن اولوب  
(سوکه) لیدر. بعض مرویاته کوره مخلصاری (خواص) در.  
اظهار شارحی (اطهلی) مرحومک استادی اولدینی جمله  
زیاوآندندر. (سوکه) ده مدفون اولوب سنک مزارنده یازیدن  
اثر یوقدر آثارندن علم فقهدن (ملتی) و علم نحوذن (کافیه  
شرحی) اولدینی مرویدر.

### قره بای

علوم عربیه متخصصلرندن برذات اولوب «آیدین» لیدر.  
درسعاده کیدرک (خطیب زاده) و (سنان پاشا) کبی افاضلدن  
تکمیل تحصیل ایلدی (۹۲۵) تاریخنده ارتحال ایده رک (زیرک)  
جوارنده (خیرالدین پاشا) حامی قربنده بنا ایتدیکی مسـجد  
خزیره سنه دفن ایلدی. فنون مختلفه دن باحث اولوب بین العلما  
(قره سیدی) سـؤاللری نامیله معروف اساله مختلفه یه اجوبه  
مفصله تحریر ایتدی.

## قوش اطه لی شیخ مصطفی بن عمره

علوم آلیه متخصص لرندن اولوب « قوش اطه » سندندر.  
 بین العلما معروفیتنه بادی اولان ( برکوی محمد افندی )  
 مرحومک ( اظهار ) ینه « ۱۰۸۵ » نارینخنده یازدینی ( نتایج  
 الافکار ) اسمنده کی شرحیدر که مولداً ( طربزونی ) موطناً  
 آماسی اولان مصطفی افندی طرفندن ( منافع الاخیار ) اسمیله  
 و مولداً « آخسرخهوی » موطناً استانبولی مصطفی بن دهده  
 طرفندن ده ( غایة الانظار ) اسمیله تحشیه و طبع ایدلمشدر.  
 برکوی مرحومک ( امتحان الاذکیا ) سنی ده تحشیه ایلشدر.  
 « قوش اطه » سنده مدفوندر. سنک مزارنده یازی یوقدر.

## قوش اطه لی شیخ احمد افندی

سابق الترجه اطه لیک مقتدر تلیدلرندن اولوب ( قوش  
 اطه ) لیدر . شدت زکاسندن ناشی ( کسکین ) اقبیله بنام  
 ایدی . ( برکوی محمد افندی ) مرحومک علم صرفندن ( کفایة  
 المبتدی ) سنی علم نحو دن ( عوامل ) فی شرح ایلشدر که هر  
 ایکسی ده مطبوعدر . علم حدیثندن ده برتری اولدینی مرویدر.  
 قوش اطه سنده ( پاشا چشمه بی ) دینیان محله مدفوندر .

## قره تپه لی

علوم آلیه ده کسب اختصاص ایدن علمادن اولوب ( ابن قره تپه لی ) شهرتیه بنامدر . ( آیدین ) قراسدن ( قره تپه ) قریه سندن در . اسمی ( حسن بن مصطفی ) اولوب اکال تحصیلدن صوگرا برمدت مفتیلکده ایفای وظائف شرعیه ایده رک بعده ( اطنه ) یه هجرت مؤخرآ مسقط رأسه عودت ایله یوب ( ۱۱۹۱ ) تاریخنده رحلت ایتدی . ( قره تپه ) ده مدفوندر مولانا ( محمود انطاقی نک بین العلماء متداول اولان ( استعاره ) رساله سنه واقفانه بر شرحیه برده ایریجه تعلیقاتی واردر که هراکیسیده مطبوعدر . بونلردن باشقه فنون سائرهدن باحث غیر مطبوع اناری ده اولدینی موثوقاً مروی در . تفسیر قاضی نک بر قسمنه حاشیه سی واردر . محمد حلمی اطنه پازاری نک حاشیه سنده برمدت اطنه ده توطن ایله دیکی مذکوردر .



## قبر لی حسن زاده حاجی مصطفی مهدی افندی

مظنه کرام و فضلا ی بنامدن بر ذات اولوب ( اوده مش ) لیدر . « قونیه » مفتیسی اولان افاضل نقشیه دن ( عبدالاحد ) افندیدن « ۲۱۶۴ » تاریخنده علوم رسمیه وسلوک نقشبندیه اجازه نامه لر یله مشرف اولدقدن صوگرا « از میر » ده اختیار اقامت و افاده



علمیه لر یله طالبین علم و عرفانی نائل فیض و فضیلت ایله یوب « ۱۳۰۸ »  
 تاریخنده داربقایه رحلت ایتدیلر . « کمر » قبرستاننده دفین  
 خاک مغفرتدر . مرحوم مشارالیهک حافظه لر یله احاطه علمیه لر ی  
 تسلیم کرده خواص و عوام اولدینی کبی اتقا و مجاهده لر ی ده  
 مسلم انام ایدی . بعض آیات کریمه نک محاکمه لی بر صورتده  
 تفسیر لرینی مبین اولوب ( تعیرات قرآنیه ) اسمیه مسمی مطالعه  
 گذارم اولان غیر مطبوع رساله لر ی علم و فضلارینک شاهدیدر .  
 بوذاتک یاننده « از میر » جه مظنه دن بولونان بروجه اسامی  
 ذوات مدفوندرلر :

- « ۱۲۰۵ » ده وفات ایدن شیخ زکریای قریمی  
 « ۱۲۳۹ » ده « ( اخوین شهرتیه ) بنام شیخ  
 ابراهیم از میری .  
 « ۱۲۴۵ » ده وفات ایدن ناطور زاده شیخ احمد افندی .  
 « ۱۲۶۵ » ده « زغره وی احمد فاتح افندی .  
 « ۱۱۵۰ » تاریخنده محرو نسخه سی « الاشهر » ده ( شیخ  
 سنان ) کتبخانه سننده منظورم اولان ( تذکرة الابواب ) اسمنده کی  
 « بناء » شارحی ( حسن بن محمد بن حسن ) افندیده اوده میشدن  
 یتیشن علمادندر .

محمد محی الدین کافیه صی « کافیه صی »

ابو عبداه محمد بن سلیمان بن سعد بن مسعود

﴿ رومی حقی ﴾

متبحرین فضلادین بریکانه علم و کمال اولوب (۷۸۸) تاریخچه ده برغمه « ده مهد آرای شهود اولمشر . تفسیر ، حدیث ، فقه ، اصول ، منطق ، نحو ، هیأت و علوم سائرده ید طولی ده حی اولدیغنه یازدیغی آثار مدققانه شاهد عادلدر سیوطی کبی بر علامه روزکارت استاد فضائلندی اولدیغی سونلک وصف کانه دائر بشقه سوز ایرادینه حاجت بر اقاماز .

مولانا سیوطی ( طبقات النحاة ) نده اون درت سنه صاحب ترجمه نك مجلس علمنه دوام ایلدیکنی و هر دفعه سنده هیچ ایشتمه مش اولدیغی دقایق و غوامض علمیه استماعی صورتیله پک زیاده استفاده و استفاضه ایتدیکنی یازیور . حتی بر مصاحبت علمیه اناسنده سیوطی به ( زبانه ) ترکیب نك اعزانی سؤال ایدر . مولانای مشارالیه علم نخوده مبتدیلرک بیله کمال سهولتله حل ایده بیله جککری بویله بر سؤالک ایرادینی ، عادتاً مقصود استحفاظه حمل ایتک ایسته یه رك تأثر و انفعالی کتم ایلده مز . او فاضل حقائقین ایسه بو تأثره انتقال ایله بو جمله ده یوزاون

اوج مبحث اولدینغی در میان ایدنجه سیوطی بیان حیرتله بو  
 مباحث غامضه بی ایشتمدکجه مجاس علمکزدن قالقمق احتمالی  
 یوقدر جوابیله ایضاحات نیازنده بولنور . صاحب ترجمه ده بوکا  
 دائر یازمش اولدینغی رساله سنی ایراد ایدرک سیوطی مرحوم  
 کاملاً استنساخ ایشدر . مبادی علمی مملکتنده بعدالتحصیل  
 نزید کالات ، توفیر معلومات ایچون طریق سیاحتی اختیار ایله  
 آناتولی ، ایران ، آسیای وسطایی دور ایلوب بر چوق اعلام  
 علما و افام فضلایله ملاقات ایشدر . از جمله مولانا شمس الدین  
 فناری ، مولانا ابن ملک ، مولانا برهان الدین حیدر ، مولانا  
 واجد ، حافظ الدین ابن بزاز ایله کوروشه رک مصاحبات  
 علمیله لرندن حصه دار فواید اولمشدر . ملوک مصریه دن اشرف  
 پرسبای [۳] زماننده مصر قاهره یه کیدر مک فضلای مملکته  
 مصاحبات و مباحثات علمییه کیرشمش و جمله سی قدرت علمییه سنی  
 شهرت شایعه سنه فائق بولدق لرینی اعتراف و پرستشکاران علوم  
 تدریسات فاضلانه سندن استفاده یه شتاب ایتدیلر . ذکر اولنان  
 اشرف پرسبای مولانای مشارالیه فوق العاده اعزاز و اکرام  
 ایش و مشیخت شیخونیه بی توجیه ایشدر . صاحب ترجمه  
 علوم متنوعیه دائر بر چوق آنار یازمش ایسه ده قسم اعظمی  
 عندالایجاب رسائل مختصره صورتنده تحریر ایش و ضبط  
 و محافظه لرینه تقید ایلامشدر . حتی سیوطی طبقات نحاتنه درج

ایتمک اوزره کندیسندن اسامی مؤلفه سنی ایسته مش ایسه ده  
آثارینک اسامیسنی اونوتمش اولدیغی ، تعدادینه مقتدر  
اوله میه جنی جوابی آمشدر. عزیز مشارالیهک عرفای صوفیه  
واصحاب صدق وصلاحه محبتی ، ارباب جهل و ضلاله نفرتی وار  
ایدی . اکثر اطواری لاقیدانه اولوب دنیا به میل والتفات یوق  
ایدی . سکیز یوز یتیم طقوز سنه سی شهر جمادی الاولیسنک  
دردنجی کیجه سی تارک حیات مستعار و عازم دارالقرار  
اولمشدر . رحمه الله

عصری فضلاسندن شهاب الدین منصور :

بکت علی الشیخ محی الدین کافیه جی

عیوننا بدموع من دم المہیج

مطلعی حاوی مرثیه سیله تأثرات عمومی تصویر ایتمک  
چالشمشدر. مشارالیهک کافیه جی شهرتیه اشتہاری ابن حاجب  
مرحومک فن نحو دن ( کافیه ) نام اثر دقیقنی پک چوق دفعه  
تدریس ایلمی سبب اولدیغی امام سیوطی مرحوم ( لب اللباب  
فی تحریر الانساب ) نده بیان ایلمشدر .

مؤلفات فاضلانہ لری پک متنوع اولوب بعضیلری شونلردر :

(۱) التیسیر فی علم التفسیر

(۲) انوار السعادة فی شرح الکلمة الشهادة

(۳) تشریح مسألة الاستئنا

(۴) الاشراق فی مراتب الطباق

- (۵) شرح قواعد الاعراب
- (۶) سيف القضاة على البغاة
- (۷) شرح الاسماء الحسنى
- (۸) مختصر في علم الحديث
- (۹) شرح العقائد العضية [ب۰]
- (۱۰) الفرح و السرور في بيان المذاهب
- (۱۱) تزهة الارواح و غبطة الاشباح في التصوف
- (۱۲) وجيز النظام في اظهار موارد الاحكام
- (۱۳) شرح تهذيب المنطق و الكلام
- (۱۴) منبع الدرر في علم الاثر
- (۱۵) منازل الارواح
- (۱۶) عقد الفرائد
- (۱۷) المختصر المفيد في علم التاريخ
- (۱۸) حل الاشكال في مباحث الاشكال في الهندسه
- (۱۹) تفسير الايات المتشابهات
- (۲۰) تزهة الاخوان في تفسير قوله تعالى «يا لوط انارس ربك ...»
- (۲۱) تزهة العرب في المشرق و المغرب
- (۲۲) زيد قائم، جمله سنه دائر يوزاون اوچ بحثى حاوى رساله

[۳۰] علامه جلال الدين دوانى ايله علماء عثمانيه دن ( ۱۱۶۰ )  
تاريخنده وفات ايدن سيد مصطفى آنقره وى (۱۱۳۴) ده وفات ايدن  
شهري سليمان فاضل طرفلرندن دخى شرح اولمشدر .



- (٢٣) ترغيب في كشف رموز التهذيب  
 (٢٤) معراج الطبقات ورفع الدرجات لاهل الفهم والثقات  
 (٢٥) قبلة الارواح  
 (٢٦) الكافي الشافي  
 (٢٧) النزهة في روضة الروح و النفس  
 (٢٨) قرار الوجد في شرح الحمد  
 (٢٩) سيف الحمد و النصره  
 (٣٠) حسن الختام للمرام  
 (٣١) انس الانيس في معرفة شان النفس النفيس  
 (٣٢) رساله مستقله بعلم النفيس و وجوه القراءات  
 (٣٣) الهداية البيان الخلق و التكوين  
 (٣٤) زين الفرح بميلا دانيبي سيد الانام  
 (٣٥) نيل المرام  
 (٣٦) كشف النقاب للاصحاب و الاحباب  
 (٣٧) الكافي في بيان الصف المستطيل جداً  
 (٣٨) رمز الخطاب برشح العباب

کتاب کسبى مصلح الدين

ا کابر علماء عثمانیه دن بحاث ، فاضل بر ذات اولوب (آیدین)  
 سنجاغی مضافتندن ( نازلی ) قضاسی قراسندن ( کستل )

دندر . بدایت تحصیلی ( آیدین ) نہایتی ( بروسه ) ده مولانا  
 ( خضر بك ) مرحوم دندر . اكمال تحصیلدن صوکر امیر  
 مشارالیه دانشمند اولدی . بو وسیله ایله بکک معیدلری اولان  
 خیالی وخواجه زاده ایله براتشهرک مصاحبه علمییه قویولدی .  
 بعده ( مودورنی ) و ( دیمه توقه ) مدرسلکرینه دها صوکره  
 ( فاتح ) طرفدن بنا اولنان مدارس ثمانیدن بر پک مدرسلکنه  
 تعیین اولندی . بوندن صوکره درسعادتده ترقی و تفیض ایدرهک  
 قاضی عسکر لکله بکام اولدی . ( ۹۰۱ ) تار یخنده ارتحال ایلوب  
 حضرت خالد قربنده کی ( میت قویوسی ) دنیان محله دفن  
 ایدلدی . ( شرح عقائده حاشیه سی ) ( جهت قبله یه متعلق  
 رساله سی ) ( مواقفک یدی ماده سنه تعلیقانی ) ( حاشیه عضده  
 حاشیه سی ) ( صدر الشریعه نك مقدمات اربعه سنه حاشیه سی )  
 واردر . قاضی عسکر لک رتبه علمییه سنک روم ایلی وانا طولی  
 کی ایکی اولمسی زماننده واقع اولمشدر .

### کلبوی اسماعیل افندی

« آیدین » ولایتک « صاروخان » سنجانی صاحب قانندن  
 « قرق اغاج » قضاسی نواحیسنندن « کلبه » ناحیه سنندن اولمشندن  
 ناشی « کلبه وی » شهرتیه شهرتشعار اولان محقق ذوفنون  
 ( اسماعیل افندی ) مرحوم حقنده « قاموس الاعلام » ده

مندرج شو: [کلبوی متأخرین علماء عثمانیه دن اولوب کلبه لیدر.  
علم آداده مؤلفک اسمیه معروف کوزل برمتنی واردر. ترجمه  
حاله دسترس اولنه مدی.]

عباره فاضل مشارالیهک بالوجوه بیلنمسی لازم کلن ترجمه  
حاله کافی اولمادینی آشکار اولدیغندن بوبابده کی مقصدی تأمینه  
کافی اولوب زمانمزدۀ منتشر «اسلاف» اسمنده کی اثر قیمتدارله  
منتشر ترجمه حالی عیناً درج و ایراد و یالکیز «تسالی» قطعه سنده کی  
«یکیشهر» ده سنک مزارنده محرر اولان شو: «سابقاً  
یکیشهر قاضیسی افضل المتأخرین عمدة المصنفین مرحوم و مغفورله  
کلبوی اسماعیل افندی روحی چون فاتحه» عباره ایله اسمی  
مؤلفاتنه دائر تتبعات ناچیزانه نتیجه سی اوله رق دسترس  
اوله بیلدیکم آثاری علاوه ایدلدی.

ولادتی «۱۱۴۳» تاریخنده در. آبا و اجدادی (کلبه)  
قصبه سنده مفتی و مدرس اوله رق نشر علوم ایده گلشیرلر ایکن  
بدری محمود افندینک و فاتنده کندیسلی مانند دریکتا آغوش  
مادرده یتیم قالمقوله تحصیل علومه مبادرت ایده میوب برکون  
اقرانیله سوقاقدۀ جوز اوینارکن پدرینک اصدقاسندن بری  
کورددکه «حیف، سکا که آبا و اجدادک فضل و کلات ایله  
موصوف ایکن سن بویله سوقاقلرده خائب و خاسر لهو و لعب  
ایله مشغول اوله سین» دیمه سندن کندیسنه زیاده عارلاحق  
اوله رق همان لعب طفولیتی ترک ایله تحصیل علومه حصر

همت و بعده استانبوله کله زک یاسنجی افندی و ایاقلی  
 کتبخانه کی نیجه فضالردن تعلم ایله اتمام کالات انسانیه به بذل  
 مقدرت ایدوب (۱۱۷۷) تاریخنده مدرس اولمشدر . ایام حیاتی  
 تحصیل علومه حصر ایدوب حتی کامل و مکمل اولدقدن صوکر  
 ایاقلی کتبخانه نك خانه سنده یالکزجه اوله رق مذاکره و مباحثه  
 طرزنده محققانه و مدققانه ( مطول ) اوقومغه مبادرتله نصفه  
 قدر کمشلر ایسه ده اتمام اولنه مامشدر . اسماعیل افندی منطقدن  
 ( برهان ) نامنده کی رساله مشهوره سنی تألیف ایله خواجه  
 مشارالیه عرض ایلدکده « پک اعلا ! انجق مطولی اتمام ایتمش  
 اوله ایدک دها کوزل اولوردی » دیدیکی وشا کردانی ایخنده  
 اسماعیل افدینک تفرد و امتیازینی اعتراف ایتکله برابر اسلاف  
 مؤلفینک آثارینی تعلم و تفطن لازمه سنی ترک ایله تألیف کتب  
 و رسائل سوداسنه دوشدیکی ایچین اعتراض ایلدیکی مرویدر .  
 کرچه خواجه سنک شهرت و شانی کندی حیثیتی با صد یروب  
 وفاتی دخی خواجه سندن مقدم اولغله - خواجه سندن صوکره یه  
 قلوبده - عصرنده تفرد ایدمه مش ایسه ده تألیفات کثیره ایله  
 قدرینی اعلان و درجه فضل و کمالی بیان ایتکله نظر اخلافده  
 صیت و شهرتجه خواجه سنه غالب اولمشدر . مع هذا خواجه سی  
 برحیات ایکن دخی فنون شتاده کسب و شهرت و امتیاز ایدوب  
 حتی او عصرده برفرانسز مهندسی « لغارتمه » جدولی استانبوله  
 کتیروب باب عالی به بالتقدیم بوفی استانبوله بیلیر کیمسه



اولماق صورتی اشعار ایتدیکنه مبنی اسماعیل افندینک خانه سنه  
 کوندر کده مهندس کرک خواجه افندینک ، کرک خانه سنک  
 پریشانلغنه نظراً هیچ یرینه قویه رق « فلان وقته قدر جوابی  
 ایسترم ، دییه دعوت و ایام موعوده نك انقضاسنده تکرار  
 خواجه افندینک خانه سنه عزیمت ایلدیکنده اسماعیل افندی  
 جواب یرینه لغارتمه رساله سنی بالاعطا حسن مقابله ایلشدر.  
 رساله مذکوره ترکیه سلیس و مفید اوله رق یازلمش بر اثر  
 اولوب لغارتمه جدا اولنک کیفیت و انشا و ایجاد ایله طرق اعمالی  
 حقنده ایکی مقاله یی حاویدر. لغارتمه جدا ولی اوروپاده علوم  
 ریاضیه پک زیاده ایلر ولد کدن صوکره یقین و قتلرده بولنش  
 برفن اولوب اودورده ایسه کتب حکمت افرنجیه هنوز استانبولده  
 شایع و منتشر اولماش اولدیغندن حکمتجه اوروپاده حصوله  
 کلن ترقیاته اسماعیل افندی بالطبع واقف دکل ایکن ریاضیات  
 قدیمه یه تطبیقاً بویله برفن نوظهورک اساس وضعنه و کیفیت  
 استعمالنه دائر در حال بر رساله تألیفنه اقتدار کوسترمسندن  
 فرانسه لی مهندس متحیر اوله رق باب عالی یه کلدیکنده اسماعیل  
 افندینک زکات و مهارتی ثناده اطرا ایتش حتی « شو آدم  
 اوروپاده اولسه آغرنجه التون دکردی ! » دیمش اولدیغی  
 و بعده اسماعیل افندینک تصویرینی آلمق ایسته دیکنده مشارالیه  
 باب عالی ده رئیس الکتاب راشد افندینک اوطه سنه جاب  
 اولنغله بر تقریب رسمی آلمش و فقط خواجه افندینک صیرتنده کی



نافه کورکی ثقیل کوروله رک رسمنه او وقت رجال دواک طرز محشمانه  
 اوزره کیدیکی سمور کورک کیدیرلمشدر . حتی خواجه افدینک  
 کندی رسمی کوردکده « الحمداه کندیمی سامور کورک  
 ایچنده کوردم » دیدیکی مرویدر . اسماعیل افدینک سالف الذکر  
 لغارتمه سندن باشقه لسان ترکی اوزره برکتابی دها اولوب کسوراتی  
 وسائر اعمال مهمه حسابیه ومسائل جبرییه نی حاوی مفصل  
 ومفید براتر جمیل اولوب کتاب مذکور کندیسنک ریاضیاتده ید  
 طولاسی اولدیغنه دلیلدر . عربی اوله رق محققانه تألیف ایلدیکی  
 کتب ورسائل عیدده سی هر کسک معلومی اولدیغندن بیانه  
 حاجت کورلمز . اسماعیل افدینک بویله هر فنده ید طولاسی  
 اولدینی حالده عمری مضایقه اوزره کچوب فقط مکتب بحریه  
 کشاد اولندقدده شهری آتمش غروش [۱] معاش ایله مکتبه  
 ریاضیات خواجه سی تعیین بیورلمش اولمغله بر مقدار نفی  
 کنیشه مشیدی . اوائل دور سایم خانیده کاغذ خانه ده اجرا  
 اونان بر معاینه رسمنده بعض صنایع اجرا سندن صو کرا برقاج  
 دفعه خبره آتلدقدده نشانگاهه اصابت ایتمه نیجه سلطان سلیم  
 خان حضرت تلیزینک جانلری صیقلمغله بعض قرنانک عرض  
 واطظار یله اسماعیل افندی حضور هایونه جلب اولوب  
 نشانگاهنه اصابت قضیه سنک نتیجه بخش مرام اولسی خصوصی  
 اراده بیورلدقدده خواجه افندی در حال هندسه اوزره خبره نک

شکل اقامت واستقامتی دوزلتمکله اوچ دفعه آتیلوب هر دفعه سنده  
 اصابت هدف مقصد ایلدیکندن سلطان سلیم خان حضرتلری  
 غایت محظوظ اوله رق خواجه افندی به یومیه درت قیه پرنج  
 تعیین بیور مشدر . شو تعلیم کیفیتک وقوعی اوزرینه اسماعیل  
 افندی توجه شاهانه به مظهر اولمش ایسه ده [۱۲۰۴] تار یخنده  
 یکیشهر فنار مولو یتله بلده مذ کوره به کیتدیکنده برسنه صوکر  
 [۱۲۰۵] ده اوراده وفات ایله مشدر .

اسماعیل افندی بحریه مکتبه خواجه تعیین اولندیغی  
 ایشیدن مشاهیردن پالایق افندی رئیس افندی به کیدوب  
 « اسماعیل افندینک فضل و کمالی مسلمدر . انجق بوفلرده  
 بنم ا کا تفوق وارددر . بن وارکن بشقه سنک ریاضیات خواجه سی  
 تعیین اولنمی نصل اوله بیلیر ؟ » دیدکده رئیس افندی « اول  
 ایکی کزی امتحان ایدم جک بر میز بوالکزده سزی امتحان ایدم .  
 ثانیاً اسماعیل افندی قمدادن و کثیر العیال اولمه له انجق مدار  
 تعیش اولمق اوزره تعیین ایلدی . » جوانی ویرمش و بونک  
 اوزرینه خواجه افندی « مکرکه بویله جواب ویرله ! » دیوب  
 عودت ایتشدر .

[ مشارالیه اسماعیل افندینک ترجمه حالی « خزینه فنون » ده  
 نشر اولندقدن صکره « رسملی غزته » ده بر افاده کورلیدیکندن  
 افاده مذ کوره درج ایلدی . ]

مشار الیهک ترجمه حالی حاوی اولوب تاریخ جودتک

دردنجی جلدندن بالاقباس اسلامز میانہ درج ایدیلن شومقاله نك  
 « خزینة فنون » ده نشر اولمہ سنی متعاقب اخوانمزدن ریاضی  
 شهیر عزتلو صالح ذکی بك افندی طرفندن « رسملی غزته » به  
 بر مقاله یازمشلودر مقاله مذکورہ لغارتمہ کاشف نك کلبوی اسماعیل  
 افندی اولدیغنه دائر موجود اولان ظنك بطالانی مثبت و بعض معلومات  
 زانده بی حاوی بولمیش اولدیغندن بروجه آتی ذیل ایدلدی :  
 فقرات مسروده مآله نظرآ کلبوی مرحومك « لوغارتمہ » بی  
 ریاضیات قدیمه به تطبیقاً کشف ایلدیکی « لوغارتمہ » کتبانبده  
 بوکا دائر بر صراحت کوروله مامکده در . مرحومك جملة  
 مؤلفاتندن اولان واعمال حسابیه ایله مسائل جبریه بی جامع بولنان  
 « حساب کسورات » نامنده کی دیگر بر کتابك مقصد اولنده لوغارتمہ  
 حقنده : « لیکن متأخرینك عهد قریبده اشبواجناسی مرتبه احکامه  
 مبنی اعداد صحاح ایچنده مثلاً اون عددینی برشی ( برنجی قوت )  
 فرض ایدوب مقتضاسنجه مالی ( ایکنجی قوتی ) اولان یوز عددی  
 وکعبی ( اوچنجی قوتی ) اولان بیك عددی و مالی ( دردنجی  
 قوتی ) اون بیك عددی و سائر مراتب متصاعده سنی اعداد  
 صحاح ایچندن تعیین و تحریر اسملرینی برر جانبلرینه مرفوع منه  
 اولوق اوزره ترقیم ایلدکلرندن صوکر ا عدد مرتبه سیله ( ش )  
 مرتبه سی و شيله مال و سائر مراتب متصاعده متوالیه دن هر ایکی  
 مرتبه بینلرنده اولان اعداد صحاحك اول اسوس معینه دن اولان  
 حصه لرین رساله مستقله مزده تفصیل و بیان اولندیغی اوزره

ثالثه متناسبه قاعده سیله استخراج ایدوب ایکی عدددن اون بیک یاخود یوز بیک عدده قدر جمع اعداد صحاحک اسوس مستخر-  
جه سنی مرفوع و درجات سادسه یه قدر کسور ایله کندی  
جدوللرینه ترقیم اول اسوسه «انساب» تسمیه سیله اختراع  
ایلدکاری انساب جدولی دیمکله مشهور جدول اجناس  
مذکورہ نك ضرب و تقسیم و ترفیع و تجذیر و سائر اضلاع باقیه  
استخراجی بابلرنده اولان جمع خواصی جدول مرقوم جمیع  
اعداد اعتباریله مشتمل اولغله ...» عباره سنی محرر بولنمشدر.  
بو حالده کاتبوی مرحومک متأخریندن غرض عجبا اورویا ریاضیو-  
نیمدر؟ واقعا «لوغارتمه» نك کشفی ویا ده دوغریسی اختراعی  
شرقی اسقوچیا بارونلرندن و مشاهیر ریاضیونندن (زاق ناپهر)  
ویا (نهر) ه عائد اولدینی و مومی الیهک بوکا دائر اولان ایلاک  
اتری ده (۱۶۱۴) سنه میلادیه ویا (۱۰۲۳) سنه هجریه سنده  
موقع انتشاره وضع ایدلدیکی مثبت ایسه ده لوغارتمه نك اوزمانه  
قدر ممالک شاهانه یه صورت دخولی مجهول بولنمه سنه مبنی بو  
جهتک تحریرسینه لزوم کورولمش و بو بابده بروجہ آتی معلوماته  
دسترس اولنمشدر.

جنتمکان احمد خان ثالث حضرت تلرینک زمان سلطنتلرنده  
و (۱۱۳۲) سنه سی اواخرنده فرانسه دولتی نزدینه سفارتله  
کوندربیلن «یکرمی سکیز چلبی» دیمکله معروف محمد افندینک  
سفارتنامه مننده ده محرر اولدینی اوزره مشارالیه محمد افندی پارس



رصدخانه‌سنی تماشا ایلدیکي و تلسقوب ايله رصدات اجرا  
ایتدیکي صروده رصدخانه مذکور مدیری بولنان  
(ژان قاسینی) ايله مایه لرنده علم هیئت و ممالک شاهانه ده مستعمل  
زیچلره دائر بحث آچیلش و بومناسبتله راصد (قاسینی)  
متوفی پدری مشهور (قاسینی) نك تألیفاتندن اولوب هنوز  
طبع ایدلمه مش اولان زیچندن برر نسخه محرره سنی هدیه  
اولدی اوزره محمد افندی به ویرمش اولدینی جتیمکان سلطان  
محمد اول عصر نده درس عادتده و ندیک سفارتی نزدنده  
بولنان راهب (توده رینی) نك «ادبیات ترکیه» نامیله [۱۲۰۳]  
تاریخ هجریستده نشر ایتمش اولدینی برائره منظور عاجزی  
اولمش ایدی .

اخیراً فرانسه دن بوضورتله یکریمی سکز چلبی محمد افندی  
واسطه سیله ممالک شاهانه به کیرمش اولان زیچ جدیدک اوآنه  
قدر ممالک اسلامیه ده واز جمله درس عادتده موجود زیچیلرجه نه  
کبی بر تأثیر حاصل ایلدیکي عاجزانه تحری ایلدیکي صروده شیخ  
الاسلام اسبق مرحوم عاشری، افندی کتبخانه سنک حفید افندی  
قسمنده (۱۷۸۰) نومرو

(تحفه بهیج رصینی ترجمه زیچ  
محرره به تصادف اولمشدرکه بوکنا  
اولدینی اوزره اون ایکنجی قرن  
بولنان راصد شهر (قاسینی) میندر.  
سماعیل افندی،



(تابل آسترونوميك) ۱ صورت مترجمه-ندن عبارتدر. زيچ  
مذكور جنتمكان سلطان مصطفى خان ثالث امرلر يله (۱۱۸۴)  
سنه هجري-سنده قالفه زاده اسماعيل افندي طرفه-دن زبان  
فرانسوي دن لسان تركي يه نقل ايدلمش اولوب مترجم كتاب  
اسماعيل افندي افاده مرآمده شوصوتله بسط مقال ايتشدرد :

« راصد مشهور (قاسيني) اشبو زيچ جديدك تعديلاتي ارمه-نه  
وضع ايلديكي ابعادي اعشاري اولهري رقم هندی ايله اداواعمالني  
لغارتمه جدوليله اجرا ايدوب لكن شهرته بناء زيچنه تحرير  
ايلديكي جدول مذكوري واعمال حسابي اشبو ترجمه يه ضم  
والحاق اولديغندن فضله .... »

كتاب مذکور بر مقدمه ، اون درت مطلب ، برخامه  
اوزرينه مرتب اولوب لوغارتمه واعمال واستعمالندن باحث  
اولان مقدمه مترجم طرفندن كتابه ضم والحاق ايدلمشدر .  
في الحقيقة مترجم مقدمه كتابده : معلوم اوله كه طائفة افرنج  
تسهيل اعمال ايچين (لوغارتم) ناميله بر عدد دن اون بيك عددده رسیده  
اوابه-جان احمد خان . . . اختراع ايشلردر كه قن بر عددی  
(۱۱۳۲) سنه سی او اخرنده قصد ايلدكلرندن مضروب فيك  
واندريبن « يكرمی سكز چلبی » ايلوب حاصل اولان عددك  
سفارتنامه-نده محرر اولدینی اوزر  
« و براز اشاغيسندهده :

« ايمدی راصد مسفور اعمالنی جداول نسبيه [۱] ايله  
اجرا ايدوب لکن عندلرنده معروف و مشهور اولمغله زيچنه  
تحریر ایلدیکی اجلدن بو عیب فقیر [۲] جداول مرقومه یی  
بعدا لترجه صدر زیجه تحریر و بومحله طریق اعمال و حسابی  
اجمالاً اعمال اولندی » دیمشدر.

مترجم کتاب اولاً « لوغاریم تجیب » تعیرلرینی عینله استعمال  
ایتدکن صوکرأ مؤخرأ بونلردن لوغاریم سینوسک « نسب  
جیبیه » لوغاریم تجیبک « نسب ظلیه » ايله لوغاریم کله سنکده  
« انساب » ايله ترجمه سی مناسب کورمش و چونکه لوغاریم  
لفظی یونانی اولوب معنای لغویسی مطلقاً نسبت دیمکدر . اما  
معنای اصطلاحیسی اربعه متاسبه دن لازم کلن کسوردن عبارتدر «  
دیه بیان مطالعه ایلشدر.

مترجمک یوقاریکی افاده سندن ده مسـ تبان اوله جنی اوزره  
ترجمه ایلدیکی زیجه بردن اون بیکه قدر بالجمله اعداد صحاحک  
انسابی « لوغارتمه لری » ايله صفردن قرق درجه یه قدر قوسلرک  
دقیقه بدقیقه جیب و ماسـ لرینک لوغارتمه لرینی حاوی برجدول  
علاوه ایلشدر.

## آثاری :

(۱) حاشیه علی الجلال من الکلام

[۱] لوغارتمه جدولری دیمکدر.

[۲] صاحب ترجمه اسماعیل افندی،

- (٢) برهان في علم الميزان
- (٣) شرح ايساغوجي
- (٤) تعليقات على حاشية سلكوتي
- (٥) حاشية على قاضي مير وكفهوي
- (٦) حاشية على اللاري على قاضي مير
- (٧) حاشية تهذيب من المنطق
- (٨) حاشية على الحياي من العقائد
- (٩) تعليقات على اوائل جامي من النحو
- (١٠) رساله في بيان وحدت وجود
- (١١) رساله امكن
- (١٢) رساله في تحقيق علمه بالمعدومات
- (١٣) رساله في تحقيق حدوث العالم
- (١٤) رساله في تحقيق ماهية الممتنع
- (١٥) رساله في حق وجود ذهني
- (١٦) رساله في حق ممكن و واجب و ممتنع
- (١٧) رساله في بيان اسناد الخبري
- (١٨) رساله في علم البيان
- (١٩) رساله في بيان تغليب
- (٢٠) رساله في تحقيق علمه المتعلق بالاشياء
- (٢١) رساله في بيان الواسطة
- (٢٢) رساله في بيان حصر المقصود

(۲۳) رساله فی معنی التقسیم والمقسم

(۲۴) رساله من الاداب والمناظره

(۲۵) کتاب المراد

(۲۶) اصول جداول السهامات

(۲۷) رساله فی رسم المزولة والمنحرفه

(۲۸) رساله فی سطوح المنحرفات

(۲۹) ربع مجیب

(۳۰) شرح جداول الانساب

(۳۱) اصول جداول انساب ستینی فی علم الهیاء

(۳۲) اضلاع مثنیات


(۳۳) حساب کسورات

(۳۵) رساله فی کیفیتہ اعمال باروت

برنسخه سی [ آق حصار ] کتبخانه سنده منظوم اولان

[ شرح بند عطار ] مؤانی [ روحی ] افندی ده (۱۱۸۰) کسور

تاریخ نخلرنده [ کلنبوی ] دن یتیشن ارباب معارف دندر .



### کوردوسلی حاجی غلیل افندی

فحول علمادن بر ذات اولوب (کوردوس) ک « قایاجق »

ناحیه سندندر . « اقحصارده » ( حاجی عمر ) افدیدن مقدمات

علومی بعدالتحصیل « قرف اغاج » ده ( یکن عثمان ) افدینک

رحله تدریس‌سنده التي سنه بولندقدن صوكره « استانبوله »  
 عزيمتله مشهور « ويدينلى خواجه » مرحومك خالقه افاضه سنه  
 داخل اولمش ايسه ده بر مدت صوكره معذرت وجوديه  
 طولاييسله « قرق اغاجه » عودتله انف اليان ( يكن عثمان )  
 افدينك درسنه ملازمتله اخذ اجازت ايلشدر. بعده ترجمه  
 حالى آتیده محرر « ياياكويلى » ( حاجى احمد ) افديدنده ادبيات  
 عربييه و فارسيه تحصيل ايليوب [ مثنوى شريف ] ايله  
 « مقامات حريرى » يي اكمل ايليه رك « قاياغجه » عودتله  
 ( يكن عثمان ) افدينك استاذى و دايسى اولان آتى الترجه  
 « قرق اغاچلى » ( بيوك حاجى سليمان ) افديدنده اجازت  
 آلمشدر. او صره ده « كوردوس » دن وقوعبولان طلب  
 وارزوى عمومى اوزرينه اورايه كله رك تأهل ايتمش و « اوزون  
 چام » مدرسه سنه بكرمى حجره داها علاوه ايله وفاته قدر بش  
 دفعه اجازت ويره رك بتون انفاس معدوده حياتيه سنى علوم اليه  
 وعاليه تشرينه صرف ايلشدر. « ۱۲۹۱ » ده ارتحال اخرت ايدرك  
 قصبه نك غريبنده بولنان ( شهيد لر ) نام ديكر ( اغالر ) قبرستانك  
 جاده يه ناظر ايكي پنجره سى او كنده تهيه ايديلن مدفن مخصوصه  
 وديعه رحمت الهيه قيلنمشدر. مرحوم ( تصديقات ) اوزرينه  
 غايت سليس بر حاشيه ايله علم قراشتدن ( جزرى ) يي شرح و ايضاح  
 ايتمش و ( تاخيص ) و ( مرقات ) متنلرينك مباحث مهمه سنه  
 دائر يازديغى تعليقات همان سكمز اون رساله تشكيل ايده جك



یوزلرجه صحیفه وجوده کتیر شدرد . صاحب ترجمه نك مقام  
تدریسنه مخدوملری الآن (مدلی) ستجانی مرکز نیابتده  
بولنان فضالای موالیدن (محمد عاصم) افندی قائم اولمش اوده  
« ۱۳۱۵ » سنه - منده اعطای اجازتله نیابت شرعیه مسلیکنه  
سلوک ایلشدر .

### محمد محی الدین وفائی

علم وحلم ایله موصوف بر ذات خجسته صفات اولوب (موغله)  
لیدر . تحصیانی اکالدن صو کرا کوتاهییه و بروسه مدارسنده  
تدریس نشر علومه باشلادی . بوارالق طریقت [ زینیه ] نك  
درسعادته مدفون [ شیخ وفاء قونوی ] دن متشعب [ وفائی ]  
شعبه سنه انتساب ایدر ك حائز کالات معنویه اولدی . [ ۹۴۰ ]  
تاریخنده [ بروسه ] ده وفات ایلوب [ زینیلر ] نام محله دفن  
ایدلی . اناری برجه آتیدر :

[ ۱ ] [ تنویر الضحی ] سورة والضحی تفسیر یدر .

[ ۲ ] [ تهذیب الکافه ] علم نحو دن برمتن متین اولوب  
برده شرح کزین تألیف ایلدی .

[ ۳ ] [ تعلیقات علی حاشیه تجرید ] سید شریفك حاشیه سنه

داژدر .

[ ۴ ] [ حاشیه شرح هدایه ] ملازاده نك هدایه شرحنه

دائر بر حاشیه اولوب بروسه لی [ خواجه زاده ] نك ذیلی  
مقامنده در .

[ ۵ ] [ روض الازهار ] فنون عیدیه دائر مباحث  
واعتراضاتی حاوی بر اثر در .

[ ۶ ] [ خزانه الفضائل ] قواعد و محاضراتدن مباحثدر .

[ ۷ ] [ تفسیر آیه الکرسی ] وجه معروف اوزره رساله  
تفسیردر .

برده بروسه لی خواجه زاده نك تهافتیه سی اولدینی  
[ قره باش زاده از میری ] نك اثرنده محرودر .

### ❧ محمد بن فاضلی ابائلوغ ❧

حلیه علم و عرفان ایله متحلی بر ذات اولوب زماننده (ابائلوغ  
چلبیسی) شهرتیه بنام ایدی . تحصیلی ( بروسه ) ده افاضلدن  
( بالیکسر ) لی ( ملا یکان ) مرحومدندر . اکمال تحصیلدن صکره  
( بروسه ) مدارسنده تدریس ایله مشغول اولدیلر . ( خواجه  
زاده بروسه وی ) ( الیاس سینوبی ) کبی مشاهیر علما کنیدیسندن  
استفاده ایتشلردر . ( تفسیر گیر ) ی تلخیص ( ابن ساعاتی ) نك  
( مجمع ) اسمنده کی متننی شرح ایتدیکی مثللو کتب متداوله نك  
اکثرینه ده تعلیقات یازمشدر . اثار مذکورهدن باخصوص  
( تلخیص ) ک اهمیت مستغنی ایضا حدر . آثاری غیر مطبوعدر .

برده هدایه شرحی اولدینی (قره باش زاده از میری) نك اثر  
تاریخ‌نسنده مندرجدر .

### منشی محمد بن بدرالدین آق‌حصاری

علمای اعلام و ادبای کرامدن بر ذات فضائلسمات اولوب  
تحصیل ابتدائیسنی مملکتی اولان (اقحصار) ایله (مغیسا) ده  
اکالدن صوکر دارالعلم والمعارف اولان (درساعات) . عزیمتله  
فضلائی بنامدن [ ابوالیث علیسی ] و صدور عظامدن [ جعفر ]  
افدیلدن علی‌الاصول تکمیل نسخ ایلیوب [ ۹۶۳ ] تاریخنده  
سالك قضایه‌سالك اولمش و تخصیص دیار مصریه ده ایفای وظائف  
شرعیه ایشدر . بوئانلرده اکالنه موفق اولدینی تفسیر شریفی  
جتمکان سلطان مراد خان ثالث حضر تیرینه تقدیم ایدرک  
مکافاة مخصوصه اولمق اوزره ارزوسی وجهله شیخ الحرم نبوی  
خدمت مبعوله‌سینه بکام اولمش والی‌اخرالعمر بو خدمت جلیله  
ایله امرار اوقات ایشدر . [ ۱۰۰۰ ] تاریخنده تکمیل انفاس  
حیات ایلیوب [ بقیع ] دنیلن مقابر مؤمنینده ودیعه خاک  
مغفرت قیلمشدر . طریقت علیه نقشبندیه ده بالانتساب تصفه  
باطن ایدرک بهر یاب فیض محمدی اولمشدر . السنه ثلثه ادبیاتنده کی  
وقوف واختصاص کلیسه هراوچ لسان اوزره محرر بولنان آثار

منشوره و منظومه لری شاهد عادلر . اناری غیر مطبوع اولوب  
بروجه آتی در :

[۱] [تفسیر شریف] : [نزیل التزیل] ویا [تفسیر  
منشی] اسمیه معارف و جیز بر تفسیر شریف اولوب ائمه قرائتدن  
[امام حفص] قرائتی توضیح ایدلمشدر .

[۲] [اصول تقریب] : علم قرائتدن برادرر .

[۳] [شرح قصیده برئه] : [امام بوصیری] نك مدایح  
سذیه جناب سیدالانام حقنده نظم ایلدیکی [برئه] اسمیه بنام  
قصیده شریفه نك تحلیلات لازمه سیله برابر شرحیدر .

[۴] [شرح مقامات] : ائمه بلاغتن [ابی القاسم حریری]  
نك شهرتکیر افاق اولان [مقامات] نك تحلیلات لازمه سیله  
برابر شرحیدر .

[۵] [شرح نوابغ الکلم] : «علامه زحشری» نك  
جمله اثارفاضلانه سندن «نوابغ الکلم» نك مع تحلیلات شرحیدر .

(۶) (لغتچه معربات) : (فهذه رسالة في التعريب على  
ترتيب انيق جمعها العبد الناسي محمد بن بدر الدين منشي ....)  
عبارده سیله باشلادیغی حروف هجا ترتیبی اوزره مرتب کلمات معربه  
لغتچه سیدر . بو وادیده یازیلان اثارک مشهوری «۱۰۶۹» ده  
وفات ایدن فاضل مشهور «شهاب الدین خفاجی» نك  
«شفاء العلیل فیما فی کلام العرب من الدخیل» درکه اخیراً  
مصرده طبع ایدلمشدر .

« ۷ » « مثنی و مثلث در لغت فارسی » : « ۷۷۵ » کلمه‌ی  
 حاوی اولان بو اثر امثله لازم می‌ایراد ایدمک شرطیله لسان  
 فارسی ده کی مثنیات و مثلثات لغویه نك تفریق و توضیحه دائر  
 اولوب لسان مذکورده الك اول بو طرزده بو ذات اثر  
 یازمشد. لسان عربیده « مثلثات » ه دائر الك اول اثر یازان  
 « ابن قطرب نحوی » در . شیخ « قویدر » ك مفصل مثلثاتی  
 اخیراً مصرده طبع اولنشد که بو اثر لر السنه ثلثه ادبیاتیه  
 متوغل ذواته استفاده بخش آئاردندر .

« ۸ » « روضة الجناس » : مثنی و مثالی جامع و صنایع  
 کلامیه دن « صنعت جناس » ه دائر امثله غدیده و توضیحات  
 لازمه ایراد ایدمک اوزه تألیف و ترتیب ایلدیکی اثر ادبسیدر که  
 « ۹۹۲ » تاریخنده تألیف اولندیگی اثر مذکورده کی  
 مسرود اتندن آکلاشیلمقده در .

### مصنفک بکر مه احمد افندی

زمره مؤلفیندن بر ذات اولوب ( مناله ) قراسندن  
 ( مهسه ولی ) قریه‌سندندر . بین العلما شهر آناری استادی  
 محمود انطافی نك علم بیاندن مشهور ( علاقه ) به ( ۱۱۴۹ )  
 تاریخنده یازدیگی شرح مطبوعدر . قصیده برئه به یازدیگی شرحی  
 غیر مطبوعدر . مدفنی تحقیق ایدیه مه‌دی .



## مصطفی افندی

علماء بنامدن بر ذات اولوب « نازلی » دندره . مقدمات  
 علمی آیدین علماسندن بعد التعلیم « قونییه » « ارکلی » سنه  
 عزیمتله ( سید عبده افندی ) زاده ( سید روحی ) دن اخذ  
 اجازه ایله یوب مسقط رأسنه عودتله تدریس و تألیفه باشلادیغی  
 و « ۱۱۶۳ » تاریخنده « از میرده » ارتحال ایتدیکی سابق  
 الترجه ( از میری قره باش زاده احمد ) افدینک اثر تاریخینده  
 محرردر .

شرح عقائد خیالیسنه مفصل بر حاشیه سیله حواش  
 سائره سی ده اولدینی اثر مذکورده مندرجدر .  
 « قیدلی اطه لینگ » اکثر نقاطنده [ احمد نازلی ] اسمیه  
 مقید بولنان تقریراتک صاحبی [ احمد باهر ] افندی ده « نازلی » دن  
 یتیشن علمادن اولوب « ۱۲۷۴ » تاریخنده مملکتنده ارتحال  
 ایلدی اشاغی « نازلی » یه کیدن جاده نک صول طرفنده یول  
 کنارنده مدفوندر .

## محمود به حافظ حسن مغنیاری

عصر اخیر فضلاسندن بر ذات اولوب زماننده ( قره محمود )  
 لقبیه مشهور ایدی . قره دکن ساحلنددر . ( مغنیسا ) ده  
 « چاشنیکیر » مدرسه سی مدرسه کینده بولنه رق نشر علوم

ایلدی . « ۱۲۲۲ » تاریخده ارتحال ایتدی . « پاشا مزارلنی »  
 دنیان مزارستانک یول کنارنده مصنفیندن « طاطزاده حسین »  
 افندی مرحومک یقیننده مدفوندر . « مغنی الطلاب » اسمنده کی  
 سهل العبازه مطبوع ایساغوجی شرحی بین العلماء متداولدر .  
 بوندن بشقه شیخ « عبدالرحمن بن سیدی صغیر » ک « السلم  
 المرونی » اسمنده کی منظوم « ایساغوجی » سنی ده شرح ایشدر .

### مرعشی محمد افندی

علوم عربیه نك اكثر اقسامنده بهره کلی صاحبی فاضل  
 بر ذاتدر . اقتصار کتبخانه سنده کوردیکم یکریمی درت باب  
 اوزره مرتب عقائد و کلامدن باحث ( کوکب نهاری و جوهر  
 جنانی ) اسمنده کی یازمه بر اثرنده ولیجان المرعشی ثم الازمیری  
 عباره سی محرر اولدیغنه و از میرده فضالادن بر ذاتده کوردیکم  
 اسامیسی اتی ده محرر رسائل علمیه سنده دخی [ محمد بن واعظ  
 بن ولیجان المرعشی ثم الازمیری ] قیدلری مقید بولندیغنه کوره  
 بوذاتک الی اخر العمر از میرده اختیار اقامت ایتدی کی اکلا-  
 شیلورسده رسائنده زمان تألیف تحریر و اشارت ایدلمدی کی  
 ایچون کندیسنک هانکی عصر هجری رجال علمیه سندن اولدیغی  
 تبیین ایدیله مدیکی کبی تاریخ وفات و مدفن ده دائر از میرجه یابیلان  
 تبعدن ده برکونا معلوماته دسترس اولنه مامشدر .

## اسامی رسائل علمیہ سی بروجہ آتیدر :

- (۱) رسالہ فی ایمان والدین رسول اللہ
- (۲) بعض تعلیقات علی اصول الفقہ
- (۳) کشف الصواب علی رسالہ البرکوی من الاداب
- (۴) عندلیب من الاداب
- (۵) زبدۃ المناظرہ
- (۶) شرح ولدیہ
- (۷) احمدیۃ من النحو
- (۸) لطائف لطیفہ مع شرحہا من المعانی
- (۹) سلسیل الجنان من المعانی
- (۱۰) شراب الیکوثر من المعانی
- (۱۱) سلسیل المعانی من المعانی
- (۱۲) عصمة الاذهان من المنطق
- (۱۳) سلامة القلوب مع شرحہا من المنطق
- (۱۴) فتح الباب شرح ایساغوجی

## محمد عصام الدین افندی

فضالان بر ذات اولوب « اشعہ » قضاہ سنک « قیشلہ »  
 قریہ سندنذر . تحصیل در سعادتہ در سعام بنامدن ( کرد  
 عبدلرحیم ) افندی ایله الاشہر ده مشاہیر فضالان ( حاجی ابراہیم )

افندی دندر. اكمال تحصيلدن صكره اتی ترجمه ( شريف )  
افندی به خاف اوله رق ( قوله ) به مفتی تعیین اولندیلر .  
« ۱۲۸۳ » تاریخنده ( قوله ) ده وفات ایدرك « قورشونلی »  
جامعشریفی حریمنده مدفون ( خواجه سیف الدین ) افندی  
یانه دفن ایدلدی . علم فقه و فرائضده صاحب اختصاص ایدی .  
فرائضدن بر جریده تحریرینه باشلامش سده اكالته قریب  
ارتحال ایلشدر .

### محمد منیب افندی « فواجمه »

متأخرین علماء عثمانیه نك سرفرازلردن اولوب ( عینتاب ) ایدر .  
مقدمات علمی مملکتی علماسندن بعد التحصیل محشی تفسیر  
بیضاوی مشهور ( اسماعیل قونوی ) درسنه ملازمتله اقرانسه  
فائق بر صورتده اخذ اجازه موفقیته دن صوکر ا درسعاده  
عزیمت و از زمانده قاضی عسکرلک پایه سنه نائلیتله وایه دار  
مفخرت اولمشدر . « ۱۲۳۸ » تاریخنده اقامت ایلدیکی ( آیدین ) ده  
دار بقایه رحلت ایلدی . « اسکی یکی » جامعشریف قبرستاننك  
جاده به ناظر اولان جبهه سنده غنوده خاك مغفرتدر . مرحوم  
مشارایه میان زمره علماده وجودیله افتخار اولانور  
برذات فضائله مات اولوب مسلم اولان فضائل علمیله سیله برابر  
ادیب ، تاریخ شناس اولدقلرینه دائر اثار فضالانه ومتروكات  
قلمیله لر ی شاهد عادلدر . ایاتندن :

محو اولمايجه چرك سوا قلب اولورمی صاف  
صفوت كلیرمی بر صویه تا كم دورولمسه

كنديلری « از میر » قاضیسی ایکن همشهریلری مترجم  
« قاموس » و « برهان » فاضل شهر (عاصم) افندی مرحومك  
برهانه یازدقلى تقریض و چیز عریلرندن کتابت عربیه ده کی  
اسامیسی آتی ده مندرج اثار سائرملرنده عربیه ایله برابر کتابت  
ترکیه و فارسیه ده کی اقتدارلری مستبان اولور. باشلیجه اثار  
فاضلانلری بروجه زیردر :

(۱) « ترجمه سیر کیر » « امام محمد سیر حسى » نك سیر  
شریفة نبویه ایله عسکرلکه متعلق بعض اوامر سنیة حضرت  
پیغمبریدن باحث اثر مشهورینك بعض نقطه لری توسیع ایدلمك  
شرطیله ترجمه سی اولوب ایکی جلد کیر اوزره مرتب اولان  
بواثر بی عدیل « ۱۲۴۱ » تاریخنده طبع ایدیلرک محضایکیچری  
افرادینك تشییع لرینه مدار اولق ایچون نظام جدید تشکیلندن  
اول قشله لرده اوقوتدیرلمقده اولان (جزء نامه) و سائر مقامنه  
قائم اولق اوزره مؤسس نظام جدید جنتمکان سلطان (محمود  
عدلی) حضر تلرینك اراده اصابته اده شهریاریلریله الای مفتیلری  
وطابور اماملری طرفلرندن ضابطان و عساكر شاهانه اوقات  
مناسبه ده تدريس وتفہیم اولنوردی. فی الحقیقه اثر مذکور  
فضائل عسکریه و سائر به متعلق يك چوق مباحث قیمتداری



حاوی اولدیغندن مطالعه سی - بتخصیص عسکر لر ایچون -  
جداً موجب استفاده اثار مخلده عثمانیه مزدندر .

(۲) « ذیل دوحه المشایخ » مسند جلیل مشیختپناهی  
احرازیدن مشایخ اسلامیه نك تراجم احوالی مین اولمق اوزره  
[مستقیم زاده سلیمان سعدالدین] افندی طرفندن یازیلان اثر  
ذیلدرکه « ۱۲۹۰ » کسور تاریخلرنده درسمادنده وفات ایدن  
(طوبال رفعت) افدینک مطبوع ( دوحه المشایخ ) ی اساساً  
بویکی اثر دن التقاط صورتیله میدانه کلمشدر .

(۳) « فضائل جهاد » ترجمه سیردن بشقه بر اثر مفیددر .  
(۴) « خلاصة القول فی الادب » قواعد ادبیه دنباحث بر  
اثر مطبوعدر .

(۵) « منشآت » محررات ادیبانه لرندن بعضیلرینی جامع  
بر اثردر .

بونلردن بشقه ( امام محمد ) ک سیر معلومنک مشکلاتی  
توضیح یولنده عربی العبارة بر جلد اوزره مرتب ایریجه  
بر اثر فاضلانلری اولدیغیده اخیراً زیارت ایتدیکم سنک  
مزارنده محکوک عبارتدن اکلایشیلدی .

مصطفی بن محمد کوزطحصاری

علما وخلفاء نقشبندیه دن بر ذات اولوب مولداً « بولدان »

لیدر . خادمی مرحومك مخدومندن اكمال تحصیلدن صوکر  
اولا « بولدان » ده مؤخرأ « آیدین » ده اختیار اقامتله تدریس  
وارشاد ایله مشغول اولدی . « ۱۲۴۶ » تاریخنده علم اصول  
فقهدن مولانا خادمی نك « مجامع الحقایق » نی « منافع الدقائق »  
اسمیه شرح ایتدیکی کبی « بولدان » ده ایکن مشهور  
« حلای » یه ده « حلیۃ الناجی » اسمیه مکمل بر حاشیه  
یازمشدرکه هر ایکسی مطبوع اولوب بین العلماء متداولدر .  
برده غیر مطبوع مفصل مجامع شرحی وارددر . « ۱۲۵۳ »  
تاریخنده « آیدین » ده ارتحال ایدرک « تیره قیوسی » قبرستانه  
دفن ایدلدی . « بولدان » ده ایکی دفعه اعطای اجازهیه موفق  
اولمشدر . تفسیر « قاضی بیضاوی » یی ده علی طریق التدریس  
اتمام ایدرک اصول ختم اجرا ایله مشدر . منسوب اولدقلری  
طریقت نقشبندیه دن بر خیلی ذواته اجازت ویرمشدر . فقرا  
ایچون هر اقسام مدرسه یه بر سفره طعام کوندردکلری حاله  
کندیلمی آریه اکمکیله کفاف نفس ایتدکلری متواتردر .  
کثیر البکا ، مجاهد ، بر ذات ایدیلر .

### محمد افندی « مابی حمزه زاده »

عصر اخیر علماسندن بر ذات اولوب « مغله » لیدر .  
پایتخت خلافت اسلامیه اعظم علماسندن مشهور ودینی مصطفی

افندی مرحومدن اخذ اجازتله مملکتته عودتله نشر علمه موفق اولدی.

«۱۲۸۳» تاریخنده «مغله» ده ارتحال ایدهرک قورشونلی جامعشریفی خطیره سنه دفن ایدلدی. علم فرائضدن مکمل بر جدولی علم منطقدن اقیسه یه دأثر جداولی و الیوم «مغله» مفتیسی بولسان مخدوم فضیلتهمندی افندی یه خطاباً سنبل زاده نك لطیفه سی طرزنده منظومه نصایح آمیزی واردر.

مشهور بالابیق مرحوم صاحب ترجمه نك بویوک دایسی در.

### موسسه صلی زاده محمد سعید افندی

وسعت معلومات وجودت قریحه ایله معروف بر فاضل اولوب (اقحصار) لیدر. علوم عربیه یی پدرندن بالاکال (اقحصار) ده نشر علوم ایله مشغول اوله رق اوچ دفعه اعطای اجازه یه موفق اولدی. (۱۳۲۰) تاریخنده (اقحصار) ده ارتحال ایدهرک (اوزون طاش) مزارستاننده پدریله (شیخ احمد رومی) آره سنه دفن ایدلدی. طبیعت شعریه یه ده مالک ایدی. آثارندن مطبوع اولانلر :

(۱) علم اداب مناظره دن (طاش کوپرولو) رساله سنك

شرحی

(۲) علم منطقدن قیاس موسویه شرحی

- (۳) علم حدیثدن (منهاج النجاح الی معراج الفلاح)  
 (۴) جواهر العقائد اسمیه شیخ ابراهیم حقّ ارضرومینک  
 (خدا ربم نایم حقاً) منظومه سنک شرحی

### غیر مطبوع اولانلر:

- (۱) عندایب المجالس  
 (۲) درة الواعظین شرحی قرّة الناظرین  
 (۳) علم اصولدن مجامع اوزرینه حاشیه  
 (۴) علم منطقدن درالنّاجی اوزرینه حاشیه  
 (۵) علم آدابدن ولدیہ نك نظماً ترجمه سی  
 (۶) علم وضعدن ده ده جنکی نك وضعیه رساله سنه شرحی  
 (۷) (بهجة الشهداء) اسمیه (محتشم کاشانی) نك مشهور  
 آفاق اولان مرثیه سنک نثراً و نظماً ترجمه سی  
 مرحومك قدرت شاعرانه سنه دلالت اینك اوزره شاعر  
 مشهور نفی نك قصیده مشهوره سی تخمیس وادیسنده قصیده  
 طویله سی مقدمه سی درج ایدلدی :

باركاه ای جهـانك داور سـعد اختری  
 صـانك اه ای جهادك رستم جنكـاوری  
 بیك یاشا ای كار زارك قهرمان حیدری  
 آفرین ای روزكارك شمسوار صفدری  
 عرشه آص شمد نكری تیغ نریا جوهری

(موساجه) (صالحی) قضای قرا سندن برقریه در .

خصمه تیغك درسدر حسن بیانی نیلر اول  
 سیف صمصامك یتز جنكه سنانی نیلر اول  
 خون دشمن بس آکا باشقا نشانی نیلر اول  
 پاره الماسدر سنك فسائی نیلر اول  
 چرخه چكمه بر دخی شمشیر والا کوهری  
 ملك ایچون صرف ایتدك الحق خیلی سیم و عسجدی  
 لشکر شاهانه که ویردك نظام ارشدی  
 ملتك آسایشیچون آی ملیک اوحدی  
 سرفراز ایتدك لواء الحمد دین احمدی  
 دشمنه کوستردك الحق دستبرد حیدری  
 سن مجاهد فی سبیل اه سین قصدك رضا  
 ملك و ملت غیرتی پیکارك ایتدی اقتضا  
 ذوالفقار حیدری صومش سکا دست قضا  
 تیغکه نوله یمین ایلر سه روح مرتضی  
 بر غزا ایتدك که خشنود ایلهدك پیغمبری  
 ضرب ایله صالده سیف صارم خونباریکی  
 اول زمان فهم ایتدی دشمن نیت و اختاریکی  
 خوفه دوچار اولدی کیم که کوردی کار وزاریکی  
 ماه نوصانه فلکده کوریجك پیکاریکی  
 تیزه دی بهرام الندن زرین خنچری



## نورالدینیه حمزه آیدینی «کوکب نورالدین»

علم و عرفانله تزین ذات و صفات ایلش بر فاضل اولوب  
(آیدین) لیدر. علوم رسمیه یی (قاضی زاده) دن بعدالعلم  
(بروسه) ده (حمزه بك) مدرسلکنه تعیین اولندی. بر مدت  
صوکرانا (ابوالسعود) ك :

لمن الدیار تضععت ارکانها

وانقض فوق عروشها جدرانها

مطالعی قصیده لرینی شرح و مولانا مشارالیه تقدیم ایده رک  
تعیین ایدن فضیلتنه مکافاة (ملا خسرو) مدرسه سی مدرسلکنه  
بعده علی طریق الترفیع (چورلو) مدرسلکنه نصب ایدلدی.  
بوراده (۹۷۹) تاریخنده زوجه سی مکریله شهیداً ارتحال  
ایلدی. اعظم رجال خلوتیه دن و (فصوص الحکم) شارحلرندن  
(صوفیه) ده مدفون (بالی افندی) اخص خلفاسندن (فلییه) لی  
(نورالدین زاده) یه انتساب ایدرهك تصفیة باطن ایتمشدی.  
علم معانی دن طریق حجده ایکن تألیف ایتدیکندن ناشی  
(مسالك) اسمنی ویردیکی اثرینی بعدالعودة (هوادی) اسمیله  
شرح ایلشدر.

(۱۲۰۵) تاریخلرنده آیدین ده مدرس اولان (قرا

ابراهیم افندی) ده فضلادن بر ذات اولوب (کوکبالانور فی  
الفاظ الفقه الاکبر) اسمنده بر اثری واردر. آیدینده مدفوندر.

## نصوح نوالی آفیساری

فضلائی ادب‌دان بر ذات اولوب (آق‌حصار) لیدر. تحصیل  
مغنیسا و درس‌عادتده اکلدن صوکر بر مدت تذکره جیلک  
خدمتده شرق سفرنده بولنه رق درس‌عادتده بعدالعوده بعض  
مدارسده تدریس علوم ایله مشغول اولدی . بواثنالرده وفات  
ایدن (عزیمی) افندی یرینه شهزاده سلطان محمد معلم تعیین  
بیوریله رق شهزاده مشارالیهک (مغنیسا) والیاکنه تعیینی جهتیله  
برابرجه «مغنیسا» یه کلدی . بوراده خدمت تعلیم ایله مشغول  
ایکن (۱۰۰۳) تارینخنده ارتحال ایلدی .

(حیجة الاسلام) (امام غزالی) نك معرفة النفس ،  
معرفة الرب ، معرفة الدنيا ، معرفة العقبي دن باحث فارسی العبارة  
درت عنوان اوزره مرتب اولان اخلاقی و تصوفی (کیمیاء  
سعادت) فی ترجمه ایتدیکی کبی حکیم شهیر (ارسطو) نك  
(کتاب الرياسة والسياسة) اسمنده کی اثرینده شهزاده مشارالیه  
نامنه اون التي باب و بر تکمله اوزره توسیعا ترجمه ایدرهک  
(فرحنامه - اخلاق نوالی) تسمیه ایشدر .

## نعمی فلیل افندی

زمره مؤلفیندن بر ذات اولوب مولداً (قونییه) لیدر .

( مستحی زاده ) لقبیله بنام ایدی . ا کمال تحصیلدن صوکر  
مدت مدیده ( مغنیا ) ده نشر علوم واقعا ایله مشغول اولدی .  
( ۱۲۳۰ ) تاریخنده ( مغنیا ) ده ارتحال ایدرهك ( اولو-  
مزارلق ) ده دفن ایدلدی . آثاری غیر مطبوع اولوب  
بروجه آتی در .

( حاشیه علی البیضاوی ) ( حاشیه علی التہذیب ) ( حاشیه  
علی الحیالی ) ( حاشیه علی المختصر ) ( حاشیه علی رساله استعاره  
للقاز ابادی ) ( حاشیه علی رساله الوضعية ) ( شرح العوامل )  
( حاشیه علی رساله التوحید للبرکوی ) در .

### ولی الدین افندی

علوم عالیہ نك تخصیص فقه شعبہ سنده صاحب اختصاص  
بر فاضل اولوب ( آیدین ) لیدر . ا کمال نسخیدن صوکره  
مادام الحیات ( اقصصار ) مقتیلکنده ایفای وظائف شرعیہ  
ایلدی . ( فتاوی روشنی ) اسمیله بر جلد اوزره مرتب  
فتاوا سنک برر نسخه لری ( مغنیا ) و ( قرق اغاج ) فتواخانه  
لرنده منظور عاجزی اولدی . برده آدابدن حسینیہ حاشیه سی  
اولدینی ( قره باش زاده از میری ) نك اثرنده مندرجدر .

## وہبی افندی

فضلا دن فقیہ بر ذات اولوب (سرایکوی) قراسندن  
(دعاجیلی) قریہ سنده (افندی اوغلو) نامندہ خاندان دن برینک  
معلمی در .

(۱۱۸۶) تاریخندہ ارتحال ایلدی . قریۂ مذکورہ دہ کی  
جامع شریف اتصالندہ مدفوندر . (ہدیۃ الوہبی لروح النبی)  
اسمندہ علم فرائض دن تورجکہ بر اثری (دکزیلی) دہ جتسمکان  
سلطان محمود اولک ہم شیرہ سیلہ اصحاب خیرات دن بشیر اغانک  
انشا کردہ لری اولان فرائض خانہ لرندہ معلم اولدیغنی بیان  
ایدیور .

## لالی احمد افندی

علامہ روم ابن کمال مرحومک اذکیای تلیذانندن اولوب  
« صاروخان » لیدر . اکال تحصیلدن صوکرہ استاد عالی قدرینک  
تسیدبلہ سلك قضایہ سالک اولمشیدی . « ۹۷۱ » تاریخندہ ارتحال  
ایلدی . علم فقہہ انتساب تامی و علم فرائضدہ مدون بر اثری  
اولدیغنی ذیل شقایق نقل ایدیورکہ اخیراً منظور عاجزی اولان  
بواثرک مقدمہ سندہ اولجہ فارسی عبارتہ اولان فرائض منظومہ سنی

شرح ایتدکن صوکره آریجه عربی عبارہ یازدقلمی برشرح  
نفیس اولدینی مصر حدر

فتاویہ عائد درت باب اوزره مرتب ترکیه (مجمع المسائل  
الشرعیة فی العلوم الدینیة) اسمندہ کی اثری «آقحصار»  
کتبخانہ سندہ منظور عاجزی اولدی. برده منظوم قصیدہ برئہ  
ترجمہ سی وارد ر.

«۱۱۷۱» تاریخندہ مؤلف (احکام الاراضی) مؤافی  
مفتی زاده عبداہ بن عبدالرزاق وحید) افندی دہ «مغنیسا» دن  
نشأت ایدن صاحب آثار علمادندر.

### بابا کوبلی حاجی احمد رشید افندی

علوم عربیہ و فارسیہ متخصصلرندن بر ذات اولوب (صوما)  
قراسندن (بایات) قریہ سندندر. اکمال تحصیلدن صوکرہ  
(مغنیسا) نواحی سندن یا یا کویندہ (قرہ عثمان زاده لر) طرفندن  
بنا ایدیلن مدرسه و کتبخانہ نك مدرسه ملك و حافظ کتبخانہ  
تعیین اولندیغندن الی اخر العمر بو وظیفہ لرلہ مشغول اولدی.  
(۱۲۴۸) تاریخندہ اورادہ ارتحال ایتدی. علمای شعرای  
عثمانیہ دن (سنبل زاده وهی) افدینک اطفال عثمانیہ لغات



عربیہ تعلیمہ مدار اولق ایچون نظم ایلدیکی (نخبه) اسمنده کی  
 اثرینی (۴۴۵) صحیفه دن عبارت اولق اوزره مفصل بر صورتده  
 شرح ایدرک (۱۲۵۹) تاریخنده طبع اولونمشدر که باعث استفاده  
 آتاردندر. نحریر شهر سعادتلو حاجی ذهنی افندی حضر تلیرنک  
 آثار فاضلانہ لرندن (مشاہیر النساء) ده (ایا کویلی فاضل) وصفیله  
 فضلی تصدیق بیوردقلری بو ذاتدر.

### بکن عثمان افندی

فضلا دن بر ذات اولوب (کوردوس) ه مایحق (قایاجیق)  
 ناحیه سننددر. تحصیاتی بر غمه علماسندن طاغستانی خواجه  
 افندی ایله دایسی «قایاجیقی» سلیمان افندیدن اکال ایتدکن  
 صوکره «قرق اغاج» ده نشر علوم ایتدی. «۱۳۰۰» تاریخنده  
 ارتحال ایدرک «صاری خواجه» نام محله دفن ایلدی. (شرح  
 عقائد) اوزرینه ایکی جلد کیر حاشیه سیله منطقه دن «غایة الیان»  
 اسمنده غیر مطبوع آثار فاضلانہ سی واردر.

### یوزغادی موفه دار زاده حاجی کشفی مصطفی افندی

متأخرین فضلا ی عثمانیه دن و منتسبین طریقت خلوتیه دن  
 بر ذات اولوب «یوزغاد» لیدر. مبادی علمی «یوزغاد»

علماسندن (قره موسی) افندیدن بعد التعلیم « قیصری » فضلا-  
سـنـدن ( حاجی طورون ) و « درسعادت » درسـعـامـلـرـنـدن  
« قواله » لی ( یوسف ) افـنـدـیلـرـدن اخذ اجازه ایلدیکی کبی  
سابق الترجه مغنیسا مفتیسی ( حاجی اولیا زاده علی ) افندیدن ده  
اجازه اخذینه نائل اولدقدن صکره قسم اعظمی از میرده اولمق  
اوزره « از میر » و « تیره » ده قرق سنه نشر علوم الیه و عالیہ  
ایله مشغول اوله رق بومدت ظرفنده بشـیـوزـه قریب طالبین  
علمه اعطای اجازهیه موفق اولمشدر .

۱۳۰۸ تاریخنده وطن ثانی اتحاد ایتدیکی « از میر » ده  
ارتحال ایدرک وصیتلری وجهله ( محشی مرأة ) « از میری »  
مرحوم یاننه دفن ایدلمشدر . انار علمیه لرندن غیر مطبوع اولانلر  
بروجه آتیدر :

( ۱ ) قاضی بیضاوی اوزرینه تعلیقات

( ۲ ) جلال اوزرینه تعلیقات

( ۳ ) حاشیه مرأته هاشم

( ۴ ) حاشیه شرح عقائده هاشم

( ۵ ) فرائضدن بر متن متین

( ۶ ) آدابدن » »

مطبوع اولان :

ازمیرده طبع اولنان « کشفیه » اسمنده کی « اخلاق عضدیه »

ترجمه سیدر .

مرحوم مشارالیهک احوال علمیه و اوصاف قلبیه لرینی ناطق

اولوب مجازلرندن و ارباب قلم و فضیلتدن ازمیرلی « بیچاقچی زاده

حق ) افدینک تاریخی بوجه آتی درج اواندی :

خواجه یوزغادی مبارک دم

عارف و اکمل و حکیم خواجه م

یعنی الحاج مصطفی کشفی

ذاتی مکرم فوادی ده ملهم

جامع جمله عقول و نقول

واقف سر حادثات و قدم

یوقدی مانندی وار ایکن کندی

دوندی مانندینه بر کون اول هم

زهد و تقوی ده یوقدی امثالی

اتقیایه دیرم اودر خاتم

قوجه بر عالم فضیلت ایدی

دورینی ایلدی اجل درهم

عزم عقبا ایدنجه بر تاریخ

دوشو نوردم حزين و بر ماتم  
چيقدى بر حزن ايله ملائكدن  
بانك ( موت العالم موت العالم )

سنه ۱۳۰۸

## شعرا فصلی

### احمد اسعد افندی

فضلاى شعرا دن بر ذات اولوب مغنيساليدر پدرندن اكمال  
تحصيل ايتديكدن صكره درسه عاده عزيمتله سابق الترجه  
( خواجه عبدالرحيم افندی ) مرحومدن غوامض عربيه ي  
( خواجه نشأت ) افندي دن ده دقائق فارسى ي تعلم ايدرك مفتيلكله  
ملكسته غودت ايلدى . بر قاچ سنه ايفاي خدمت فتوا ايلوب  
« ۱۲۶۹ » تاريخنده « قدس شريف » مولويتنه تحويل مأموريت  
ايتدى . رجال قادريه دن صاحب ديوان « نيكدهلى » ( قدوسى  
احمد ) افندى يه منتسبدر . ( نصيحة الملوك ) ي ترجمه و مترجم  
( عاصم ) افندى مرحومك تحفة عربيه سنى شرح ايتشدرد .  
نعت آتى زاده طبع عاشقانه سيدر :

دو عالم نور ذاتکدن اثر در یا رسول اه  
وجود کدن خلایق بهره وردر یا رسول اه

جینک اختر برج هدایت اهل عرفانه  
دو چشمک منظر لوح قدر در یا رسول اه

نهالک سایه سی مرغ همدار خاکه میل ایتمز  
علو شانکه برهان نو در یا رسول اه

دل عشاقی بلبل وش نوا ساز ایله یین هر دم  
جمالک غنچه سندن بوی تر در یا رسول اه

عدوی بد زبانه جای امن اولمازدی دنیا ده  
ولی انار فیضک سر تسم در یا رسول اه

نه ممکندر بشر کنه شریقتک ایله یه ادراک  
سکا و صاف اولان رب قدر در یا رسول اه

شفاعتله بوله فوز و فلاحی اسعد عاصی  
اگر اولماز سه حالی در بدر در یا رسول اه

« ۱۲۷۴ » تاریخنده « مغنیا » ده ارتحال ایدرک پدر

عالی لری سابق الترجمه (نعیمی خلیل) افندی یاننه دفن ایدلدی.



## ارزنجاری اسماعیل افندی « همد زاده »

از میر علماء بنامندن و منتسبین طریقت نقش-بندیده‌دن بر  
ذات اولوب اکمال تحصیلی مشاهیردن اوده مشلی (چاقرا احمد زاده)  
ایله مغنی‌سالی « حاجی اولیا زاده علی » افندی‌لر دندر. بعدالاکمال  
از میرده نشر علوم ایله مشغول اولدی. « ۱۳۰۷ » تاریخنده  
از میرده ارتحال ایدرک « سنان دوده » قبرستانه دفن ایدلدی.  
متصوفانه الهیاتیه مناجات موحدانه ونعوت عاشقانه‌سی واردر.  
بر نعتی :

مظهر نور خدا سگ ای رسول کبریا  
مبدأ خلق جهان سگ ای حبیب مجتبا  
قیلدی مرأت مجلا ذات پاک اول کریم  
معدن فیض کمال سگ ای طیب اصفیا  
مخزن اسما ذیلدی منبع علم لدن  
جامع خلق حسن سگ ای امام ابنیا  
باغ حسنک بلبلائی روز و شب نالان ایدر  
عاشقه عشقک دوا در ای سراج اولیا  
وادی حسرتده قویمه بوکالی کمتری  
رحمة للعالمین سگ ای شفیع پروفا

## بری

خوشکویان شعرا دن و منتسبین طریقت مولویه دن بر ذات  
 اولوب (مغیسا) لی در . دیوانیه (بلبلیه) اسمنده کی اثر  
 متوری (مغیسا) ده (چاشنیکیر) کتبخانه سنده موجود در .  
 دیوانتی شاعر مشهور (نابی) افندی تقریض ایلشدر . (مغیسا)  
 حقنده مطول بر قصیده سی وارد در . (بلبله) سی مطبوعدر .  
 (۱۱۲۸) تاریخنده مملکتکند ار تحال ایلشدر . اسکی مولویخانه  
 خطیره سنده مدفون اولدینی مرویدر . عطارلق صنعتیه مشغول  
 ایدی . بر تسدیسندن :

حالکدن ایتمه بری شکایت رضا کوزه ت


ربك قو ایله سین سنی محمله تربیت

مختسز اولماز اهل دله کسب منزلت

ایله دل خزینه ینه بو بیت ایله تسلیت

هر کس بقدر خویش گرفتار محنت است

کس را نداده اند برات مسامی



## بحری افندی

عاشقین شعرا دن بر ذات اولوب « اطنه » ایدر. والد کثیر  
المحامد حضرت خلافتناهی جنتمکان سلطان عبدالمجید خان  
غازی دورنده « ازمیرده » خدمت کتابتله موظف ایکن  
ارتحال ایتدیکی ( فطین ) تذکره سنده محرردر .  
برنخمیسندن :

نسل پاک انیادر اول شاه نور سته دل  
که بلای عشقی ایچره اولمشزهب تشنه دل  
نار حسرتله یاقیلیمش بحرئ اشکنه دل

بر ایچم صوایسته دی هجرنده باقی خسته دل  
ویرمدی قطعا جواب اکا طیادی خنچرک

## بنلری زاده حافظ احمد طلعت افندی

علماء شعرا دن عاشق رسول خدا بر ذات اولوب پدری  
« ازمیر » قراسندن ( بنلر ) قریه سندن اولدیغیچون « ازمیرجه »  
( بنلری ) زاده شهرتیه بنامدر. اکال تحصیلی در سعادت فضلا  
بنامندن خواجه شهیر حافظ شا کر افندی مرحومدندر. اخذ  
اجازیه موفق اولدقدن صوکره ازمیرده ( صحافلق ) له مشغول  
اولدی .

« ۱۳۲۱ » ده ارتحال ایدرك « قارشى ياقه » ده « صوغوق  
قويو » مزارستانه دفن ايدلدى . (منظومه موله) ك يالگيز  
ولادت نبى قسمنه عائد نظمنه موفق اولدينى تخميسى بروجه آتى  
درج قندى.

بسم الله الرحمن الرحيم

مكه در نور سعادت لانهسى      انده طوغدى عاشقك جانانهسى  
يا نيجه ايتمز طواف پروانهسى      اولدى بيت الله ولادت خانهسى  
امنه خاتون محمد انهسى

اول صدقن طوغدى اول در دانهسى

هم قياس اولمز بو خاص و عامله      عادت نسوانده اولماز كامله  
ظاهرآ بولمشدى اول اوكل فامله      سرحق ايتدى ظهور بونامله

چونكه عبداللهدن اولدى حامله

وقت ايرشدى هفته و ايامله

طوتدى افاقى صدای حور وعين

عرشدن على ديديلر اولدى زمين

بو سوزك فهمنده در هپ عارفين

اول جهانه لاله ويردى نور دين

هم محمد كملى اولدى يقين

چوق علامتلى بلوردى كلدين

متفقد در علما ایجه سی بویله تحقیق ایتدیلر خیلدجه سی  
 هپ سچلدی سوزلرک ایجه سی - اختلافک اولدی بونتیجه سی  
 اول ربیع الاول آیک نیجه سی  
 اون ایکنجی کیجه ائنین کیجه سی  
 کفرک اولدی هپ خراب کاشانه سی  
 هم دخی نو شروانک خانه سی  
 بتدی آتش کده لر افسانه سی  
 چونکه طوغدی عالمک پروانه سی  
 دیدی کوردم اول حیدیک انه سی  
 بر عجب نور کیم کونش پروانه سی  
 منبع نور اولدیغک کوردی عیان قالدی نور ایچره حیرته جوان  
 عرش و کرسی و قلم شویله هان کوزمک اوکنده دیدی بیکمان  
 برق اوروب چیقدی او مدن ناکهان  
 کوکلردک نور ایله دولدی جهان  
 اسمان یوزلر سوروب ایتدی دیلک  
 مهیننی تحریکه کلدی نه فلک  
 خادمی اولدی ملانک ایتمه شک  
 جبرائیل طوتدی قنادک عرشه دک



هم هوا اوزره دوشندی بردوشك

آدی سـندس دوشهـین انی ملك

عرض ایدم بویله ذوقی هـراره سویلرم اسراری بن عاشقـله  
عارفه حائل دکل طـاغ و دره باقـنه کوردی دیده لـر بردنـره

اوچ علم دخی دیکلدی اوچ یره

هر بریسن ایدم زدن نره

وقدر فخر رسالت کلمه نك بعثیده خلق جهـانه اولمه نك  
مطلع نور اولسیده مکه نك ایشته معناسی نشان دیکلمه نك

مغرب و مشرقده ایکیمی انك

بری طامنده دیکلدی کعبه نك

ایستدم دله کی حیرت کی می شش جهاتی يك نظرده کور می  
تا که بو کورد کلرم بیلنمی مفخر عالمـله بن فخر ایتـمی

بیلدم انلردن کی اول خلقك بکی

کیم یقین اولدی جهانه کلمکی

آفتابده یوق بو طور انکشاف

سروی بویلی تزلزایدی بی خلاف

هـب سکونت اوزره ایتزلردی لاف

انتظامده یوغیدی هیچ انحراف

این دیلر کو کدن ملکدر صاف صاف

کعبه کی ایتدیلر اوم طواف

پر شفا ایدی رفیقهم ای جهان

بن نلر کوردسه کوردی بیکیان

یوق ایدی خانه ده بشقه انس و جان

خادم خاص اولق ایچوندی همان

یاریلوب دیوار چیقدی نا کهان

کلدی اوچ حوری بکا اولدی عیان

بر زمان قارشومده شویله طور دیلر

بر بریله خیلی دم قونشدیلر

بیله مم که بکانه لر صور دیلر

حیرت اندر حیرتمی کوردیلر

چوره یانمه کلوب او طور دیلر

مصطفی بی بر برینه موش تولر

دیدیلر جمله ملائک ایندی بیل باق قیو اوکنده بکدر جبرائل

هپ بهشت انهاری اولدی سلسبیل عالی اولدی باخصوص نسل خلیل

بو سنک اوغلک کی قدر جیل

بر انایه ویرمامشدر اول جلیل

بز که عاجز بنده یز و حشت ندن شکل خوش اندامله گلش ایکن

خالقیدرد و جهاک کوندرن کر چه ظاهرده بز ز نشر ایلین

اولو دولت بولك ای دلداره سن  
طوغیسردر سندن اول خلق حسن

انیاء و اصفیانك جانیدر درکهنده خادم اولمق شانیدر  
انس و جنك حاعلی جانانیدر خلق کونین جمله بنده کانیدر  
بوکلن علم لدن سلطانیدر  
بوکلن توحید عرفان کانیدر

قلبکام نورله تزهیب ایتدیلر خاطر ویرانی تطیب ایتدیلر  
بوخصوصده مدح و توصیف ایتدیلر خیلی سوزشوقله ترکیب ایتدیلر  
وصفی بورسمه ترتیب ایتدیلر  
اول مبارک نوری ترغیب ایتدیلر

مهر و ماهک پرتونده یوق دوام  
هر برینک ظلمتی وار والسلام

طوغمسون خورشید طوغمسون اول هام  
طمان یری اغاردیغك كوردکده تام

امینه ایدر چو وقت اولدی تمام  
کیم وجوده کله اول خیر الانام

آتش عشقک کوکلده شدتی برطرفدن یاورومکده فرقتی  
اکلادیلر بنده کی بو حالتی کورمدم عالمده بویله حرمتی

صوصادم غایت حرارتدن قتی  
صوندیلر برجام طولوسی شرتی

بیله تم ساقیدی نه مخلوق ایدی

خوب ایدی بر دلبر معشوق ایدی

هم حریق العادلر يك چوق ایدی

باخصوص اولدم کوکل محروق ایدی

قاردن آق ایدی و هم صغوق ایدی

لذتی دخی شکرده یوق ایدی

کیتمدی حالا دماغمدن اودوق

نشوه سندن اولدی حاصل دلدۀ شوق

تا دروغمدن بنم اوردقجه برق

طوغمدن اول طوغدی صاندم شمس شرق

ایچدم انی اولدی وجودم نوره غرق

ایده مزدم کندی نوردن فرق

قالقدی کوزم پرده سی کوردم عیان

اولدی بردنبره بر بشقه جهان

هر طرفدن چاغریشورلر قدسیان

قالمدی خوف و تلاشم اولزمان

کلدی براق قوش قنادیله روان

ارقه می صیغادی قوتله همان

شاه کونینی کورن عین الیقین

شاد اولون مسرور اولون ای عاشقین

شوقیه تکبیر کتورسون عارفین

ایشته کلدی رحمة للعالمین

طوغدی اول ساعتده اول سلطان دین

نوره غرق اولدی سموات و زمین

نور چشم انبیاء مرسلین

صلواة الله علیهم اجمعین



### تأبیت مصطفیٰ افندی

علمای ارباب شعر و انشادن بر ذات اولوب (الاشهر) لیدر.

کوزلرینک شهلاغندن ناشی زماننده (کور مفتی) لقییه معروف  
ایدی .

در سعادتہ عزیمتله (سیدی احمد پاشا زاده محمد پاشایه)

خزینہ دار تعین ایدلدی . بومنا سبتله پاشانک بولوندوغی اسفارده

برابر بولاندی . پاشانک (بودین) ده شهادتله ارتحاندن صکره

کتخدالغندن یتشمه عثمان پاشانک نظر کرده سی اولدی . عثمان

پاشانک سفره مأموریتی سبیلہ یرینه (تیره) (متساحی) تعین

ایدلدیسه ده پاشانک وفاتندن صکره طالعی معکوس اوله رق

(۱۱۲۲) ده ارتحال ایلدی . مثنویاتی اشعار سائر سنه نسبتله

داها پارلا قدر هجویاتی ده مؤثر ایدی . قطعه آتیه جمله اشعار ننددر .



دل عاشقه جفادن کله روی یاره دوشمز  
کل نردن آه شکوه دهن هزاره دوشمز  
سرکوی یاره او غرار دل زاردن خبرویر  
دیمه ای صبا گذارم بنم اول دیاره دوشمز

### سالی

علماء شعرا دن وار باب صدق و اخلاص دن بر ذات اولوب  
( مغنيسا ) ليدر . اسمی ( محمد ) پدر ينك اسمی ( احمد ) در  
على الاصول اكمال تحصیلدن صكره اختیار سیاحت و بر مدت  
صكره ده مسلك نیابتده ایقاي حسن خدمت ایلدی . بر آراق  
مملكتته عودتنده سلطان ( سلیمان قانونی ) شهزاده لرندن ( مصطفی  
چلبی ) نك تعلیم و تدریسنه مأمور ایدیلر ك شهزاده مشار الیه  
نامنه علم صرفدن ( مقصود ) ی و علم فقهدن ( فقه اكبری )  
شرح ایتدی . بعده مشار اليهك ( امامسیه ) والیكنه تعینی  
دولاییسيله برابرجه ( امامسیه ) یه کیتدی . ( نبستان زلالی )  
نامنه ادبی بر اثری و ( بروسه ) ده دفین خاك عطرناك سادات  
حسینه دن ( امیر محمد شمس الدین ) بخاری حضر تلر ينك  
مناقب علیه لرینه دائر ( مناقب امیر سلطان ) نامنه مطبوع  
بر مناقبی واردر . ( ۹۶۰ ) نارینخنده ( امامسیه ) ده عازم دار  
عقب اولدی . مناقبنامه مذکور اساساً منشور ايسه ده السنه

ثالثه اوزره عاشقانه بر خلی منظومه لری ده حاویدر که ابیات  
آتیه اثر مذکورده کی بر نعت شریفندو :

محمد آب روی انیادر محمد مرسلینک خاتمی در

محمد نور چشم اتقادر قوناسک مکرماکرمی در

یازمامش قاضی و کشاف و جریر طبری

خبرم یوق کوزلم کیمدن آلایم خبری

نقرات مشهوره سنی حاوی اولان منظومه طویله و عارفانهک

( ثنائی ) مخلصی شعرای عثمانیه دن ( بالیکسر ) لی و یا

( ادرنه ) لی ثنائیلرک اولدیغنده اشتباه و ارسه ده صاحب ترجمهک

اولدیغنه دائر بعض قرائن واردر .

### ثروت افندی

عصر اخیرده ( از میر ) ک یتشیدر دیکی قوی طبیعت شعرادن

اولوب مسقط رأسی ( از میر ) ، اسمی ( حسن ) در . اسمیه

مخلصی تاریخ ولادت اولان ( ۱۲۲۴ ) سنه سی مشعردر .

طبیعت شاعرانه سنه مشاهیر شعرای عثمانیه دن ( اوزیجه ) لی

( ثابت ) افندی مرحومک بین الشعرا مشهور اولان ( معراجیه )

سنه یازدیغی و ( ۱۲۶۵ ) تاریخنده از میرده طبع اولان تخمیس

شاهددر . بوندن باشقه بر دیوان تشکیل ایده جک اشعار

متوعه سی واردر . ( ۱۲۸۵ ) تاریخنده در سعادتده ارتحال

ایده رک قبا طاشدن بشیکطاشه کیدن جاده نک صول طرفدکی  
 اوافق مقبره یه دفن ایدلدی . ( معراجیه سنک مطاعندن )

کال اشتیاقندن جناب حی لایفی

طلبکار وصال نازنین اولدی اوشب مولا

حیدین ایسته دی برکیجه دعوتجی ایدوب اسرا

خوشا فرخنده اختر لیلہ ممتاز و مستنا

که عنوان برات قدر پدر سرسوره اسرا

### مسیحی

متصوفانه اشعار یازان قدماء شعرادن اولوب تذاکر نویساندن  
 ( لطیفی ) قولنجه روم ایلی دندر . ( ۱۳۰۵ ) نار یخنده یازلمش  
 بر نسخه سی « سلا نیک » ده منظور عاجزی اولان بر جلد کیر  
 « جامع النصایح » اسمنده کی اثر قیمته دارینک مطلبی بروجہ آتی  
 نقل ایدلدی :

الهی سن سین اولان خلاق ومولا

که ذاتکدر منزہ قدرک أعلا

کمنه یوقدر هر کز شریکک

بدلی اولیسر سکا یا مثلا

احددر ذات پاکک چوق صفاتک

ایرشمز علمکه عقل ودل اصلا

يالکز سين انادن سين مجرد  
انادن کله دک يوق سکا نـالا

ايکی ديين اولور مغبون ومحروم  
منزه تکرری سين حاشا وکلا

« صاروخان » سنجاغی داخلنده « کوردوس » ده زیارت  
اولنقده اولان اولان « حسینی » نک بعض قرائنه کوره بوذات  
اولسی مأمول قویدر .

### مائی

زمره سپاهیانندن و منتسبین طریقت مولویه دن بر شاعر  
قوی طبیعت اولوب « تیره » لیدر . « آه درویش حاتی کچدی »  
مصراعنک دلالتی اولان « ۱۰۱۲ » تاریخنده ارتحال ایتدی .  
مناقب جناب مولانای نظم ایتمش و « کنجینه زار » صاحبی  
شاعر مشهور « یحیی » بکک « اصولنامه » سنه « اصل الاصول »  
نامیله کوزل بر نظیره یازمشدرکه هرایکی سیده غیر مطبوعدر .  
ایاتندن :

پاک ایت قلبی یورونی کبی حاتی  
کشف اوله ناکه نیدوکی اسرار مشوی

## شعرهای مایه افندی

فضای شعرادن بر ذات اولوب «اقحصار» قضاسنك  
 «مرمره» ناحیه سندنذر . اكمال تحصیلدن صکره مملکتی  
 مقبله کننده ایفای وظائف شرعیه ایلدی . «۱۱۵۹» تاریخنده  
 «مرمره» ده ارتحال ایلدی . بازار جامعشریفی خطیره سنده  
 مدفوندر . منظوم و مطبوع قصیده برئه ترجمه سی آثارینك  
 اك مشهوری در . سنك مزارنده منقوش اولوب زمانی  
 شعراسندن «ساعی» طرفندن سویلانیان تاریخ بوجه آتی  
 درج ایلدی :

مرمره مفتیسی حلوی بر افضال و کمال  
 یعنی عبده افندی احسن اه الیه

ایلدی با امر حق دار بقایه ارتحال  
 مقصد صدق ملیک اوزره اوله بین یدیه

فوتنك تاریخنی اخلاص ایله ساعی دیدی  
 كوچدی عبده افندی رحمة اه علیه

## شعرهای مایه افندی

علمای شعردن حسن حال ایله موصوف بر ذات اونوب  
 اسمی «احمد» مسقط رأسی «صاروخان» سنجانی ملحقانندن  
 «دورغودلی - قصبه» در . برای تحصیل استانبوله کیدرک  
 شیخ الاسلام «منقاری زاده یحیی» افندیدن اخذ علم ایتدکن



صکره تدریس مکفاتی اولمق اوزره دور مدارسه « مدرسه  
 سلیمانیه » مدرسی اولدی . بووجهله کذارنده اوقات ایکن  
 « ۱۱۲۳ » ده ارتحال ایلدی . دیوانجه تشکیل ایدجک قدر  
 اشعاری واردر . بیت آتی زاده طبع شاعرانه سنددر .  
 کوروشدجکه دل دلداری صاف وساده اکلارست  
 نیجه ساده نزاکت « حمدیا » اول غنچه ده قان قان

### غمدلی صالح زهره

ترجه حالی سبق ایدن حضرت ( شاهی ) پدر عالیقدریدر ،  
 ( ۸۸۵ ) تاریخنده ( موغله ) ده عازم سمت ملکوت اولدی .  
 زاده طبع عارفانه لرندن اولان بیت آتی میان مولویانده زبازرد  
 و مشهوردر .

ای دل ایستر ایسه اکر کامل اوله نقصانک  
 سکه سی التیه کیر حضرت مولانانک  
 قطعه آتیه دخی زاده طبع عاشقانه لرنددر .  
 عشقه باغلانندی کوکل بندن چکوب ال نیلهیم  
 بندن چوق راضی اولور بندندن آزاد اولسون  
 صورمازم اسرار عشقک مشکندن زاهده  
 چونکه شاگرد اولماش بوفنده استاد اولسون

## مباحی حافظ خلیل دوده

مشایخ مولویه دن بر ذات اولوب (۱۲۱۸) تار یخنده  
 « از میر » ده سماعخانه هستی به قدمهاده اوله رق یدی یاشنده  
 حفظ قرآنی اکمال و « ۱۸ » یاشنده علم قرائتدن اجازتنامه  
 استحصال ایلشدر . « ۳۵ » یاشنده ایکن طریقت علیّه  
 نقشبندیه اکابرندن « محمد جای هندی » حضرتلرینک اخص  
 خلفاسندن « بدخشانی » افندیدن دست ارشاد آلهرق مؤخرأ  
 « در سعادت » عزیمتله فضلالی رجال مولویه دن « یکی قوشیخی  
 عثمان صلاح الدین » افندی مرحوم عرض اقرار و انتساب  
 و درگاه مذکورده چله بی تکمیله موفق اولمشدر . « از میره »  
 عودتنده سلطان « عبدالحجید » خان غازی حضرتلرینک عنایت  
 واحسان دیندارانه لریله شهرک کوزل و دلکشا بر موقعی تزیین  
 ایتمکده اولان درگاه صفا بخشای مولوی بی تأسیس و انشاء ایلک  
 موفقیتنده بولونمشدر .

درگاه مذکورده « ۳۸ » سنه سجاد نشین ارشاد اولدودن  
 صوگرا « ۱۳۴۵ » تار یخنده سکسان یدی یاشنده اولدینی حاله  
 جهان فانیدن عالم باقی به انتقال ایله بانسی اولدینی مولویخانهک  
 سماعخانه سی دروننه دفن ایلدی . مرحوم مشـار الیهک علم  
 قرائتده کی حسن ادا و اختصاصی از میرجه معلومدر . وجوه  
 سبعیه دائر اثر مخصوصلری وارددر .

قطعه آتیه لری کندیلرینک علم شعرده اولان آتسابلرینه  
دالدر .

ماتم سور فلک عارفه سیاندر بیل  
درد صبراهلی اولان کامله درماندر بیل  
کوسمه تقدیره براق شکوهی هر حال کچر  
رنج و غم ذوق و صفا واصل پایاندر بیل

### سالم افندی

قوله وحوالیدسنجه شعرله اشتهارایابین ذواتدندر. « ۱۲۴۵ »  
تاریخنده مملکتینده ارتحال ایلدی بونکده اثار شعریه سی جمع  
وضبط ایدیله مامشدر . بر غزلی اییانتندن :  
یازسه عاشق یارینه بار کیران محنتن  
الف قد خامه سی اولوردم اعلامده لام  
سالم انسانا احسان اکلادم ایلر اسیر  
کوره لی ترکیب مشکین معنی اکرآمده رام

### شهرودی دوده

سابق الترجمه شاهی « ابراهیم دوده » حضرتلرینک  
مخدوم عرفانمیدر. « اسراردهده » تذکره سنده ولد معنوی لری

اولمق اوزره مقیددنه. قرق کسور سنه « موغله » مولو یخانه -  
 سنده جانشین پدر اوله رق بیك تاریخنده « موغله » ده عزیم  
 کاشنسرای بقایا ایلدی . « عاشق چلبی » تذکره سنده قطعه  
 آتیه لری مندر جدر :

دهانی فکر دله غنجه کازار جانمدر  
 خیالی سرو قدك خیلیدن خاطر نشامدر  
 فراق اعل نابکله بلا بزمنده ای ساقی  
 دمام اشك کلکونم شراب ارغوانمدر

### شرفی محمد افندی

فضلا ی شعرا دن بر ذات اولوب سابق الترجمه « قوله » لی  
 « عالی » افندی نك مخدوم فضائل موسومیدر. علی الاصولا کمال  
 تحصیلدن صکره مملکتی مفتی کینه تعیین اوله رق علی روایه  
 قرق سنه قدر ایفای وظائف شرعیه ایدرک « ۱۲۴۳ » تاریخنده  
 « قوله » ده ارتحال ایتدی.

« قوله » ده تکیه جامع شریفی مناره سنه سویلدیکی تاریخ سلیمی  
 بر وجه آتی درج ایدلدی :

بو مناره ایله قلوب مسجد پاکی تزیین  
 صاحب الحیره ویره اجر جزیل رب معین  
 بو ظریف لفظله بومصرع منقوط تاریخ  
 نه کوزل مرکز دعوت نه کوزل خیر کزین

اشعاری دیوان تشکیل ایدہ جک قدر ایسہ دہ متفرق بر  
حالدہ قلوب جمع وتدوین اولنہ مامشدر.

### صاری کمال

اشعار عثمانیہ نك مؤسسہ سارندن معدود بر شاعر فاضل  
اولوب «برغمہ» لیدر . فضل وکالی «فاتح» دوری وزرای  
عظامندن «محمود» پاشای ولی طرفندن کمالیلہ تقدیر اولنہ رق  
«ادرنہ» جوارندہ کی «خاصکوی» دہ بنا ایتدکاری مدرسہ یہ  
مدرس تعیین اولندی . «معجم فی انارملوک عجم» اسمندہ اثر  
فارسی یی «ترجمان البلاغہ» نامیلہ ترجمہ ایتشدرد. مرتب دیوانی دہ  
واردرد. ابیاتندن :

بلبلک فریادی حدنکدندردر کلدن دکل  
عاشقک افغانی لعانہ ندررد ملدن دکل

### عمرسی دہرہ

شعرای مولوبہ دن عاشق مجاہد برذات اولوب (تیرہ) لیدر.  
شاهد ومشہودی کنی اعظمہ خدمت ایتمش ملا ایکن مولوی  
اولمشدر . مشاہیر شعرای عثمانیہ دن یکیکجہ لی «خیالی» بکلہ  
بر مدت رفاقتی وبر قاقچ مشاعرہ سی واردرد. بیک نارینجہ قریب



(موره) ده ارتحال ایلدی. منظومه آتیه زاده طبع عاشقانه لریدر:

یآتمه او یان ، ایتمه زیان	وقت سحر قم قم قم
تا که اولاسین واقف جان	» » » »
طوغدی سعادت کونشی	طوتدی ضیاع طاغ طاشی
غفلته آلدیرمه باشی	» » » »
آدمه اولدکسه خلف	ایله ایلمی تلف
ایستر ایسه ک ایره شرف	» » » »
عرش شیدادن اکر	ایستر ایسه ک دوغری خبر
راه حقه ایله سفر	وقت سحر قم قم قم

### علی افندی

علماء شعرادن بر ذات اولوب (قوله) لیدر. بدایت تحصیلی در ساعات و بروسه علماسندن نهایی خادمی مرحوم مدنر. اکمال تحصیلدن صکر طریقت نقش بندیه انتساب ایلدی. « ۱۱۸۶ » تاریخده تألیف ایتدیکی (تحفه) نامنده منظوم عربی العبارة بر اثری و بر خیللی آثار شعریه سی واردر. « اق حصار » کتبخانه سنده مکمل مجموعه اشعاری ده بولندینی مرویدر. مدفنک بروسه ویا ساقزده اولدینی منقولدر.

## فرخی

نکته کویان شعرای مولویه دن بر ذات اولوب ( اقتصار )  
ایدر . ( ۱۰۰۰ ) کسور تاریخلرنده درسمادته ارتحال ایلدی .  
تذا کیر نویسان شعرا دن « عاشق چلبی » فرخی بی حج شریف  
زیارتندن عودتی متعاقب درسمادته کوردیکی و معمریندن بر  
ذات اولدیغنی روایت ایدیور . جنتمکان سلطان بایزید ثانی :

هر درکه پیدا شود از سینه خا کم

ابروی شود و کریه کند بر سر خا کم

بیتی انشاد بیوره رق تنظیرینی امر بیورد قلرنده صاحب

ترجمه فرخی :

هر داغ که در دست برسد بر دل چا کم

لاله شود و پای زند بر سر خا کم

بتیله تنظیر ایدرک مظهر التفات شهریاری اولمشدر قطعه

آیه دخی اشعار عاشقانه سندندر :

دله بر دم غمکی ایتمک اکسک صما

اگر ادمک ایسه آنجق اولور وار اولاسین

نیله سین حانی هر دم نه جگر مش عاشق

کوره یم عشقه دوشوب سنده گرفتار اولاسین

## فردی عباده افندی

فضلا و ارباب شعر و انشادن صاحب وجد و حال بر ذات  
 اولوب شهریدر اکمال تحصیلدن صکره « صاروخان » سنجینغی  
 مضافاتندن « قصبه - دورغودلی » مفتیالکینه تعیین اولنلار  
 مدت مدیده افتا و تدریس ایله مشغول اولدی . برارهلق حج  
 شریفه عزیمت ایدرک « مکة مکرّمه » اکابر « نقشبندیدن »  
 « هندی محمد جان » افندیدن استخلاف ایلدی . اواخر عمرنده  
 « درسعاده » رحلتله « فاتح » جوارندهکی « امیر احمد بخاری »  
 درکاهی مشیخته تعیین اولندی . بو خدمتله گذارنده اوقات  
 ایکن ارتحال ایدرک درگاه مذکور خفیه سنه دفن ایلدی .  
 دیوانجه اسفاری و تذاکر شعرادن « فطین » افندی تذکره سنه  
 قدح ردیفنده بر غزلی واردر .

« قصبه ده » « پاشا » جامع شریفی حولیسنده ارباب خیر  
 و یساردن « حاجی حسین » اغا طرفدن بنا اولسان کتبخانه  
 سویلدیکی تاریخی بروجه آتی درج قلندی :

تعالی اه نه خوش دار معلا	کتبله اولدی تریین مجلا
اولوب حاجی حسین اغاموفق	بو بنایی یکیدن قیلدی انشا
زهی توفیق جودبذل همت	سزا اجر جزیل دار عقبا
مکارم پیشه بیل عین کرامت	ایدوب علم شریفی بونده احیا
دیدي انشاسنه تاریخ فردی	کتبخانه بنا اولدی نه زیبا

اشبو کتبخانه ده اثار علمیه و عرفانیه سندن اولمق اوزره  
 « ۱۲۵۹ » تاریخنده خط دستیله محرر بر مجموعه ده طریقت  
 « شاذلیه » احزابندن اولان صلوٰۃ « مشیشیه » شرحی ایله  
 « علامه جلال الدین سیوطی نک » آیات منسوخه حقه کی  
 منظومه سنک نظماً ترجمه و شرح لرینی حاوی موجب استفاده  
 اناری منظور عاجزی اولدی. منظومه مذکوره مقدمه سنده  
 مکتبت مفتاح بسماه ایله

فتح اولور هر بر مشکلات اه ایله  
 حمدا زینت افزای کلام  
 روضه پاکه صلات ایله سلام  
 ال و اصحابک اوله ارواحی شاد  
 راضی اولسون جمله دن رب عباد

### کامل مولوی

خوشگویان شعرای مولویه دن اولوب « مغنیسا » لیدر .  
 « ۱۰۶۸ » تاریخنده تنوره کشادی عالم لاهوت اولدی .  
 ( بروسه ) ده مدفون اولان سلاطین ، وزرا ، مشایخ ، علما ،  
 شعرا و ارباب صنایعک تراجم احوالی مبین مطبوع ( کلدسته  
 ریاضی عرفان ) صاحبی فضلالی شعرا دن بروسه لی ( بلیغ  
 اسماعیل ) افندی نک شعرای عثمانیه دن ( فائضی ) نک ( زبده

الاشعار ) نه يازديقي ( نخبه الانار ) اسـ منده كي ( تذـ كرهـ سـ نده  
صاحب ترجمه كامل مولو ينك ( نوروزيه ) قصيده سـ ندن النـ  
ابيات آتـيه مندرجـدر :

باعث ناطقه پـرانه مرغان چـن  
باركاه زهـي عقده كـشادي نوروز

دميدر بلبل شيدا نه قدر مست اولسه  
هر كلك ساغري دستنده براي نوروز

( غالب دوده ) همدملرندن ( اسرار دوده ) افندي ده  
( كامل مولو ينك ) ثناخوانلر نـندر .



### كـسـيـن افندي

علما ، شعـرادن بر ذات اولوب دكزلي سنجـاغـي مـاحـقـانـدن  
( سراي كوي ) قضا سـنك قاضي كوينـدنـدر . مغـله كـتـبـخـانه سـنده  
منظورم اولان اوچ لسان اوزره مرتب لغت منظومه سـندن  
ابيات آتـيه درج ايدلـدي :

دكزلي قريه سي قاضي كوينـدن  
اولوز اصـلم خوش كوش ايله كل سـن  
مقام اولدي بكا قسطنطينيه  
حماها اه عن كل البـليه



لغت منظومه سی مطلعندن :

تکری واه خدای طاقت کوجدر توان  
 یاز او قوا کتب نویس هم داخی اقرأ بخوان  
 زمان تألیفی ابیات آنیه ایله بیان ایله یور :  
 آکله کل اجمد حسابن ای جوان  
 صای الفدن یایه دک بربر همان

یادن اون اون قافه دک ای خوش نکار  
 قافدن تاغینه دک یوز یوز قیل شمار  
 بو حسابی آکلادکسه کر تمام  
 شمدی بیل تاریخ نظم ای هام  
 جمله دن یک دوشدی تاریخ ای جوان  
 او قو تحفه م بول حیات جاودان

فاعلاتن فاعلاتن فاعلات  
 تحفه می حفظ ایله ایچ آب حیات  
 هر که کسکین را کند باخیر یاد  
 دردو عالم روح اوشادان باد



## مقالی مصطفیٰ بك

آتی الترجمہ منشی مشہور (ویسی) افندی صاحب  
ترجمہ نك همشیره زادہ سیدر . نکتہ کویان شعرا دن بر ذات  
اولوب مقدمات علومى مملکتی اولان (الاشهر) ده بعدالتحصیل  
در سعادتہ عزیمت وعصرى فضلاسندن (عرب زادہ) افندینك  
خلقہ تدریسہ ملازمتہ اخذ اجازت ایلدی . بعدہ امور  
حکومتہ استخدام اوانہرق (۹۹۲) تاریخندہ دار آخرتہ  
رحلت ایلدی .

( ادرنہ قپوسی [۳] خارجندہ دفین خاك مغفرتدرہ معلوم  
اولان مرتب دیوانندن بشقہ برقاج رسائی ده اولدینی مرویدر .  
ابیاتنہ :

مقالی طعن اعدادن نہ غم ارباب عرفانہ  
اتار لر طاشی البتدہ درخت میوہ دار اوزرینہ  
بیت معنیداری عادتاً ضرب مثل حکمندہ زبانندہ در .  
دامن ہمت دراز اما طالب کوناه دست  
رتبہ ادبار عالی پایہ اقبال پست  
بیت مشہوری ده معاصرى اولان (فضولی) نك

سایہ امید زائل افتاب شوق و کرم |  
رتبہ ادبار عالی پایہ تدبیر دون |  
بیٹنہ نظیرہ ویا اثر توارد در .

بر عزائندن :

ياردن خورسند و اعدادن ملامت ديدنه يز

شاكرز كلدن وليكن خارندن رنجيده يز

حاصلي چكديك كريبان تعلقندن الى

سرو كي كوشه عزائنده دامن چيده يز

بزكه نقش اولدق مقالی خالقده داغله

روي ياري كورمكه باشدن اياغده ديدنه يز

تذاكر نويسانندن ( قينالى زاده حسن چلبى ) نك صاحب

ترجمه نك معاصرى و همشهريسى اولدق اوزره بر ( مقالى ) دها

ذكر ايمهسى اثر ذهولدر.

### محمد لطفى دوده

بايرام چلبى اولادنندن مغنيسا مولويخانهسى شيخى على

نقشى افنديك مخدومى اولدينى ومومى اليهك وفاتندن صكره

درگاه مذكور مشيخته نائل و ( ۱۲۵۰ ) تاريخنده داربقايه

منتقل بولوندوغنى ( تذكرة فطين ) ده محرر در. ابيات عارفانه

سندن:

وصل قيدي وصله مانع در كرمكانى دوده

واصل اولور حقه اول كيم ماسوايى ترك ايدنه

### مهری افندی

شعراى مولويه دن بر ذات اولوب ( از مير ) ليدر تذا کر  
شعرادن فطین افندی تذکره سنده محرر اولدینی اوزره  
( ۱۲۵۵ ) تاریخلرنده در سعادته کیدرک اقلام عسکرینه دن  
خاصه اردوی همایون مجلس قلمی کتبه سی عدادینه داخل  
اولدی .

( نایزنلک ) ده انتسابی وار ایدی . ( فطین ) تذکره سنده  
محرر ( دوغرو دن طوغرویه ) ردیفلی غزلدن :

کچن اگری قیودن طوغرو کچدی سر و قدلرله  
خلافم یوق بحق قد جانان دوغرو دن دوغرو  
رقیبیا اگری بوکری سمت جانانی دولاشمقدن  
عدم سمتیه کیمک سکا شایان دوغرو دن دوغرو

### مصطفی عزیز افندی

طریقت خلوتیه نك ( مصریه ) شعبه سی مشایخندن بر ذات  
اولوب ( اغریبوز ) ليدر . طریقت مصریه منتسبیدینی میاننده  
( کوچوک شیخ ) شهرتیه بنام اولان ( اغریبوز ) ده مدفون  
( شیخ سعاده ) افندی حضرتلرینک اخص خلفاسندندر .

(۱۲۵۶) تاریخ‌نمده . قدما هجرت ایتدکاری ( از میر ) ده وفات  
ایلدی . باصمه خانه قربنده کی « مصری » در کاهنده دین  
خاکدر . دیوانلرینک ضیاعه اوغرادینی مرویدر . مع هذا  
زاده طبع عارفانه لری اولان برخیلی اشعار والهباتی ده موجوددر .  
شعرده « شیخی » مخلصیه تحاص ایدرلردی . بر قطعه لری

مرشد کامل آدمی جام جهانم - ایدر

جام جهانم - انه در آینه خدا ایدر

مرشد کامل آدمی فارغ ماسوا ایدر

فارغ ماسوا نه در واصل کبریا ایدر

❧ غزل ❧

کوه قاف تنده جانان مرغ عنقادر کوکل

انک ایچون جسمی یوق بر سر اخفادر کوکل

هر نه ایسترسه ک یوری عرض ایله کز مه سرسری

شبه سز بیل جلوه گاه رب اعلا در کوکل

ایریشوب غیب هویتدن اکا هر دم فتوح

فیض رب العالمینه اوز که مأوا در کوکل

صورتا تنده نهان اولمش دلا بر قطره در .

هر طرفدن قاپلامش معناده در یادر کوکل



کز مه مجنون کبی صحرای جهانی سر تسر  
 کل ایریش مطلوبه کور که نه لیلا در کوکل  
 مصر تنده ایتک ایچون نفس فرعونی هلاک  
 موسیٰ معجز نما هم دست بیضادر کوکل  
 جزء نور حق درر ایتمز تجزی هیچ قبول  
 تا ابد باقی درر صانه هیولادر کوکل  
 کرچه حا کدر وجود اقلیمه خارج دکل  
 صانه داخلدر بکم تندن معرادر کوکل  
 عرش اعلا در بیوردی چون حدیثنده رسول  
 حج ا کبر قیل طواف ایت بیت علیادر کوکل  
 لال اولور دلا تعریض ایتمکدر محال  
 وصف اولماز قال ایله سر معماردر کوکل  
 طرفه العین ایچره طی ایلز قمو منزللری  
 شیخیابیل اشنای سراسرادر کوکل

### محرم بابا

طریقت مولویه عرفاء شعرا سندن قلندر مشرب بر ذات  
 اولوب « ملاطیه » لیدر . عمرینک اکثر زماننی سیاحتله  
 کچیرمش و « ۱۲۷۳ » تاریخنده « از میر » ده ارتحال ایتمشدر .

مولوی خانہ قارشوسندہ کی دہدہ کان قبرستان سندہ مدفوندر .  
اکثر اشعارى عاشقانه و نصایح پرورانہ در . اصطلاحات  
علوم درج ایدلک اوزرہ طالب علم اولان بر طفل نورستہ  
سویلدیکی منظومہ نصایح آمیزی بویوک یازیلان منظومہ لک  
پارلاق لرننددر .

منظومہ مذکورہ نك مطلعندن :

ای نوازندہ جمعیت بزم علما  
وی درخشندہ کیفیت عین عرفا  
سن سین اول حافظ قرآن حسنکم ازلی  
ویرمش اول علم لطیفی سکا نامیلہ خدا  
شمدی علم عرب وفارسیہ دوشمش میلک  
مکتب عشقہ کل ای طفل سباقخوان وفا  
علمہ قدک کبی اک اول الفدن باشلا  
عجمیلکده سکا تاکہ کورن دیہ بیا  
او قویوب صرف تہجی بی اصولیلہ تمام  
ایلہ اجرای قرائت چولسان فصحا  
حتم قرآن ایدیلک باشلاہان تجویدی  
مکی ومدنی فرق ایدہ رک ایت فرضی ادا  
علم حالو امة نور

ره تحصیلده سکا۔ احب دین رهبر اول  
بعد ذا امله دن باشلا اصول عرب  
انصر ینصر دن نصرت ایده حق ده سکا  
حسن یحسن دن ضرب ایدره ک عشاق  
جلاس یجلاس دن بز مه یوروبی پروا  
ابیات سائرہ سندنر :

نمکریز سرشک چشم ترله خمری حل ایتدم  
حریم وصلده نیت العنب محرم حلامدر .

### مصطفی فارغ افندی

مشـ ایخ طریقت رفاعیه دن طبعت شعریه یه مالک بر ذات  
اولوب ( موره ) نک [ کوردوس۔ قورینت ] قصبه سی مهاجر۔  
لرندندر . ( ۱۲۷۵ ) تار یخنده اولجه هجرت ایتدیکی ( از میر ) ده  
ارتحال ایتدی . یوقاری روم محله سنده بنا کرده سی اولان  
رفاعی درکاهنده مدفوندر . مرتب دیوانجه سی مطالعه کذارم  
اولدی . مناجات منظومه۔ نندن :

درد سنک ، درمان سنکدر یاغیاث

قول سنک ، احسان سنکدر یاغیاث

اتمه محتاج غیری بابہ ای کریم

ان سنکدر یاغیاث

## محمد نجیب افندی

ترجمه حالی مشایخ فصلنامه مذکور ( شیخ نزولی ) افندیك  
 اخفادنن عاشق و طبیعت شعریه مالک بر ذاتدر . علوم  
 عربیهی ( قوله ) علماسندن ( قره حصارى ) ( خلیل زهدی )  
 افدیدن تحصیل ایلدی . برادری شیخ عبدالرحمن افندییه  
 خلف اوله رق درگاه نزولی سجاده نشینی ایکن ( ۱۳۲۰ )  
 تار یخنده ارتحال ایلدی . اشعاری جمع و تدوین اولنه مامشدر .

ایاتندن :

نجیبا لوح خاطر دن سیاندی صورت اغیار  
 نكارك پیکری نقش درونمده مقیددر  
 دیگر

بن نجیم فیض باران چمنزار دله  
 ایسته یں کلسون نزولی بن نزولی زاده یم

## وبسی

طرز قدیم منشیلرینک رئیس و پیری مقامنده اولوب  
 محمد افندی نامنده الاشهرلی بر قاضی نك مخدوم فضائلوسومی  
 وسابق الترجه شاعر ( مقالی ) نك همشیره زاده سیدر . ( ۹۶۹ ) ده  
 الاشهرده تولد ایلوب مقدا علومى تحصیلدن صکره درسعاده

عزیمتله صدور عظام و علمای بنامدن صالح واحد افندیلردن  
تکمیل نسخ ایدهرک مسلك نیابتہ سالک اولوب بدایة خطہ  
مصر یهده رشید و سائرہ کی بلدهلرده مؤخرآ اناطولی قطعه سنده  
اقحصار، تیره، الاشهرده و روم ایلده سیروز، تکفور طاغی،  
اسکوب، کوملجنه کی بلدهلرده اجرای نیابت ایلدی.  
اسکوبده سکزنجی نیابتی تاریخی اولان (۱۰۳۷) نارینخنده  
ارتحال ایدهرک (قومانووه) جاده سنده کی مزارستانده و دیعه  
خاک فنا قلندی. وفاتنه دائر زمانی شعراسی طرفندن سویلمن  
تاریخلرک اک مشهوری ذیل شقایق صاحبی (نوعی زاده عطائی)  
افدینک شو :

ویسی که اولمشیدی تغزلده بی بدل  
تعیین سال فوتنه تاریخدر (غزل)

زیارت ایتدیکم منشور مرابعی شکانده کی سنک مزارنده  
ایسه وفات تاریخی اولق اوزره :  
(قوجه ویسی بی جنتک قپوسنده برافان) یالاکز بو بیت  
عادی محکو کدر .

(دیدی احبابک بزی تاریخی، جان ویسی کیتدی باب  
جنته) آثار ادبیانه سی بروجہ زیردر :

[۱] (درة التاج فی سیرة صاحب المعراج) آثارینک اک  
مشهوری اولوب ساده جه (سیر ویسی) نامیلدهده معروفدر .



مکه و مدینه نامیه ایکی قسمه منقسم اولان بواثرینک اتمامه  
عمری وفا ایتدیکندن غزوۀ بدره قدر یازمه بیلیمشدر . مؤخرآ  
شاعر نابی ایله نظمی زاده بغدادی طرفلرندن تذیل ایدلمشدر که  
اصلیه نابی نک زیلی مطبوعدر .

[۲] ( دستور العمل ) ( شهادتنامه ) اسمیه ده موسوم  
اولان بواثرک موضوعی ارکان سته اسلامیه نک مباهات  
و مناظرانه دائر دینی ، حکمی برطاقم مقالاتی حاوی اوچ جزء  
قدر بر اثر معتبر اولوب مطبوعدر .

[۳] ( خوابنامه ) ( اول زمانده می عالم معمور و آبادن  
ایدی ) فقراتی التمهده تاریخی ، اخلاقی ، حکمی پر عبر بر  
طاقم امثله عیدده دن عبارت اولوب مطبوعدر .

[۴] ( توبه نامه ) مطلعی شو: ( یترا ی دل هوس زلف  
سپهکار یترا ) اولان عبرت آمیز بر منظومه در که بو منظومه ده :

پیرو اولدم اوسخن پروره ایتدم توبه  
دائما ره سیر عمد و خطا ایتدکریمه  
بیتمده کی سخن پروردن مقصد

توبه یارب خطا یوانه کیتدکریمه  
بیلوب ایتدکریمه بیلیمیوب ایتدکریمه  
بیتک قائل مؤسس طریقت  
( زینیه ) ( زین الدین خانی )  
حضرت تلوینک اخص حلقه اسندن  
شیخ ( عبدالرحیم مزینونی در

[۵] ( مرج البخرین ) صاحب قاموس ( محمدالدین فیروز  
آبادی ) نک ( صحاح فی اللغة ) صاحبی ( ابی نصر اسماعیل بن  
حماد الجوهري ) یه ایتدیکی اعتراضاته اجوبه در که دقایق علم

لقله متوغل ذواته اسه تفاده بخش آتاردن اولان بواثر غیر  
مطبوعدر .

[۶] (فتوح مصر) اسمندن دخی اکلشیلدینی<sup>۱</sup> اوزره  
فتوح مصری حاکی تاریخی بر اثر درکه انجق فاتح مصر<sup>۲</sup> (عمر  
ابن عاص) وقایعی حاوی اولوب غیر مطبوعدر .  
[۷] «واقعه نامه» زمانی احوالی تنقید وادیسنده بر اثر  
اولوب غیر مطبوعدر .

[۸] «دیوان» طرز معلوم اوزره مرتب اولوب غیر  
مطبوعدر .

[۹] «منشآت» : مکاتیب منشیانه سندن بقسم اعظمی جامع  
اولوب مطبوعدر .

[۱۰] «هدیه المخلصین وتذکرة المحسنین» عقائد و اخلاقه  
دائر اولوب غیر مطبوعدر .

ایاتندن :

بزم اقبالنی نار ایلمسون دیرسه فلك

کشی یاقدینی چراغ اوسته پروانه کرک

دیگر

فلکدن کوشمال غم کوروب زار اولدیلر داثم

شولر کیم ایل سوزینه اویدیلر چنک و رباب آسا

فضائل علمیه و قدرت ادبیه لری مسلم انام اولان صاحب  
ترجمه نك طرز تحریری کرچه - سائق زمان دولایسیله - مغلق  
و نعت پرورانه ایسه او یله نرکس و سائرہ کی مقصد بی روح  
و حلاوت سز اولیوب معیندار متین و حکمت آمیز اولمغله برابر  
ینه زمانمز ایچون تقلیده شایان دکلدرد. اقتدار ادیبانه سی تسلیم  
کرده عموم اولان بوذات قدرت ادبیه لری نك بر قسمی اولسون  
لسانمزك ساده لشدیرلمه سنه و قواعدینك تدویة صرف بیورمش  
اولسه لر ایدی آتی ایچون همتلری دهامشکور اوله جفی بی اشتباه  
ایدی. مسقط رأسی اولان (الاشهر) ده (شیخ سنان)  
محلہ سنده کی کندیسنه نسبت اولنان برخانه مشاهده اولنمقده در.

### وصاف عبداہ افندی

مسند جلیل مشیختی احراز ایدن فضلا دن خلوق برذات  
اولوب سابق الترجمة شیخ (ابن عیسای صاروخانی) اخفاد.  
ندندر. معلومات ابتدائیه سنی مسقط رأسی اولان [۲] اقصا.  
رده بعدالاکمال در سعادتہ کله رک علی الاصول اکمال تحصیلدن  
صوکر ا محشی فناری مشاهیر علمادن (قره خلیل) افندی یه

(۲) قصیدة برئینی (اقلید السعادة) اسمیله نظاماً ترجمه ایدن  
(حافظ اسماعیل نظیف بن محمد) افندی ده اقصا دردن یتیشن علماء  
شعر اذندر.

داماد اولدی . بعده مسلک نیابته سلوک ایله سلا نیک ، مصر مولویتلرنده ایفای وظائف شرعیه ایله دی . بر آراق طرف دولتن عهده فاضلانسه تودیع بیوریان وظیفه علمیه یی ایفا ایچون ایران، ماوراءالنهره کیده رک عودتی متعاقب تاطیفاً عهده سنه اناطولی بعده روم ایلی قاضی عسکرلکی رتبه لری توجیه بیورلدی . (۱۱۶۸) تار یخنده مسند جلیل فتوا ایله ده بکام اولدیسده ضعف پیری دولایسیله بش ای صکره (امیر-کان) ده کی یالینسده اختیار انزوا ایتدی . بووجهله گذارنده اوقات ایکن ( موت عالم موت عالم ) ترکیله ( ایتدی عبده افندی جنت عدنی مقر ) مصراع مجوهرینک دلالت ایتدیکی (۱۱۷۴) تار یخنده یوز یاشنه قریب بر سنده ارتحال ایله یوب جوار حضرت خالد ( رضه ) ده ( سیاوش پاشا ) تر به سی یقینده دفن ایدلدی . اوغلو محمد وطرونی محمد شریف افندیلرده مسند مشیختی احراز ایدن فضلالندر لر . تعلیق نویسر میاننده تعداد اولونان خطاطیندر .

مرتب دیوانچه سندن بشقه بیک بشیوز بیقی جامع ( خیال بهجت آباد ) عنوانی نصیحت آمیز عبرت انگیز بر منظومه شاعرانه سیله علم کلامدن ( زمزمه ) اسمنده مشور بر اثر فاضلا نه سی واردر . بوندن بشقه صنایع کلامیه نک انموذج بدایعی

مقامنده اولان مشهور [۳] ( عنوان الشرف ) قصیده سنه ده بر  
 نظیره لری وارد رکه ادبیات عربیه ده کی قوتلرینک شاهد  
 وبرهانیدر . [۷] سخن شیخ مشهور معلم ناجی مرحومک  
 ( خیال بهجت آباد ) منظومه سی حقنیده کی افاده لری بوجه  
 آتی نقل اولنور : ( بعض اصحاب نهی شیخ غالبک مشهور  
 ( حسن وعشق ) منظومه سنی بر درجه یه قدر اولسون  
 بو اثره تقلیداً یازلمش اولدیغنی ادعا یدر لر .

خیال بهجت آبادک بر پارچه سنندن :

ای طالب عز و جاه سرمد	رغبت کش دولت سر آمد
هر عجز و شفقت ایت شفیع اول	مخلوقه تواضع ایت رفیع اول
حکمت و یرهم دیوب صدورک	بیپوده اوچورمه کل حضورک
افراطه ده وارمسون او حالت	تا اولمیه موجب حقارت

(۳) ( عنوان الشرف ) منظومه سی (۸۳۷) تاریخنده وفات ایدن  
 مشاهیر فضلا و ادبادن ( شرف الدین بن المضرئ اسماعیل یمنی ) نک  
 اثر مشهور یدرکه بر سطرده بش علمی جامعدر . یعنی دوز او قوندیغنی  
 حالد بر علم و هر سطرک برنجی کله لری عموداً او قونسه دیگر بر علم  
 و اوچنجی کله لر کذا عموداً او قونسه بشقه بر عباره ایله دیگر بر علم  
 افاده یدر و هکذا .

[۷] اشبو نظیره حکمة ، منطق ، کلام ، نحو ، حکایات بالفارسیه ،  
 حکایات بالترکیه ، بی جامع اولق اوزره آلتی فندن باحث اولوب (۱۲۷۹)  
 تاریخنده مطبعه عامرده طبع ایدلشدور .



دلدادۀ شوق ایسه که رضایه  
اگر آمده تابع اول خدایه  
آخرینه خاک اولور بوتنلر  
بیلمن نهیه کبر ایدر ایدنلر  
دیگر

اوقاتکی ایلمه اضاعت  
نادان ایله ایتمه عقد محبت  
عرفانه بولنسون انتسابک  
بیل قدرینی خطابک  
اولسه که او مقولهیه ملاقی  
یا مجلسه کلسه اتفاقی  
بند ایله یوب ایتمه نفسک اتعاب  
مسدود ید قصادر اول باب

ادبیات سائره سندن :  
بیلمن عارفک موتندن اول قدر و آناری  
محک خاک ایله سنجیده در درخرد مندی

### وصفی علی غایب افندی

اجله مشایخ عشاقیه دن (عبداه [۴] صلاح الدین) افندی  
حضر تلرینک اخص خانقاسندن (نازللی) ده دقین خاک (شیخ  
محمد زهدی) افندینک مخدوم فضائل موسومی اولوب السنه  
ثلثه ده اشعار والهیاتی واردر. مدت میدیه (نازللی) ده ارشاد

(۴) ترجمه حال عالیری کتابخانه اسلام و عسکری جزو لری میاننده  
منتشر (کبار مشایخ و علمادن اون یکی ذلک تراجم احوالی) اسمنده کی  
اثر عاجزیده مندر جدر .

عاشقین و قرق درت سنه وظیفه فتوای شرع مبین ایله مشغول  
اوله رق ( ۱۲۱۶ ) تاریخده ارتحال دار نعیم ایلدیلر. مشارالیه  
( محمد زهدی ) نك خلفاسندن بری ده ( قره جه صو ) ده  
مدفون اولان صاحب دیوان ( سمیز زاده سلیمان رشدی )  
افندیدر . ( وصفی ) افندینك نعوت عاشقانه سندن بر نعت  
شریفی بروجه آتی درج ایدلدی .

بلاشك خاۋپایك کیمیادر یارسول اه

عیوق عاشقانه تو تیادر یارسول اه

کناهم اولسه مانند هزاران کوه قاف اسا

نیکاهك اولسه بر دم هپ هبادر یارسول اه

بهشت هشتی تزیین ایلین نور ظهورك در

ضیاسی نور ذاتکدن نمادر یارسول اه

عذاب دوزخی چکمز سکا امت اولان ادم

فترضی سا که حقدن عطا در یارسول اه

امید وصفی عاجز قیو کده بنده اولمقدر

که باش وجان سکا انجق فدادر یارسول اه

## وہبی شیخ محمد افندی

علماء مشایخ سعدیہ دن طبیعت شعریہ مالک بر ذات اولوب (روم ایلی یکیشہر) ندندر . (۱۳۰۲) تاریخنہ از میردہ ارتحال ایدہ رک (سیدمکرم الدین) درکاهی خطیرہ سہنہ دفن ایدلدی . (وہبی) مخلصلی مطبوع دیوانی وارددر .

## ہائف محمد افندی

خوشکویان شعرادن بر ذات اولوب (صاروخان) سنجاغی ملحق اتاندن (دمیرچی) قضاسی قراسندن (قلاووزلر) قریہ سندندر . (تذکرہ فطین) دہ محرر اولدینی اوزرہ در سعادتہ بالمواصلہ شیخ (ابوالوفا) مدرسہ سندنہ اقامتلہ بر مقدار تحصیل علوم عربیہ وفنون فارسیہ ایلدکدن صکرہ (فلکک) کردش بی انصافی ، ہاتفی ایتدی ایاق صحافی (بیتی مفادنجہ) بر مدت زنبیل بردوش اولدینی خالدہ کتاب فروشلق ایلیوب مؤخرآ صحاف چارشینسندہ بر باب دکانجہ کشاد ایلہ مألوف اخذ واعطا ایکن (۱۲۶۶) تاریخنہ ارتحال دار بقا ایلدی . (تذکرہ فطین) دہ محرر غزلندن طریقت مولویہ منتسب اولدینی اکلاشلقمقدہ در . غزل مذکورک بعض ابیاتندن :

خانہ بردوش جہان کیم دیدیلر ایشہ بز  
اوزکہ بی قید وزمان کیم دیدیلر ایشہ بز

اوله مسم که ایق و قتمی بیلمم حالا  
ازلی باده کشان کیم دیدیلر ایشته بز  
درکه حضرت مولایه طیاندم یاهو  
عاشق مولویان کیم دیدیلر ایشته بز

❧ مورخین فصلی ❧

❧ بکلی زاده محمود افندی ❧

ارباب معارفدن فارسی دان بر ذات اولوب « مغنسا » لیدر.  
اخیراً طبع اولان ترجمه ایلدیکی « روضة الاحباب » تاریخی  
« ۱۱۰۶ » سنه سنده اکمال ایتدیکنه نظراً کنندیسک اون برنجی  
قرون هجری رجالدن اولدینی اکلاشیلور بعض قرائنه کوره  
اولق احتمالی اولان انار سائر سهیله سنک مزارینه دائر  
« مغنسا » جه یاییلان تحقیقاتدن بر نتیجه استحصال ایدیه مدی.  
ترجمه ایلدیکی تاریخک اسمی « روضة الاحباب فی سیرالنبی  
والاصحاب » اولوب وزیر شهیر « میر علی شیر » ک ارزوسنه تبعاً  
« ۱۰۰۰ » تاریخنده وفات ایدن « جمال حسینی » لقبیه ملقب  
« عطاءه بن فضل اه شیرازی نیشابوری » طرفندن فارسی العبارة

اولمق اوزره تألیف ایدلمشدرکه جلد اولی سیراحوال نبی دن  
جلد ثانسی احوال خلفاء اربعه دن جلد ثالثی حسنین حضرت ائمه  
ملوک بنی امیه و خلفای عباسیه نك مناقب احوالندن باحدر.

### سپاهی زاره محمد بن علی

معارفندان قضاتدن ذو فنون بر ذات فضائلهاد اولوب  
« بروسه » ایدر. علی الاصول مملکتی علماسندن تکمیل نسخدن  
صوکر ا بعض مدارسده تدریس ایله اشتغال ایلوب « ۹۹۲ »  
تاریخنده « بغداد » و « ۹۹۷ » سنه سنده « از میر » قاضیقلریله  
بکام اولمشدی.

سنه مزبورده « از میر » ده ارتحال دار بقا ایلدی . السنه  
ثلثهده انشاد نظم ونثره مقتدر اولدیغنه اثار متنوعه سی شهادت  
عادلدر. مؤلفاتی غیر مطبوع اولوب باشلیجه لری بوجه آتی در:  
(۱) « انموذج الفنون » : « موضوعات العلوم » طرزنده  
اولوب تفسیر ، حدیث ، کلام ، اصول ، فقه ، بیان ، طب کبی  
یدی علمندن باحدر.

(۲) « حاشیه تجرید » متن اثر « ۶۷۲ » ده وفات ایدن  
علامه « نصیرطوسی » نکدر . دقایق علم کلامدن باحث و آلتی  
باب اوزره مرتب اولان بو اثر برچوق فضلا طر فلرندن شرح  
وتحشیه ایدلمشدر .



(۳) ( علی شرح حکمة العین ) متن اثر ( نصیرطوسی )  
تلامیذندن ( کاتب قزوینی ) نکدر. بونکده مختلف شرح  
وحاشیه لری واردر.

(۴) ( اوضح المسالك الى معرفة البلدان والممالك ) : اصل  
بادی اشتهاری اولان لسان عربی اوزره محرر بولنان بو اثر ،  
اساساً ( جغرافیا ) یه متعلق اولوب طرز تحریری حروف هجا  
اوزرینه مرتب ( لغات تاریخیه وجغرافیا ) ترتیبده دره. باشلیجه  
مأخذی ده ( ابوالفدا ) نک ( تقویم البلدان ) یایله ( صفی الدین  
عبدالمؤمن بغدادی ) نک ( معجم البلدان ) دن خلاصه ایتدیکی  
( مرصدا لاطلاع ) ی در . ختامی اولان ( ۹۸۰ ) تاریخنده  
جنتمکان سلطان ( مراد ) خان ثالثه تقدیم ایدره که مظهر مکافات  
اولمشیدی. مؤخرأ اختصار طریقله لسان عثمانی یه نقل ایله یوب  
وزیر اعظم ( صوقوللو محمد پاشا ) یه تقدیم ایش و بو وزیر  
قدردان طرفندن ده نائل تلطیفات اولمشدر که بو اثر لسانمزده  
( لغات تاریخیه وجغرافیا ) اصولنده یازیلان اثار که قدم اعتبار یله  
برنجیسیدر. ( در سعادت ) کتبخانه لرینک اکثرنده نسخه لری  
واردر .

## فوزی محمد مظہر افندی

ارباب معارفدن تاریخ شناس بر ذات اولوب (مرعش) لیدر . تحصیلانی بعدالاکمال خدمات دولتيك ماليه شعبه سنده تقيض ايدهرک (ايدین) ولايتی (دفتردارغنه) نائل اولمشدی . بو وظیفه ايله مشغول ايکن (۱۲۹۵) تاريخخنده (ازمير) ده وفات ايليوب (سيد مکرم الدين) درکاهی خطيره سنه دفن ايدلدى . (خبر صحيح) ناميله يازديغی تاريخ عثمانیسی بش جلدلدن عبارت اولوب جستمکان سلطان (سليم) ثانی یه قدر در . اتمانہ عمری وفاء ایتامشدر . اسمی مسما سنه موافق اولان بو تاريخ تواریخ منقحه عثمانیه دن معدود اولوب نهایتنده (فریدون بك منشأتندن) اننه بعض فرمانلر ، فتحنامه لر صورتلری ده درج ایدلمشدر .

## فره باشی زاده احمد بن محمد افندی

فضلاى مورخيندن مدقق بر ذات اولوب (ازمير لیدر) . خط دستيله محرر بيوجك بر جلد اوزره مرتب عربی العبارة اثر تاريخيه سنده سير پیغمبری ايله مناقب اصحاب و اوليادن و خلاصه احوال ملوک اسلامیه دن و (موضوعات العلوم) ايله (كشف الظنون) (تذكرة الحكم فى طبقات الامم) طرز لرنده

علوم عالیہ و آلیہ نیک تعریفات و موضوع علم یلہ غایہ لرندن علوم مذکورہ  
رجائیک تراجم احوال و انارندن باحث معلومات نافعہ مندرجدرہ  
اثر مذکورک (۱۱۹۵) تاریخندہ (ازمیردہ) تألیف ایدلدیکی  
خاتمہ سندہ محرردہ.

(۱۱۹۸) تاریخندہ (ازمیر) ده ارتحال ایدلدی. (نمارکاه)

جوارنده (تحتہ لی مسجد) ک قبلہ جهتہ مدفوندرہ.

(بومرقدہ هرکیم ایدرسہ دعا)  
سنک مزارنده اسمیلہ (ایدہ محشرده شفاعت مجتبا) بیقی

منقوشدرہ. سنک مزارنده (۱۲) ترکی تاج اولدیغنه کورده طریقت  
علیہ دنده مستخلف اولدقلری آکلاشیلیورہ.

### مہطفی نوری یاسا

ازمیردہ منصورى زاده عالمہ سندن بر ذات معارفہ تدرہ  
اکمال تحصیلدن صوکر امور حکومتده استخدام اولنہرق مشہود  
اولان رؤیت واستعدادی سابقہ سیلہ اولامعارف بعدہ اوقاف  
ہایون ناظر لقلر یلہ بکام بیورلدیلر (۱۳۰۷) تاریخندہ درسعادتده  
ارتحال ایددرک (سلیمانیہ) جامعہ شریفی خطیرہ سنہ دفن ایدلدیلرہ  
(نتایج الوقوعات) نامیلہ اوچ جلدن مرکب اولوب (۱۲۹۴)  
سنہ سندہ طبع اولنان تاریخ عثمانیلری اساساً دوات علیہ نک

هر عصر ده جاری اولان نظامات ملکیه وقوانین عسکریه و اداره  
مالیه سیله تفرعات سائره سنی توضیحه منحصر اولغله برابر بو  
مقصدک لایقیله میدان چیقارلمسی ضمنتده علی الاصول وقوعات  
کونییه بی ده نکته لی بر صورتده مجملاً ترقیم و بر تکمله  
علاوه سیله مقصد اصلی تتمیم اولنش عبارده سی طائلی منقح بر  
تاریخدر که زمانمز ارباب فضیلت و معارفندن عطا و قتلو (عبدالر-  
حمن شرف) افندی حضرت لرینک تحریر ایتدکلری ایکی جلد  
(تاریخ دولت عثمانیه) لرینک بعض موادی و تخصیص تکمله  
لر یچون باشلیجه مأخذ اولمشدر (در دنجی جلدی مطبوع دکلدر.  
برده) (خزینة الحساب) اسمنده علم حسابه عائد بر اثرلری  
اولدینی مرویدر.

## ❧ اطباء فصیلی ❧

### ❧ آبرینلی ماهی پاشا ❧

افاقم علما و اکابر اطباء عثمانیه دن اولوب کندی اسملری  
(حضر) پدر لرینک اسمی (علی) در. تحصیلنی مسقط رأسی  
علما سندن اکیال ایتمش ایسه ده محض استکمال فیض علوم سائقه-  
سیله «مصر» ه عزیمتله وحید علماء عصر اولان (مبارک شاه  
منطقی) دن علی طریق التکمل استفاده ایلدیکی کبی او ائنده

« مصر » ده بولنان ( شيخ بدرالدين سيحاي ايله ده مشاركة )  
 مشايخ ذوالجناحين دن ( شيخ اكمل الدين ) حضرت تلو رندن استفاضه  
 ايلدي لر . بر آراق و جودلرينه ضاري اولان امراض دولاييسيله  
 علم طبي ده تحصيل ايده رك ( الطب سائس الابدان ) و علم يضطر  
 اليه الانسان ) سرلوحه لي آثار طيبه لري مكافاتي اوله رف ختام  
 تحصيلنده ( مارستان مصر ) تسميه اونان دارالصحه يه ( سرطيب )  
 تعيين اولندي لر . بر مدت بو وجهله كذارنده اوقات دن صو كرا  
 وطنه عزيمت ( ايدين اوغلي محمد ) بكك رجا و دعوتي اوزرينه  
 « بركي » ده اختيار اقامت ايتدي لر . ايسته بوراده تأليف و تدريس  
 ايله اشتغال ايتكمده ايكن « ۸۲۰ » تاريخنده اختيار سفر آخرت  
 بيوردي لر . بعض قرائنه كوره « حضراق » دينلن يوكسك  
 مزار لقدو دفن خاك غفراندر . سيد العلماء شريف جرجاني ،  
 صاحب ترجمه نك دها و فضيالتك شاهد مصدقي دركه بو شهادت  
 پاشانك علوكعبنه برهان وافي و جليدر . اناري غير مطبوع اولوب  
 باشليجه لري بروجي زيردره ( ۱ ) « تفسير مجمع الانوار في جميع  
 الاسرار » : ايكي جلد كير اوزره مرتب بالوجوه مكمل بر  
 تفسير شريفدر .

( ۲ ) « شرح طوابع الانوار في الكلام » اسمي « مسالك  
 الكلام في مسائل الكلام » اولوب دقايق علم كلامه دائر يك چوق



مسروقات محقانه يي جامع اولان بوشرح «آيدين» اوغلارندن  
(عيسى) بك نامنه مؤلفدر. متن اثر (۶۸۵) تاريخننده ارتحال  
ايدن صاحب التفسير (قاضى بىضاوى) نك اولوب بر چوق  
علما طرفلرندن شرح و تحشيه ايدلمشدر.

(۳) «حاشيه على شرح المطالع الانوار» متن اثر «۶۸۹» ده  
وفات ايدن «قاضى سراج الدين محمود ارموى» نك شرحى ده  
علامه (فيخرالدين رازى) نك اولوب حكمت عتيقه ايله منطقدن  
باحث اولان بواثرده بك چوق فضلا طرفلرندن شرح و تحشيه  
ايدلمشدر.

(۴) «الشفاء» علم طبه دائر (آيدين اوغلى محمد) بك  
نامنه مؤلف تركجه بر اثر اولوب برنجى بابى عالمى و عملى قسمندن  
ايكنجى بابى غدارك، شربتلك، دوارك تركيب و انواعندن،  
اوچنجى بابى امراضك اسباب و علائمندن باحث اولمق اوزره  
اوچ بابدر. برنسخه سى «تيره» ده (ابن ملك) برنسخه سى ده  
(مغيسا) ده (مراديه) كتيخانه لرنده واردر.

(۵) «تسهيل» شفادن كوچك تركجه بر اثر طبى دره بونك ده  
نسخه لرى مذكور كتيخانه لرده موجوددر. خط دىستيله محرر  
نسخه سى درسعادته كتيخانه عمومىده در. بوايكى اثر طبى نك  
«لاتينجه» يه ترجمه ايدلديكى «المانيا» متشرقلرندن دوكتور  
«هانس بارت» ك جمله افاداتنددر.

(۶) «شفاء الاسقام و دواء الآلام» اسمی دلالتیله بونك ده  
طبه متعلق اولدینی اكلالیمقدمه در.

(۷) «فریده فی ذکر الاغذیه المفیده» درت قاعده وبش  
فصل اوزره مرتب طبه متعلق بر اثر در.

(۸) «التعالیم» . (۹) «الکیمی الجلالی» .

### شانی زاده محمد عطا الله افندی

هزار فن اطلاقه شایان ذوقتون ، فاضل ، ادیب ، مؤرخ  
برذات اولوب «مدینه منوره» ملاسی اسبق «شانی زاده شهری  
محمد صادق» افدینك مخدوم فضائوسومیدر . معلومات  
ابتدائیه سنی اكمالدن صوگرا علی الاصول علوم آلیه و عالییه ده  
بعدالتحصیل «مکه مکرمه» مولوتی و اوقاف هایون مفتشکی  
وسائر کبی اموره ایفای حسن خدمت ایتشدر. تفصیل احوالی  
«جودت» نارینخنده «تیره» ده ارتحال داربقا ایتشدر .  
قشله هایون جوارنده اشرافدن «علی پاشا» مرحومك قوناغی  
قارشوسنده کی مقابر مسلمین ده دفین خاک غفراندر. اخیراً زیارت

ایتدیکم مزارنده محکوک اولان نظم و نثر بروجہ زیردر :

میسر اولدی بکا شهادت

الهی سن نصیب ایله سعادت

بوله مام تا که رسوا کدن شفاعت

شانی زاده محمد عطاہ افندی با امر عالی

تیرہ مأمور ایکن مرحوم اولدی .

سنة ۱۲۴۲

مرحوم مشار الیہ « خواجه اسحق » ، « حسین رفقی » ،  
 « کتبخدا زاده محمد عارف » ، « منجم باشی عثمان صائب » ،  
 « اسماعیل فرخ » افندیلوله بر لکده مجرد جتتمکان سلطان  
 « سلیم ثالث » و سلطان « محمود عدلی » حضراتنک حمایہ  
 ملوکانہ و تشویقات معارف و راندلریله علی طریق التجدد حصوله  
 کلن معارف جدیدہ عثمانیہ مزک ایلاک استادلری و اصطلاحات  
 فنیہ و طبیہ عثمانیہ مزک ایلاک واضعلری اولمق طولانیسیله تاریخ  
 علم و فہمزدہ ناملری کمال تقدیر و احترامله یاد ایدلمیکده اولان  
 فضلامزدن اولوب السنہ ثلثہ « عربی ، فارسی ، ترکی » ادبیاتنه  
 واقف اولغله برابر فرانسزجه یده آشناو صنایع نفیسه دن شعر ،  
 موسیقی ، رسمہ اولان وقوف و انتسابی ده واصل مرتبہ  
 اعلا ایدی .

ایبائندن :

سائق قدرته تسلیم عنان ایت یوری  
اولمه پایسته زنجیر ملال اول سر بست

آناری : « ۱ » [ تاریخ عثمانی ] : مترجم قاموس « عاصم  
افندی » تاریخنه زیلاً « ۱۲۲۳ » دن « ۱۲۳۷ » تاریخنه قدر  
کذران ایلیان وقایعدن باحث اولوب اورته قطعه ده درت جلد  
اوزره مرتب و مطبوعدر. افاداتی مین و شایان وقوفدر.  
« ۲ » [ قوانین العساکر الجهادیه ] : توسیع و علاوه  
طریقیه « ۱۲۲۱ » تاریخنه ده فرانسزجه دن ترجمه ایدلمش  
۱۲۳۱ ده طبع اولمشدر.

« ۳ » [ اصول صک ]

« ۴ » [ تنبیها ت حکمران با سیر عسکران ]

« ۵ » [ تنظیم بیادکان و سواریان ]

« ۶ » [ مرآت الابدان فی تشریح اعضاء الانسان ] فن

تشریح ده اثر اولوب « ۱۲۳۱ » ده تألیف ایدلمش و « ۱۲۳۵ » ده  
طبع ایدلمشدر.

« ۷ » [ قانون الجراحین ] فن جراحیه عائد اولوب

« ۱۲۴۴ » ده طبع اولمشدر.

« ۸ » [ معیار الاطبا ] مطبوعدر.

- « ۹ » [اصطلاحات اطبا]  
 « ۱۰ » [مفردات اجزاء طبیه]  
 « ۱۱ » [مرکبات اجزاء طبیه]  
 « ۱۲ » [اصول الطبیعه]  
 « ۱۳ » [اصول حساب]  
 « ۱۴ » [اصول هندسه]  
 « ۱۵ » [جبر - مقابله]  
 « ۱۶ » [تعريفات سواحل دریا]

انها





صواب	خطا	سطر	صحیفه
آزاده	اراده	۱۱	افاده مخصوصه ده
اقدس	قدس	۱۴	۴
دره	درة	۳	۷
فرش و املاك	فرش و ملاك	۹	۷
بر ذات	بر ذت	۷	۸
عبدالوهاب	عبدلوهاب	۱۰	۹
فرو عانندن	فرو عانندن	۶	۱۰
اثر ذهولدر	اثر ذهولدر	۱۶	۱۰
اولنه رق	اوله رق	۱۷	۱۰
شهر یاریلری	شهر یاریلری	۱۵	۱۱
مظنه کرامدن	مظنه کرامدن	۶	۱۲
عمر روشنی	عمر روشتی	۸	۱۲
مؤسی	مؤسس	۷	۱۳
اولندینی	اولدینی	۱۷	۱۴
عینکه	عنیکه	۸	۱۶
آب زلال	آب (زالال)	۱۷	۱۶
بهرندن	بهرندن	۸	۲۰
خلوتیه دن	خلوتیه دن	۱۲	۲۴
کتری	کتری	۳	۲۶

صواب	خطا	سطر	صفحه
غفران	غفران	۳	۲۸
صاروخان	صاروخان	۵	۲۸
[ ۱۳۱۵ ]	[ ۱۲۱۵ ]	۵	۲۹
آناری ده	آناری ده	۱۴	»
خلوتیه دن	خلوتیه دن	۱۶	»
مأموراً بالارشاد	مأمور بالارشاد	۱۸	»
آلهای	الهای	۲۱	»
دقین خاک	دقین خاک	۳	۳۰
ناریخ	ناریخ	۹	۳۱
بیته	بیته	۱۴	»
بحر الحکم	بحر الحکم	۷	۳۸
مخلصی	مخلص	۱۷	۴۱
قره باش	قره باشی	۸	۴۲
»	»	۱۳	۴۳
مصطفی افندی	مصطفی	۱	۴۴
آناری	اناری	۷	»
ایقاظ	ایقاظ	۷	۵۰
تلامیذدن	تلامیذدن	۸	۵۱
مفتاح المرام	مفتاح المرام	۱۸	»
فنون عالیہ دن	فنون عالیہ دن	۶	۵۲

صحیفه	سطر	خطا	صواب
»	۱۰	علم صرفدن	علم صرفدن
»	۱۵	داوود	داود
۵۳	۱۰	بارلی	نازللی
۵۵	۵	سیق ایدن	سبق ایدن
۶۰	۱۳	علی اصول الحدیث	علی اصول الحدیث
۶۲	۴۱	بتلیس نك	بتلیسی نك
۶۶	۱۲	علی العبارة	عربی العبارة
»	۱۳	«قلعة طواس»	«قاعة طواس» ده
۶۷	۶	قاضه میر	قاضی میر
»	۱۳	فراع	فراغ
۶۹	۲۱	رسولا	رسول
۷۰	۸	عبدالرحیم	عبدالرحیم
»	۲۰	محمد افندی	محمد افندی
۷۱	۱۶	(بدرالدین قرافی)	(بدرالدین قوافی)
۷۴	۳	خضیره سنه	خطیره سنه
»	۱۰	وتنقیج	وتنقیح
۷۶	۱۱	یر ذات الوب	بر ذات اولوب
۷۸	۱۵	خضیره سنه	خطیره سنه
»	۱۶	اساله	اسئله
۸۳	۱۲	کیدر دک	کیدر دک

صواب	خطا	سطر	صفحه
انارسل ربك	انارس ربك	١٦	٨٥
كوندر دكده	كوندر كده	٢	٩٠
عودت	دعوت	٤	»
ذكاوت	زكاوت	١٧	»
دولتك	دوا لك	١	٩١
شرقى	شرقى	١١	٩٤
شو صورتله	شو صوتله	٥	٩٦
جيبه	جيبه	٨	٩٧
بروجه آتيدر	برجه آتيدر	١٣	١٠١
[ روض الازهار ]	[ روض الازهار ]	٣	١٠٢
كليسنه	كليسۀ	١٨	١٠٣
محمود انطاقى	محمود انطافى	١٧	١٠٥
الرونق	المرونق	٦	١٠٧
زبدۀ المناظره	زبدۀ المناظره	٦	١٠٨
عبدالرحيم	عبدالرحيم	١٩	»
سر حسى	سر حسى	٩	١١٠
منشآت	منشاآت	١٢	١١١
ايدرك	ايدرك	٣	١١٨
اتصالنده	انصالنده	٦	١١٩
مصطفى كشفى	كشفى مصطفى	١٥	١٢١

صواب	خطا	سطر	حقیقه
حاجی اسماعیل کمال	اسماعیل	۱	۱۲۶
انبیا	انبیا	۱۴	»
کتبکی	کیمکی	۱۱	۱۳۱
قیدیلر اوم	ایتدیلر اوم	۲	۱۳۲
شربتی	ش بی	۲۰	۱۳۳
سنه-نی	سنه سی	۱۴	۱۳۷
قدریدر	قدریدر	۷	۱۳۸
	(اولان) مکرردر	۶	۱۳۹
قات قات	قان قان	۶	۱۴۱
حافظ	خافظ	۱	۱۴۲
مرحومه	مرحوم	۹	»
اوله رق	اوله رق	۶	۱۴۵
لعلندندر	لعا ندر	۱۲	»
تاریخنه	تاریخنه	۱۷	»
صکره	صکر	۱۳	۱۴۶
خطیره سنه	خضیره سنه	۱۰	۱۴۸
ریاضی	ریاضی	۱۸	۱۳۹
ابیاتندن	ابیاتنه	۱۱	۱۵۲
اکری قبودن	اکری قبودن	۹	۱۵۴
آینه	آینه	۷	۱۵۵



صواب	خطا	سطر	صفحه
رفاعه دن طبيعت	رفاعه دن طبع	١٠	١٥٨
ياغيث	ياغات	١٦	»
ياغيث	ياغات	١٧	»
مقدمات علومى	مقدما علومى	١٨	١٥٩
براقان	برافان	١٥	١٦٠
مرج البحرين	مرج البخرين	١٨	١٦١
خاك	خك	٧	١٦٧
حاشيه على شرح	على شرح	١	١٧١
قره باش	قره باشى	١٣	١٧٢











3 1761 07980087 6

CT  
1473  
B83